


~~241st. 677.~~
VII. 7. 4.

VI. h. 111.





Ioachimi Pastorii
FLORVS POLONICVS

Carli Seu *Novis*
Polonicae Historiae

Pastor Epitome Nova. *1641*

LVGD. BATAVOR.
Apud Franciscum Hegerum. A. 1641.

*Loci Capucinorum
Viatistavia.*

VIRTUTIS JUXTA ET STEMMATIS
ornamentis Illustri

PETRO de LACHOWCE SIENIVTÆ,
Cobelini, Plessorvie, Zdanorum
Gr. Ec. Domino S.

N On mihi sollicitè, ut arbitror, dicenda causa est, cur libellum hunc Tibi, Illustris Domine, dedicatum veniam. Historia gentis Polonæ est, cujus Te proceribus pridem & Natalium & fortunæ tuæ splendor inseruit. Concinnata est à me, dum olim adolescentiæ Tuæ studiis admotus, id præcipuè curæ habui, ut à quibus vitam hausisses, ab iisdem exempla vitæ virtutumque acciperes. Nimirum à Majoribus Tuis, quorum antiqua decora & res præclare gestas Tibi coràm memorare aliquando solitus, nunc publico in literati orbis theatro, compendio traditas exhibeo. Leges hinc subinde *Conarscios, Firlejos, Sborovios*, quorum omnium sanguis es. Et Paterni nominis plura haberes monumenta, si Russorum rebus dicendis idonea se ingenia applicuissent. Sed infeliciores hinc illi Polonis, quibus in Majorum regredientibus tempora, saltem aliquot seculorum ratio utcumque constat. Nam antiquiora itidem vetustas rapuit, à nullo indigenarum, ob communem Septentrioni olim

Im literarū incuriam, transmissa ad posteritatem. Nec exteris memorantur, nisi neglectim & ferè tum tantum, cum inde suorum gloriæ luminis aliquid foenerari conantur. Sed & talia è monumentis illorum eruere non indecori laboris fuerit, & tentarunt quidam non penitendo successu: majora tamen præstituri, si vel libros vel subsidia alia habuissent, quæ nunc, auctâ literarum luce, nonnullis suppetunt. Necego ab his omnibus fatis paratus mihi videor, & si essem, juxta tamen ad id negotium longo opus fuerit otio, quod nunc equidem aliis studiis vacanti nimis exiguum suppetit. Majoris tamen in posterum potiundi spe sustentor, quæ si non fallit, conquirendis deinceps cæteris, quæ nostræ ætati propiora ad complementum hujus operis desunt, diligentius incumbam, parique, si valetudo & judicia meliorum voto responderint, conatu prosequar. Tu interim, Illustris Domine, ista à me accipe, si minus genio suo severioribus aliis placere merentia, Tibi tamen, ut spero, placitura, vel ob Autotem, ejusq; pronissimum in gloriam Polonorum & Tuam affectū. Vale. Scribeb. Lugd. Batav. incunte anno mill. sexcent. quadrag. primo, quem cœptis Tuis auspiciatissimum precor

TIBI

addictissimus

JOACHIMUS PASTORIUS. M.D.

IN
FLORUM POLONICUM,

Eruditissimi & disertissimi Viri,

IOACHIMI PASTORII, Med. Doct.

*S*Lavica dum primis, Pastori, ducis ab annis,

Et Lechi cineres exuviasque tui;

Et Craci imperium, magni incunabula Regni,

Tanta sub Arctoi sidere nata poli;

Tot formidatos, Bellona fulmina, Reges,

Nomina tot, nostris non temeranda modis;

Externum nil Roma legit. Se spectat in illis,

Eloquiumque operis, materiemque sui,

Hactenus & solos tantum mirata Quirites,

Fassa sibi est populum se reperisse parem.

Et pariter te resq; stupet; dumq; omnia laudat,

Omnia Romana sunt, ait, ista manens.

MARCUS ZUERIUS BOXHORIUS.

PROOEMIUM.

Polonorum natio, vetustissimis seculis communi Sarmatarum sub nomine cognita, postquam ab immensa horum & non capiente se amplius turbâ discessit, magis etiam, quam antea, fortitudine Martisque operibus enituit. Formidata semper vicinis remotisque populis, multis etiam sat diu dominata, à nullo, nec Romano quoque, qui Orbi quondam imperare gloriabatur, subacta. Quin & ipsi huic, ut expressis virtutum vestigiis, sic quâdâ inprimis Genii similitudine comparari merita. Quæ à primo ortu, ad bella, & res gerendas ita unice compositâ habuit, ut, exemplo veteris Roma, literato etiam otio nonnisi serius assuescere potuerit. Vnde factum, ut, quemadmodum triumphos alienos, & quæ hos comitari solebat, exteranam scriptionum industriam, felicitus semper armis arcuit: ita ipsa artium diu negligens & experta, res Majorum & suas nonnisi memoria ac narratione familiari sciret traderetve: externis vero gentibus victoriis potius & irruptionibus, quam libris innotesceret. Equidem ante Iagellonem paucissimos hic literis eruditos novimus: certè unum tantum, qui facta suorum posteritati tradere aggressus sit, Vincencium Cadlubcum; Virum ob antiqui-

PROOEMIUM.

tatem, laboremque à nullo ante tentatum, venerabilem, quamquam aliqui Romana facundia cultu, seculi sui virto, minus nirescentem. Sed post Iagellonem, institutamque ab hoc Cracovia disciplinarum officinam, subit major animorum cultura, adeoque cum resurgentium passim literarum luce crevit, ut & supertori seculo hac terra rulerit, & nostro etiamnum ferat ingenia, eruditione, inprimis floridâ illâ, & vita rebusque agendis aptiore, ad miraculum usque culta. Nec paucos etiam, qui res patrias decoris laboribus componerent illustrarentve, ætas hac posterior profudit. Præter ceteros, quos silentio hic veneror, Martinum Cromerum, Varmiensẽ Antistitem dedit, virum ut loco illustrem, ita nulli historicorum seculi sui secundum, sive peritiam rerum, sive elegantiam Romani sermonis spectes. Quam utramque clarè ostendunt annales ejus, magnâ industria elaboratum & perpetua laude dignissimum opus.

Enimverò quia & extat jam rarius, & diffusa orationis profuentiâ grandius est, quam ut ab omnibus parari vel legi possit, incesit & aliis ante me, & mihi post illos studium, contrahendi, quæ ille operosius induxit, in compendium, simulque eadem

PROOEMIUM.

brevitate, quæ post illum in Poloniâ acta
essent, attexendi. Eam ego operam ante
quadriennium, cum fore à lectione me-
liori ævi scriptorum recentior essem, ag-
gressus, ad exitum Sigismundi Augusti, qui
ultimus Iagellonidum masculorum fuit,
deduxi: magis tamen id, quicquid esset, pri-
vato quorundam usui, quam luci publica
destinans. Quam revereri ego, ut pareat,
semper solitus sum, & ut sustinere queat
hoc, quod jam verecundia custodiâ effrin-
git, maxime metuo. Nimisne formidolosum
me ingenium aut tenuitatis conscientia fa-
ciat, nescio: sed multos profectò fore cen-
sores, multa & hic jam nunc video censu-
ris opportuna: nec temerè forsan repertura
venia: apud inhumaniores, & quibus aliena
sugillare volupe est. Multis non placebit ip-
sa, quâ maximè placere volui, brevitatis;
quod desiderium alicubi legentis non exple-
bit. Sed forsan idem, si fuisset prolixior,
brevior me voluisset. Ita enim plerumque
præsentia in fastidio: quæ desideramus,
in laude sunt: nec facile quid mediocrè, ut-
ut sit, videatur omnibus. Plures, opinor,
brevitatem non culpabunt, sed velent se-
junctam à vitiis suis: obscuritate nempe, &
inconditâ ex re una in aliam defultatione.
Obscuritatis accusatoribus, quod opponam,

non

PROOEMIUM.

non habeo, præter difficultatem rei, maxi-
mè etiam ingenii agnitam. Rarissimis
profectò datum, nullo perspicuitatis dam-
no, paucis verbis multa complecti posse.
Nec pictor facile parvâ in tabulâ homines
sexcentos aequè expressos & cuius oculo ob-
vios dederit, quàm si singulis tabulis singu-
los depingat. Et quis credat nuce inclusum
Magni Homeri opus, aequè facile legi fuisse,
quàm aliquot arborum corticibus descrip-
tum? Iam compagem scripti, si alicubi so-
lutiùs videbitur, argumenti itidem ratio
merito defendet. Si Flori aliorumque ex-
emplo, per bella tantum vel seditiones do-
mesticas, voluisssem decurrere, rem unam
uno capite tradidisset, fuissetque sine sale-
bris oratio. Nunc quia Regum vitam fa-
cta que omnia, certè sciri digniora, memo-
rare decreveram, in eadem sæpe paginâ de
nuptiis & funeribus, de comitiis pugnisque
agendum, trajiciendusque subinde à Vistu-
lâ ad Tanaim, à Smolensco Cracoviam
stylus fuit. Genus dicendi, quod secutus
sum, non excusabo hic multis: frustra enim
facero, qui scio, suum cuique & esse & pla-
cere; & prout quodque ex alienis ad suum
accesserit, ita æstimari. Castitatis quidem
Romana, quantum potuit, ratio habita
est. Scribi asperiusculum quid, aut insolans
occur-

PROOEMIUM.

occurreret, damnavi non prius velim, quam
 Florum, atque inprimis laudatissimum hi-
 storicorum Tacitum consulueris. Qui no-
 viter tum mihi & cum curâ lectus, sua
 subinde aliqua etiam non quærenti adper-
 sit. Quod publicè hic profiteor, ne me aliena
 pro meis venditare credas, aut procacius
 aliqua carpus tanquàm mea. Caterùm Latinis
 auribus ut tanto magis me attemperarem,
 placuit etiam nomina quadam Polonica
 nonnihil ad mollitiem Romanâ deflectere.
 Quod quia Cromero quoquē nō raro facili-
 tât, exemplo huius laudari, saltem excusari
 merebitur. Sed præter cætera, laceſcent hic,
 nisi fallor, unguis censorios sententia, qui-
 bus scriptum hoc alicubi intertextum cer-
 nitur. Alia frigidiuscula, alia & loco alio-
 riore inserta videbuntur. Nec mihi sane
 omnes placent, jugulassentque nonnullas,
 nisi familiares, quibus minus displicuerant,
 intercessissent. Qui iidem, ut meam in aliis
 etiam severitatem refringerent, in anti-
 quorum recentiorumque quibusdam, lau-
 datis alioquin, scriptis, nonnulla reperiri a-
 jebant, rigidioribus iudiciis minus satisfac-
 tura, nisi prævalida eorum, qui scripsissent,
 autoritas, censors timidos, & censendarum
 vel vitia faceret honesta. Præterea in ma-
 gnis plerorumque operibus commodior qui-
 buscunque sententiis vel locus vel latebra

PROOEMIUM.

datur: cum potissimum sermones aliorum
 identidem referant, qui gemmas ejusmodi
 pronissimè recipiunt, isdemq; lucis & dant &
 debent non parum. Nobis in arcto magis
 labor fuit, & si qua ingenii imbecillitas com-
 misit notari digna, ea in propatulo & ad
 cuiusvis oculi ictum libelli exilitas exponit.
 Concionem vix unam inferere permisi mi-
 hi; nec alia, quæ cæteris contingere, habere
 licuit adminicula, quibus se erigeret stylus.
 Quid majori jure, mihi, qui laudem ex his
 non affecto, veniam saltem deberi conſeo.
 Parvum tu istud, quantumcunque est, libe-
 re licet pronuncies. Tale enim etiam Au-
 tori videtur. Nec diversum de hoc credere
 te jubeat libelli fons, præclaro floridissimi
 historicorum nomine superba. Nulla enim
 æquanda gloria spes, sed solam ob brevitatis
 similitudinem, quæ alios quoque ad idem
 faciundum induxit, titulus hic præscriptus
 est. De fide historia, quam alii autores in
 frontispicii librorum præstruere sibi conan-
 tur, minus mihi laborandum existimo: qui
 & ingenio, ut sciunt omnes, qui me norunt,
 vitæque instituto, à studiis partium alio-
 nissimus sum: & hic cum religioso alio-
 rum, quibus fides habetur, vestigia presse-
 rim, illorum autoritate, adversus falsi sus-
 picionem, tutus, opinor, ero, certè esse me-
 reor. Vale.

Metra Vistulam, qui limes est Germania Orientē versus, latē iacent Sarmatia, Europae prima, deinde Asiatica, ad Septentrionē porrecta, quae Tanai fluvio & Maotide palude discriminantur. In Europaea Poloniae regnū situm est, quod etiam citra Vistulam, versus occasum ad Oderā seu Viadrum usque protenditur. & Pomeraniam ac Prussiam, amplissimas Polonicae ditionis beneficiarias provincias (quanquā & eisdem Imperium Germanicum sibi vindicat,) Poloniam deniq; propriā dictam, à qua toti regno nomē, inter Vistulam & Oderam amplectitur. Totum igitur regnum ab Oderā ad Vistulam & à Vistula ad Borysthenem, hodie Nieperum dictū, à Ponto Euxino ad mare Balticum, ab extremis Lithuanorum finibus ad Moscorum & Suecorum usque limites extenditur.

In Europaea Sarmatia spatio maxima ac frequentissima regiones moribus ac lingua differentes, Polonia, Prussia, Masovia, Samogitia, Livonia, Lithuania, Volhinia, Podolia, in unum fortissimum regni corpus coaluerunt. Polonia, cui à Pole nomen, quod vocabulum planitiem & venationem sonat, eo quod plana majori ex parte provinciae

vincia & venationibus exercendis opportuna sit, in Majorem & Minorem dividitur, & ab occasu Oderam habet, & trans Oderam, Germaniam omnium Europae provinciarum maximam: à meridie Pannonias: ab ortu Lithuaniam respicit. Regio ferax, oppidis ac vicis & castellis frequens, fluviiis crebris irrigua, & adhuc generosa nobilitate abundans; quae armorum curam ferè cum liceris conjungit. Itaque & regionum visendarum gratiā, Nobiles ac primores Adolescentes crebrò Lares paternos deserunt, & magnam secum Doctrinae copiam & optimarum rerum usum non mediocrem, ex peregrinationibus collectum, domum referunt. Slavica Lingua utuntur, ut & in Germaniā Boemi, Silesii & Moravii, à Sclavis è Roxolaniā populis profecti, qui circa Attilā, Hunnorum Regis, tempora, vacuas Vandalorū sedes occupasse, & in interiorē Germaniam victoricia arma intulisse memorantur. Ab his, ut genus, sic lingua propagata, hodie quam latissime per Septentrionē & Orientē patet: eaq; ferè, prater eos, quos dixi, Vinida, Baltico mari vicine gentes, Pomerani, Lusatii, Roxolani, Mosci, quorum non solum in Europā, sed etiam in Asiā latissimum est Imperium, Circassii etiam Quinquemona-

PROOEMIUM.

quemontani ad Pontum habitantes, Rasciani, Masii, Serviani, Bulgari, Bosnenses in Illyrico, Dalmatae, Istri, Carniolani ac denique Carinthii utuntur.

Sabellicus Ennead. 8. lib. 2.

Slavos, perhibent, à Cimmerico Bosphoro, è Sarmatiâ & Russiâ bipartiti egressos. Partem unam ad dextram deflexisse Septentrionem versus, scissamque in duos populos Bohemos & Polonos, cum hos Lechus, illos Cechus fratres ducerent. Alteram transmissa Istro, secundum Savum amnem, ad Dalmatiam usque, sedes tenuisse, nihil mutato nomine. Occuparunt autem relictas à Vandalis sedes Hispaniam potentibus.

Prin-

Principum Regumque Polonorum series.

Lechus.	pag. 1	al. Crivousti.	49
Palatini XII.	3	Vladislaus II.	
Cracus.	4	Ethnarcha.	59
Lechus II.	6	Boleslaus Cri-	
Venda Virgo.	7	spus.	63
XII. Palatini.	8	Mieicislaus Senex.	67
Premislaus seu		Casimirus Ethnar-	
Lescus I.	9	cha, quem quidam	
Lescus II.	10	Iustum appellant.	
Lescus III.	12	68.	
Popielus Major.	13	Lescus Albus.	72
Popielus Junior.	14	Mieicislaus Senex	
Piaustus.	17	iterum.	73. 74
Lescus IV.	21	Vladislaus Lasco-	
Ziemomislus.	22	nogus.	76
Mieicislaus primus		Lescus Albus ite-	
Christianus Prin-		rum.	76
ceps.	23	Boleslaus Pudi-	
Boleslaus Chrobri		cus.	79
primus Rex.	26	Lescus Niger.	86
Mieicislaus I I.	31	Premislaus, qui pri-	
Casimirus I.	32	mus post Boles-	
Boleslaus Audax.	36	laum Audacem,	
Vladislaus Her-		(in quem vibrata	
mannus.	44	Pontificis R. ex-	
Boleslaus III.		communicatio	
		diu	

diu ad successores
 etiam se expor-
 rexit,) Regium
 nomen resump-
 sit. 92
 Vladislaus Locti-
 cus, 94
 Venceslaus. 96
 Vladislaus Locti-
 cus iterum. 98
 Casimirus Ma-
 gnus. 110
 Ludovicus Unga-
 rus, 116

Vladislaus Iagel-
 lo. 124
 Vladislaus III. 136
 Casimirus III. 145
 Joh. Albertus. 160
 Alexander. 169
 Sigismundus I. 175
 Sigismundus Augu-
 stus, ex masculis
 Iagellonidis ulti-
 mus, & hujus o-
 pusculi coronis
 195.



LIBER I.

C A P. I.

DE LECHO.

ANNO CHRISTI. 101.

*Lechus primus Princeps. Quis status tum
 principum. mores Polonæ gentis. Gnesna
 condita. gentium Septentriona-
 lium migrationes.*

PRIMUS Polonæ Reipubl: con-
 ditor ac Princeps Lechus fuit.
 Cujus ut patria ambigua,
 (quippe quem indigenam alii, alii è
 Slavoniâ Dalmatiâve advenam existi-
 mant:) ita virtus non alio certiore argu-
 mento innotuit, quam quòd ducum
 ejus sequi, audireque imperium inuasor
 novæ terræ Populus voluit. Erat tum si-
 ne lege Principis potestas, nisi quam ei
 vel natura poneret, vel genius populi su-
 perba imperia facillime aspernantis. Nec
 propriis ex agris ille, sed annuo susten-
 tabatur

A. tabatur

tabatur proventu subditorum, securius quoque sic parentium Principi, qui sine ipsis vivere non posset. Nummus etiam hactenus in Poloniâ incognitus erat. Oppida rara. Lechus quæ repperit, munivit & ad nova struenda animum adjecit. Prima operum ejus Gnesna hodieque extat, regia quondam principis, nunc primi Antistitis sedes. Quam molendi animum vel dedit vel auxit nidus regnatricis avium Aquilæ, felix nascentis Imperii omen. A nido nomen adepta civitas est; avis insigne regni mansit. Bella quin aliqua gesserit Lechus, extra dubium est, aut certe perquam felicem fuisse oportuit, cui novæ terræ occupatio nullo sanguine constiterit. Quamquam magnam ejus partem desolatam offendisse verisimile est, desertamque prisca cultoribus Vandalis. Incidit enim Lechi ætas in ea tempora quibus Vandalis Galliam, Hispaniam, & Africam, Gothi Italiam inundaverunt; eunte tum Romæ in præceps, danteque exitio suo variis Imperijs initia nascendi.

CAP.

DE PALATINIS XII.

Aristocratia instituta similis Decemvir.

Rom. Leges tum condita, non scriptæ.

Palatinorum ambitio & discordia.

Finitimorum machinationes.

Nondum formam constantem aut certum veluti vultum duxerat Polonorum Respublica. Facilis mutationi fuit, cum vel Lechus nullam sobolem aut non capacem sceptri reliquisset, vel populus libertatis pertinax uni in omnes dare nollet imperium. Visum ergo est duodecim primarios viros deligere, munia Reipublicæ communi consilio exequenturos: qui tū vernaculo nomine Wojevoda, id est belli duces dicti, hodie Latinè loquentibus Palatini vocantur. Ac hic magistratus & numero, & factis & sine denique haud multum ab similibus Decemviratui Romanorum est. Nam utrorumque & brevis potestas, & laudabilius initium, quam finis fuit. Præterea, ut illi Romanam, ita Polonam Rempubl. isti legibus certis devinxerunt. Quæ tum rudi adhuc seculo

A 2. sim-

4 FLORI POLONICI
simplices fuerunt, & quia literarum
cultura aberat, non tabulis sed menti-
bus inscriptæ solis in moribus observan-
tium legebantur. Plurimum his institutis
ornaverant Rempubicam Palatini;
sed hanc iidem mox gravissimè afflixere.
Correpti enim ambitione discordes a-
gere ac raptare inter se Imperium cape-
runt. Quod idem sic domi agrum non
omiserunt mox infestare finitimæ gen-
tes, jam pridem, ut fit, surgentem in vi-
cinità novam potentiam malè ferentes.

C A P. III.
D E C R A C O.

AD ANN. CHRISTI. IDCC.

*Cracus invitus suscipit Principatum. su-
septum pacat. Cracoviam condit.
Draconem tollit. Sepulchrum
illius.*

LAborante ita externis civilibusque
bellis Poloniâ, publicæ rei intererat
ab uno rursus omnia regi. Aptissimus ad
id Cracus videbatur, vir opulentus, Vi-
stulæ fluminis accola. sed is ægrè per-
suaderi potuit, ut susciperet onus, quod
per

LIBER I. 5
per se arduum mala tum publica aggra-
vaverant. Vicit tamen recusantis mode-
stiam pertinacia deferentium. Ille tur-
batum imperium pacate aggressus ho-
stes partim fœderibus, partim vi miti-
gavit. Domi ambitionem & si quæ alia
supeterant discordiarum civilium semina
sustulit, ac ut porro compositius
cuncta agerentur, passim per provinciam
discēptatores privatarum litium consti-
tuit. Inde novam ad Vistulæ ripam ex-
citavit urbem, quam de suo dictam no-
mine Cracoviam, relicta Gnesnâ, regni
caput dedicat. Arcem imponit monti
Vavelo, qui hinc Vistula præterfluens,
inde subjectæ urbi imminet. Ad ejus
radices suspensum rupibus antrum ho-
dieque conspicitur, quod Draco imma-
ne monstrum, & magna circumjectorum
locorum calamitas dicitur habitasse.
Quem Cracus objectâ corporum pice
ac sulphure effertorum escâ confecit.
Moriens in Lassorino monte ultra Vi-
stulam è conspectu Civitatis sito sepeli-
ri voluit, sublato in collis speciem tu-
mulo, qui hodie etiamnum extans, urbi
nobilissimæ memoriam conditoris sui
renovat conservatque.

A 3

C A P.

DE LECHO II.

Parricidium Lechi ejusdemq; poena exiliū.

CRACUS duos filios reliquerat. Quorum minor natus Lechus imperium, quod Craco fratri jure ætatis primò debebatur, rapere maluit, quam expectare. Valuitque in tantum ambitio, ut regnandi causâ nec parricidii scelus admittere dubitaret. Eductum enim in sylvas specie venandi fratrem obtruncavit. Mox ut à se suspicionem cordis amoliretur, eundem quasi casu vel fato mortuum multo luctu & accuratissimo exequiarum honore prosequutus est. Sed nempe vindex scelerum Deus non permittit diu latere flagitia, aut fructu eorum gaudere auctores. Enarruit Lechi facinus, ac missus in exilium est parricida. Sat grande supplicium esse videbatur, si eo careret, ob quod parricidii reus esse non timuisset.

CAP.

DE VENDA VIRGINE.

AD ANN. CHRISTI. DCCCL.

Venda Princeps electa. matrimonium respuit. Ritigeri proci conatus. mors.

Venda viduæ se Diis Manibus devovet.

EX sobole Craci Venda supererat ingens animi virgo & supra sexum suum prudens. Inde post infaustos fratrum casus digna Polonis visa est, cui sceptrum paternum daretur. Et hac veluti dote destinabatur conjugio, per quod Poloni principem & ex eo prolem acciperent, ne porro successor in dubio foret. Sed Venda princeps esse, quam principis uxor maluit. Ambiebat eam Ritigerus è vicinâ Germaniâ Princeps, & spectus à pulcherrima virgine conjugium, quod precibus imperare non poterat, manu capere decrevit. Progressus ad fines Polonorum cum exercitu hostilia minabatur, sic tamen, ut in hoste amantis animum retineret. Processit obviam cum expeditis suorum copiis Virgo, om-

A 4

go, omnia mutua ostentans præter amorem. Dum legationibus morantur bellum, pudor incessit Ritigeri comitibus pugnare contra castissimam Virginem pro Principis sui libidine. Ergo arbitum moliantur. Dux ipse amore Virginis, simul irriti conatus pudore vecors, infelicem sibi manum infert. Vendit triumphans Cracoviam ingreditur, nec contenta victimas alias obrulisse, se ipsam Diis Manibus devotam in Vistulam præcipitat, nobili contemptu vitæ, si tam digniori causæ impensa esset, quam cæco impetu erroreque superstitioso videtur projecta.

CAP. VI.

DE XII. PALATINIS,
& PREMISLO.

*Palatini rerum regnant. Premisli fabrica.
eiusdem electio in Principem.*

VAndæ castitas Polonis gloriosior quam utilior fuit. Tota enim cum illa stirps regnatrice, de quâ sola jam supererat, intercidit: Revolutaque est Imperii moles in Palatinos. Sed favit fortuna

tuna Polonis, ut cognitus recenti periculo Magistratus, ante quam tempore corrumperetur, desineret. Infestabant tum Poloniam Pannonæ & Moravi, diu impunè, donec à Premislo aurifabro inusitatâ rudi illi seculo arte multarentur. Fabrefactas ex corticibus arborum, & felle vel lithargyro illitas galeas ad oram sylvæ in arbutis truncisque, castra hostium contrâ, clam noctu suspenderat. Sole oriente splendor galearum, exercitus specie oculis eminens spectantium illudens, excivit quosdam hostium, qui prioribus successibus feroces tanquam ad expositam prædam accurrerunt. Venientes cum galeas non repperissent (cas enim Poloni interim amoverant) fugâ elapsam credunt hostem & ad persequendum se parant. Sequutos in interiora sylvæ derepente ex insidiis circumveniunt Poloni cæduntque: mox armis eorum indutis castra quoque hostium invadunt. Machinatorum tam felicitas doli Premisli admirati Poloni Principem fecere. Regere debere visus est Rempublicam, quam servaverat.

DE LESCO II.

AB ANNO DCCCLX. AD ANNUM
DCCCIV.

*Certamen equestre de Principatu. Dolus
Lesci. infelix auctori. alterius Lesci
electio. & mores.*

SED Premissus seu Lescus iste orbus
decessit. Inde nova de Principatu
contentio orta est. In quâ cum ceterâ
discordarent, eò consensere voces om-
nium, ut fortunæ permitteretur electio.
Selectis equis versicoloribus procurre-
retur ad metam, qui primus pervenisset,
Princeps foret. Sed repertus est ex com-
petitoribus, qui fortunæ arbitrio do-
lum interponeret. Is campi, in quo cer-
tandum erat, arenas tribulis ferreis clâ-
noctu impedit, relicto sibi tramite inte-
gro, equoque etiam in casum soleis fer-
reis munito. Effusis in cursum omnibus
lapsantes ceteri vel tardati facili victo-
riam impostori reliquere. Iamque ad-
strepî coeptum erat ut victori, ut Princi-
pi, cum paulò post fraudis compertus
pro principatu supplicium subiit. Forte
autem

autem cum cœteri equites decurrerent,
vir quidam tenuissimæ sortis idem sta-
dium pedes, non sine risu astantium in-
gressus fuerat, metamque etiam post ip-
sum doli structorem tetigerat primus.
quodd scilicet antequâ alii adessent, cum
sodale ludicro cursu certamini velut
præludens, quâ currendum esset non si-
ne pedû vulnere didicisset. Illum postea
fato sibi ostensum rati Poloni, quanquâ
pauperem & nec unius equi Dominum
principatu donarunt. Quem ille, dubites
majorene felicitate acceperit, an indu-
striâ administrarit. Stimulabat animum
ipsa ignobilitas, ut quod stirpi deerat,
virtute suppleret. Animum fortem in
hostes, in suos beneficium ostendit, ha-
bitum vero privati & modestiam mutatâ
etiam fortunâ retinuit, ac ne exueret,
pannos, quibus ante Principatum usus
erat, subinde contemplabatur, sobriæ
insuper vitæ inprimis studiosus, ebrie-
tatilque osor accerrimus. Quasi sciret,
magnis honoribus tentare fortunam
mortalium mores, cautè egit, ne impar
inveniretur.

DE LESCO III.

AB ANNO MDCCCIV. AD ANNUM
MDCCCX.

*Lesci bella cum finitimis. pax cum Carolo
Magno. filius ejus Provincia distribuita.*

Gloriosam Lesci vitam similis mors
sequeuta est. Fertur enim in prælio
contra Carolum Magnum Sclavis Hun-
nisque opem ferens occubuisse. Sed mox
in successore filio virtus mortui patris
resplenduit. Aspernata novitatem ejus
finitimæ gentes assiduus bellis exerce-
bant arma fortissimi juvenis, incitabant-
que ostendere, parum interesse virtu-
tis, quos numeret majores. Atque
istos quidem hostes felicissimè ultus est.
provinciis etiam quibusdam patrio reg-
no adjectis. Cum Carolo M. missis mu-
neribus pacem pepigit. Satis speciosum
fuit Lescio, à magno illo Occidentis do-
mitore non victum esse. Filios habuit
complures, quorum unus è legitimâ
conjugè Popielus in spem regni educa-
tus: reliquis impari Venere natis, Mar-
chitâ, Pomerania, Cassubia usque confi-

MCS

nes Provinciæ distributæ sunt, hoc au-
toramento, ut Popielo hæreditatem
suam integram relinquerent. Felix ob-
iisset Lescus, si tam bonum hunc genuis-
set, quam bonus genuerat.

DE POPIELO MAIORE.

AB ANNO MDCCCX. AD ANN:
MDCCCXV.

*Popielus degener. mutat sedem regiam.
cito moritur.*

Popielus nihil à Patre præter Princi-
patûs fortunam accepit. Animus
dissimillimus erat, ignavus, & ultra ab-
dominis curas vix assurgens. Nec patria
sedes Cracovia diu degeneri placuit. Si-
tus urbis montibus cinctæ & Russorum
Pannonumque assultibus opportuna
persuasit homini, ut campestria Poloniæ
planaque habitare mallet. Et quod simul
fratribus propior esset Pomeraniæ do-
minis, Crusphicia delecta est, Cujaviæ,
ut hodiè dicitur, oppidum. Sed frustra
vitæ vel securitatem, vel voluptatem hæc
mutatione sedis quasivit. Aliquanto e-
nim

14. FLORI POLONICI
nim post repentino fato abreptus est,
non bonus sine dubio princeps, nisi peior
filius patrem etiam desiderabilē fecisset.

C A P. X.
DE POPIELO IVNIOR.

AB ANNO MDCCCXV. AD AN:
MDCCCXXX.

*Popielus deterior Patre. deformis. uxor ejus
pessima. ipsi imperans. patruos veneno
necant. à muribus devorantur.*

POpieli filii adolescentia aliquandiu
patruorum Procerumque consiliis
cohibita est. Mox non tutorum tantum,
sed omnia honestatis fræna excussit. Ju-
venis in foedâs voluptates totus pro-
fluens, regere ab ingenio ineptus, & ex
dominandi fortunâ nonnisi licentiam
usurpans. Iuncta erat animi ignavia cor-
poris deformitas raro in capite & facie
pilo perabsurda. Inde irrisum vocola-
que subditorum incurrit, ut vulgari con-
vicio Chostek appellaretur. Spes adhuc
tamen corrigendi juvenis in matrimo-
nio supererat. Verum & hæc sefellit:
Ducta enim è vicinâ Germaniâ uxor ad
Prin-

LIBER I. 15
Principis solutissimos mores propria in-
super vitia avaritiam & crudelitatem at-
tulit. Postremo quoque scæmina impo-
tens vecordiam Popieli ita subegit, ut
hic inania nominis, ipsa vim teneret im-
perii. Nec satis illi erat vivo marito im-
perare, nisi imposterum etiam sibi & fi-
liis, quos duos ex Popielo pepererat, re-
gnum firmaret. Diffidebat autem favori
Polonorum, præsentem dominationem
abominantium: sed inprimis Patruorum
mariti gratiam in vulgus atque autori-
tatem suspectabat. Hos dum amoliri
laborat, erupit in scelus, in quo fides
annalium laboret, nisi tot seculorum
consensu niteretur. Persuadet mulier
nefanda marito, ut molesto æmulorum
metu se suosque liberos exsoluturus,
dolo, quem commenta erat, operam
commodaret. Ille, jubente ita uxore,
morbum simulat, patruisque advocatis.
quasi morti proximus conjugem ac li-
beros commendat. Ipsâ interim ut fi-
dem morbi periculosi faceret, nulla non
adhibente doloris imitamenta. Flexo in
vesperam die, Popielus manum quasi tes-
seram affectûs sui ultimam secessuris
porrigit, & simul infelix poculum, quo
paratum à muliere venenum contineba-
tur.

tur. Illi conceptâ intra viscera morte ab-
cunt, mox acti in rabiem post ingentia
tormenta exanimantur. Clamat mulier
divinâ aliquâ vi tactos esse, ac recidisse
in autores insidias, quas marito suo stru-
xissent. Mox corpora abjici jubet, odio
ipso quasi & sævitia in nocentes inno-
centiam suam probatura. Et fefellerat
fermè homines, sed minimè Deum, qui
si fides annalibus veterum, prodigioso
planè & inaudito supplicii genero, qui
patraverant, reos peregit. Nati quippe
& cadaveribus projectorum mures por-
tentosæ molis invadunt impium parricidam,
uxorem & liberos. Non aqua,
non flamma, non claustrorum latebræ,
non auxilia ministrorum arcere hos
vindictæ Divinæ satellites potuere. Ita
tandem liberi Principis Lechus & Popielus,
mox conjux, postremo ipse pabulum
murium facti, documentum dedere
posteris, non posse à mortalibus tam
horrenda committi flagitia, quin hor-
ribiliores pœnas iratum Numen inve-
niat.

CAP.

CAP. XI.

DE PIASTO.

AB ANNO DCCCXXX.

AD ANN. DCCCLXI.

*Comitia sine effectu. turba in Polonia. Pias-
tus pascit miraculose plurimos. princeps
creditur. bene diuque imperat.*

Calamitates Poloniæ sub Popielo
toleratas auxere post ejusdem exi-
tium orta de successore dissidia. Indicta
Crusviçie comitia sine effectu disfluunt.
Et poscentes regnum filii Patruorum,
quos Popielus sustulerat, adversos ha-
bebant Polonos. Interim omnia rapinis
& latrociniiis infesta erant, & mox per
interna mala machinationibus finiti-
morum, nudum Reip: latus objectaba-
tur. Coacti iterum Proceres, cum diu se
variis contentionibus fatigassent, tan-
dem cum eligunt Principem, quem ne-
mo unquam speraverat. Is erat Pias-
tus Crusviçie oppidanus, modici agelli do-
minus, sed inter fortunæ angustias vitæ
innocens, & inprimis in egentes prom-
ptus. Hunc narrant scriptores extremis
Comitiis, cum magna annonæ caritate
labo-

laboraretur, refecisse omnem eorum, qui ad comitia convenerant, multitudinem: nihil minuentibus inter tot avidas fruentium manus dapibus: eâdemque penûs fecunditate olim ab eo exceptum Principem cum universo aulicorum comitatu. quo prodigio attonitos Polonos Piasium nequicquam reluctantem salutasse principem. An à credulâ anti-quitate hæc falsò in miraculum corrupta sint, non habeo dicere: certe non sine fato potitum esse Principatu Piasium, principatus ipse ostendit, gestus ab illo felicissime, & ad seram posteritatem ordine non interrupto deductus. Quos enim post illum Duces vel Reges Polonorum ad Ludovicum Ungarum numeramus, illius soboles sunt, & ad eundem hodie Duces Lignicenses ac Bregenses, generis sui primordia referunt. Bella sub Piasio nulla fuerunt. Incurssiones hostium ad initia statim ejus acquieverunt. Latrocinia, dissidiaque interna, auctoritate magis quam severitate Piasii compressa sunt: comitante eum divini favoris opinione, quâ nullum instrumentum ad regendam multitudinem potentius Principes habent. Crusyciam scelere humano divinæque ultionis pialulo

culo infamem locum Gnesnâ mutavit, vetustissimâ Principum sede. Hic obiit annum agens viciesimum supra centesimum, ætate sanè principibus viris inusitatâ. Sed hic quondam Agricola, frugalitatem prioris fortunæ etiam postea servaverat, gulæ & libidinum abstinentis, per quas plerique vitam præcipitant.

CAP. XII.

DE ZIEMOVITO. I.

AB ANNO MDCCCLXI. AD ANN.

MDCCXCII.

Ziemovitus à Patre consors imperii assumitur. disciplinam militarem condit. bella ejus. cum Vngaris. Germanis. Pomeranis.

Piasio Repicha digna marito conjux dignum Patre filium Ziemovitum pepererat. Qui à Patre grandævo in consortium curarum jampridem assumptus, illo mortuo magnis omnium studiis summum regimen accepit. Vir erectæ indolis, inedia, vigiliæ, alboris patientissimus; penitusque ad rem militarem compositus. Quanquam nec in pace obso-

obsolevit, munificus in largiendo, in
pœnis lenitati propior. Simulac Patri
successerat, gentis suæ fortitudinem ra-
tione temperaturus disciplinam milita-
rem condidit, creato militiæ magistro
& ordinum ductoribus. Paulò post in
Ungaros & Moravos, tandem & Ger-
manos movit, repetiturus provincias,
quas illi Popieli nuper ignaviâ & inter-
regni tumultibus usi, Polonis eripue-
rant. Atque hi tum, Ludovico Balbo
imperante, discordiis internis attineban-
tur. Quò facilius Ziemovitus non sua
tantum recuperavit, sed latius subinde
evagante belli contagione vicina ali-
quot loca traxit. Pari felicitate, quæ
Prussi occupaverant, recepit. Inde in
Pomeranorum, Cassubiorumque duces
vertit, priscum Polonorum, ex Lescò III.
Sanguinem. Sed hîc aliquantum victo-
riarum ejus cursus substitit, recusante
velut fortunâ adesse cognatos suos op-
pugnanti. Hi ergo locorum inprimis
præsidii tuti, diu bellum sustinuerunt,
fatigatisque etiam tandem Ziemoviti
post insequuta mors, ac successoris fi-
lii impar ætas respirandi copiam dedit.

DE LESCO IV.

AB ANNO MDCCCXCII. AD AN.
MDCCCXIII.

*Lesci impuber ætas. Curatores. pacis
studium.*

MOriens Ziemovitus, cum XXXII.
regnasset annos, filium impube-
rem Lescum reliquit, cui grati in paren-
tis merita Poloni principatum deferunt,
datis puero rectoribus, qui Reipublicæ
interim negotia tractarent. Hi seu in-
curiâ, seu contemptu gloriæ sub alienis
auspiciis merenda, neglexere cepto à
patre Lesci contra Pomeranos bello in-
sistere. Lescò postea adulto occasio efflu-
xerat. Et erat mitis ingenio Princeps,
quique pacem quam bellum mallet, pa-
trium tueri principatum contentus. Ne
lenitatem hanc ignaviam interprete-
mur, pacis artibus effecit, in quibus &
ipsis habent ubi se exerant bona inge-
nia.

CAP. XIV.

DE ZIEMOMISLO.

AB ANN^o. IDCCCXIII. AD ANN.
IDCCCLXIV.

*Hic quoque pacis amans. serò filium & ca-
cum suscipit. cui restituta prodigio se
lux maiorem Polonia lucem
portendit.*

Quasi Polonorum animos Christiana-
na mansuetudini sensim tempora-
re vellet fatum; pacis amanti Lesco simi-
lis filius Ziemomislus successit. Quippe
& hic leni silentio vitam transegit, nullâ
re nobilior, quam filio. Quem sero par-
tu mater ediderat, & quasi ne sic qui-
dem satis elaborasset natura, cæcum.
Dubitabat penè pater talemne prolem
orbitati præverteret, nescius quantâ per
eam Polonia beanda esset felicitate. At-
tigerat antum septimum puer, usitatum
gentili ritu tondendæ comæ, & no-
minis imponendi tempus. Infruit Pater
convivium, cui præcipui ex proceribus
intererant, omnes ambiguo inter gau-
dium tristitiamque vultu. sed mox du-
rantibus adhuc epulis donata puero re-
pente

pente oculorum lux novâ lætitiâ omnes
perfundit. Novo ilicò apparatu adorna-
tur epulum: inditurque puero Miecislai
nomen, quod nutricum postea blandi-
ciâ in Miesconem detorsere. Interrogati
super hâc re Arioli, responderunt, lumen
Poloniæ portendi. Quod augurium se-
cuta Christi religio asseruit, sed ut simul
aliis omnibus auguriis silentium impe-
raret.

CAP. XV.

DE MIECISLAO I.

PRINCIPE CHRISTIANO.

AB ANNO IDCCCCLXIV. AD AN.
IDCCCXCIX.

*Miecislao plures uxores. nulla proles. Chri-
stianam uxorem accipit. simul & fidem.
Bella ejus paucæ & infelicia.*

Miecislai initia non illaudata equi-
dem penitus, infra tamen expecta-
tionem sterêre suorum, quos tam inso-
liti eventûs angurumque vaticinia in
spes non mediocres crexerant. Immodi-
cus libidinum & ignavæ penè quietis ju-
venis septem simul habebat uxores, ta-
men

men sine prole agebat. Ea occasio primum religioni Christianæ aditum in Poloniam aperuit. sparsi enim tum fortè per regnum ex vicinis ditionibus Christiani, Principi arrepsērunt, prolem & felices successūs pollicentes, si sacra hæcenus usurpata melioribus mutaret. Haud mora. illectus ille tantarum rerum spe, an potius à numine tactus uxores barbaras repudiat, & Boleslai Bohemorum Ducis filiam jam Christianam ducit. Sed antequam in manum convenirent, publicè sponsus sacrâ lymphâ Christianissimo initiatur. Mox officii sui ducens acceptam purioris religionis faciem subditis etiam suis præferre, Archiepiscopos duos Gnesnensem & Cracoviensem: Episcopos hinc inde aliquot, passim vero sacerdotes templis conditis instituit. Juvit pios hos conatus Iohannes XIII. eo vocabulo Pontifex: à quò missus Agidius Cardinalis, Episcopus Tusculanus, conquestis ex Italiâ, Galliâ, & Germaniâ sacerdotibus omnia ad Romanæ Ecclesiæ ritum ac leges composuit. Interim nascitur Miecislao filius, cui Pater Avi materni Boleslai nomen imponit, & adulto deinde Ungarorum principis Geisæ, filiam Iuditham jungit: cum

cum prius Geisæ, mortuâ Iudithæ matre, sororem suam Adleidam locasset, ejus curâ prima quoque per Ungariam Evangelii vox insonuit. Bella Miecislau vix ulla gessit, quasi satis gloriæ haberet, qui tot monstra superstitionum debellasset. Cum Ulodimiro Russorum duce parùm feliciter congressus, Premisliam, Cervenum, aliaque aliquot oppida amisit. Miserat porro Miecislau Romam Lambertum Antistitem Cracoviensem, ut à Pontifice pro Poloniæ Principibus regii nominis decus atque insigne impetraret. Sed nondum tum postulato huic annuere Pontifex voluit, desiderans nescio quid in Polonis. Amorem certè susceptæ religionis non potuit, qui vel splendentibus illis gladiis, quos sub Evangelici, ut vocant, textûs prælectionem stringere consuevêre, satis effulsit.



LIBER II.

CAP. I.

DE BOLES LAO
CHROBRI.

AB AN. DCCCXCIX. AD AN.

CLXXV.

Boleslaus ab Othone III. Imperatore regium nomen accipit. Bellum in Bohemos. in Russos. in Germaniam. iterum in Russos. pacis artes.

Suscipienda à Polonis Christiana Religio magnis mox præmiis remunerata est suscipientium fervorem. Ne alia jam memorem, principes eorum ad Regiam dignitatem e-
vexit. Quæ res ut gesta sit, pretiū videtur altius repetere. Clarebat tum apud Bohemos Wōitiachus, seu ut ab externis vocatur, Adalbertus, Pragensis præsul, vir qui vitæ sanctitate supra seculi sui mores se extulerat. Hic cum lentiores ad Christianæ Religionis obsequium Bohemos experiretur, ad Ungaros profectus,

fectus, ut surgentem ibidem divini cultus lucem foveret, inde tandem ad Polonos venit. ubi cum aliquandiu munere Archiepiscopali functus esset, propagandæ religionis ergo ad Prutenos ab-
iit. Aded nescit in talibus viris quiescere divini amoris flamma, pluribusque ut luceat, Solis instar se perpetuo circum-
agit. Sed Adalberti novissimum hoc curriculum fuit, præclarum imprimis gloriosâ martyrii coronide. Hanc enim dum gentem Christianâ imbueret pietate nititur, barbarâ immanitate confossus perit. Ejus postea corpus Boleslaus Poloniæ princeps Miecislai filius auro contrâ appensum à barbaris redemit. Quod Gnesnæ conditum & miraculorum famâ nobile plurimos exterorum in sui cultû ipsumque etiam Imperatorem Germanorum Ottonem III. excivit. Hic verd in Poloniâ quæstissimis honoribus cultus, ut gratum se ostenderet, diadema Regium Boleslao imposuit, remittens insuper, quicquid unquam juris in Polonos prætendissent Imperatores. Adjunxit & affinitatis vinculum, desponsata Boleslao filio Miecislao tum adhuc impuberi Rixâ, quam Ehrenfrido Rheni Palatino. soror Othonis

28 FLORI POLONICI
thonis pepererat. Magnas apparet in
Boleslao virtutes deprehendit Impera-
tor, quas tantis benevolentia pignori-
bus coluit.

II. Sed idem, ut ante semper egre-
gius, sic Rex factus dignos fortunâ gessit
animos. Primum ejus impetum Bohe-
mi censere, qui fines Polonorum depræ-
dari, primæ tamen vindictam culpæ pace
oblatâ effugerant, ut repetitâ injuriâ
actiorem mox experirentur. Boleslaus
enim secundum jam irritatus, Bohe-
miam cum exercitu ingreditur, & oppi-
dorum aliis impetu correptis, aliis ex-
pugnatis, Moraviam insuper sibi tribu-
tariam facit. Ducem ipsum exæcat, ut
ad novas machinationes redderet inep-
tum. Inde reversus cum victore exerci-
tu, in Russos movet, recuperaturus Pa-
tri Miecislao erepta, & Stopolci misc-
ratis, qui à fratre Iaroslao ditione exu-
tus ad Polonos confugerat. Diu mul-
tumque Russiæ aperta populatus, oc-
currentem denique ad Bugum flumen
Iaroslauum fundit, Kioviâque floren-
tissimam tum urbem, occupatam Sto-
polco restituit. Abeuntem jam tanquam
re confectâ Regem vertit iterum in se
Iaroslauus, opprimere sperans itineri
magis

LIBER II. 29
magis quàm prælio accinctos. sed victus
denud ægrè ipse fugâ salutem repperit ;
exercitus ejus magnam partem cæsus
est.

III. His actis, ne otio torpesceret
suorum virtus, sed exercitio perpetuo
velut cote acueretur, Saxonas Boleslaus
aggreditur Lesci III. nepotibus, Pome-
ranæ Dominis infectos gravesque. Sed
hi subitâ belli procellâ percussî, fugam
magis quàm arma circumspexêre. Unde
terram eorum impunè ingressus hostis
latè omnia ferro flammisque vastat, pro-
gressusque ad Salam usque toto itinere
victorem se ostendit, positus in ipso flu-
mine columnis, quæ Polonicæ virtutis
Germanos admonerent. Rediens inde
Prutenos corripit, Adalberti interfecto-
res. qui bello impares pacem supplices
petierunt. Igitur tributum ipsis imponi-
tur, mittunturque, à quibus fidem Chri-
stianam discerent. Sed hi nihil tum us-
que profecêre, hætenus domitis barba-
ris, ut meliora docentes ferre, nondum,
ut sequi vellent. Intento his Boleslao
resumpserat interim animos viresque
Iaroslauus, parabatque invadere Polo-
nos. Rex procedit obviam, veneratque
in conspectum uterque exercitus apud

B 3

Bugum

Bugum flumen. Hic Lixæ dum fortè equos adquant, prælio præludunt, quod incremente mox ad famam tumultus utrinque militum numero, acerrimum commissum est. Profigaris ibi victisque Russis, itidem, ut Prutenis nuper, tributum imperatur.

IV. Bellicas Boleslai laudes minimè pacis tempora detrivère. Iam primum quia adiutoribus opus est Principi, partè curarum capessituris, duodecim è Proceribus Poloniæ consiliarios sibi adscivit, viros annis & sapientiâ graves. Magna præterea ei sacrorum cura, magna justitiæ erat Pauperes si periculum esset, ne per lites in longum prolatas vel advocatorum penuriâ potentioribus obnoxii fierent, opibus suis juvabat. Arces, præfecturas & regni etiam longinqua sedulus obibat. Audita ejus vox: Reipub. negotiis invigilantem gallinâ se vesci, quam deliciis omnibus circumfluum cujusque ex suis adversa incuriâ transmittere male. Hisce moribus meruit Boleslaus, ut qui partæ Polonis Regiæ dignitatis autor fuerat, ejusdem benè administratæ absolutum æternumque habeatur exemplar.

DE MIECISLAO. II. R E G E.

AB AN. CIOXXV. AD ANN.

CIOXXXIV.

*Hic Patri dissimilis. Tributa Bohemorum
& Moraviam amittit. Pomeranos
vincit. postea deterior in dies.*

Boleslao mortuo in filium ejus Miecislao regnum devolutum est. Segni indole virum, imparemque tuendis, quæ pater acquisierat. Primus ejus ac potissimus labor fuit, quo Russos compescuit, audita Boleslai morte rebellantes. Sed hoc quicquid erat gloriæ à Bohemis mox destructum est. Qui excussis tributis Polonorum, Moraviam insuper Polonis tum parentem sibi asseruere. Eam post quidem ingressus est Miecislao, sed quasi in id tantum, ut illum jam non suam esse palam faceret. acdè immaniter ea, quæ patebant, vastavit. & mox nulla serò oppugnata urbe militem reduxit. Felicius paulò post cum Pomeranis pugnatum est, Belæ inprimis virtute stirpe,

Regiâ Ungari. Quem proinde generum Rex assumpsit, datâ ei in dotem Pomeraniâ, cujus dux in prælio occiderat, et si provixisset, provinciâ tamen privari rebellando meruerat. Post hæc Miecislâus ad solita voluptatum malumque otium reversus, nihil dignum viro agitavit. Extremò denique amentîâ correptus, nec jam suo, sed uxoris, impotentis feminae ingenio utens, odia & contemptum omnium incurrit. Planè in hoc quoque post tot omnium seculorum exempla fides facta est: Naturam postquam magnos viros produxit, veluti lassam in posteris deficere.

CAP. III.

DE CASIMIRO. I.

AB AN. CIOXXXIV. AD AN.
CIXLI.

Rixa regni administratrix aufugit. Casimirus Monachus factus, revocatur.

Masovios & Prussos domat.

MOriens Miecislâus unicum reliquit filium Casimirum, sub cujus ortum Polonia magno terræ motu inhorruit. Quod

Quod raru in illi terræ miræ fortunæ ludibria nascenti, Polonis ingentia mala portendisse, postea expli cantibus se satis eventus ostendit. Decedere nre Parre tener admodum erat Casimirus. Dum ergo is adoleceret, Regia potestas penes matrem Rixam relinquebatur. Quâ abusa mulier in Germanos pro na, hocque ipso Polonis gravis, cum invisam se sentiret, in Germaniam tandem, expilato fisco Regio & diademaribus ablatis fugit. Casimirus ad Ungaros, inde ad matrem tendit, à quâ animi excolendi causâ Lutetiam missus, paulò post vitæ Monasticæ se addixit. In Poloniâ interim mira rerum perturbatio. Omnia latrociniiis cædibusque mutuis ardebant. Eâque occasione usus Maslaus Regi nuper à poculis, provinciam regno abstraxit, quæ postea ab eo Masovix nomen accepit. Nec ab externis hostibus quies erat. Russis Bohemisque abolendæ priorum cladum infamix intentis. Tantis malis pressi Poloni ad Casimirum tandem respexere, Monachum jam, & Cluniaci in Galliâ agentem. Sed vix multis legationibus & precibus ab ipso, ut vellet liberari voto, à Pontifice, ut posset, impetratum est. Ex eâ causâ imposita Polo-

nis annua pensio est, quæ sancti Petri nummus dicta fuit. aliaque quædam diu postea in Papalis beneficii memoriam observata.

II. Exceptus magno suorum plausu Casimirus & Gnesæ rex salutaris fessis mox Poloniæ rebus manum applicuit. Dissidia inter Proceres oblivione mutuâ seu amnestiâ sepulta fuere. Manifesti cædium ac latrociniorum puniti. In cæteros haud anxie quæsitum, quos *prudenter invenisse bonos, quam fecisse* videri malebat. Sic illi nec contemptum impunitas scelerum, nec invidiam pariebat cupiditas puniendi. Exin Iaroslauum Russorum Ducem fœdere & mox adfinitate sibi jungit Casimirus, ductâ illius sorore Mariâ, quam pater Ulodimirus ex Annâ Basilii & Constantini Imperatorum Constantinopolitanorum sorore suscepit. Postea Dobroguena dicta est. Firmatis ita domi rebus in Masovios movet, eunte obviam Maslao. Committitur acre prælium, addente pugnantibus animos hinc irâ in perduelles, isthinc conscientia sceleris, quo venia spem absuperant. Favet Fortuna causæ meliori, victusque tum Maslaus aufugit, sed utat clade post major rediret.

III. Ha-

III. Habitabant tum Prussiam, quæ Lituanie jungitur, Iaziges ferocissimus Populus. Ad hos confugiens Maslaus in suo discrimine ipsorum securitatem periclitari facundè demonstrat. Moti illi hominem Masovia suæ restitunt. Casimirus properè copias contrâ adducit, mox visâ multitudine hostium trepidare pene cœperat. Sed animum labantem somnium erexit: & quasi timiditatis notam deleterus Rex fortissime postea pugnat: ita ut suos hortando, hostem feriendo defatigatus ac pene semianimis in castra referretur à gregario, cui postea nobilitatis insignia contulit. Maslaum iterum victum Prulli ipsi, ut eade perduellis clementie victoris litarent, in crucem agunt, insultantes, ad Alta nisum, ad alta pervenisse. Victoriâ hanc Prussorum deditio & optatissima toto regno quies secuta est. quæ afflictas ante Casimirum Poloniæ vires & per bella nondum penitus recreatas blandissime focillavit. Grator erat Polonis tanta felicitas, quia magno constabat, quippe cujus autorem Regem multis calamitatibus, precibus & laboribus repugnanti velut Numini extorssissent.

C A T.

C A P. IV.
DE BOLES LAO
AVDACE.

AB AN. CIO LIX. AD ANN.
CIO LXXXII.

*Bellum Bohemicum. Prussicum. Vngari-
cum. Russicum. Vngaricum alterum.
Russicum alterum. Kiovia luxu-
riant Poloni. Boleslaus dege-
nerat. Stanislau occidit.
in exilio sua manu
perit.*

EX tribus Casimiri filijs, qui Patri su-
perstitēs manserant, maximum natu
Boleslaum Regem Poloni assumunt. Iu-
uenculus is adhuc erat, sed magnā in-
dustriæ indole, & parem arduis conati-
bus ipsum fatum iudicavit, cum impe-
rium capeffenti tot ostendenda virtutis
occasionēs aperuit. Undique malè ha-
biti à suis Principes ad Boleslaum con-
fluxere, opem rogaturi, id quoque pro-
vidente fortunâ, ut fortissimij juvenis au-
spicijs speciosam misericordiæ famam
circumdaret. Primum Boleslai impetum
Bohe-

Bohemorum princeps Premislaus exci-
vit, qui fratrem suum Iaromirum à Po-
lonis receptum dolens, vastatâ immani-
ter Silesiâ ad Polonorum fines pervaserat.
Sed eundē mox velut emissio aculeo fu-
gientem secutus Boleslaus, illas Poloni-
nis injurias in Moravis acerrimè vindi-
cat, magnâ inde prædâ abductâ. Atrocio-
ra metuens Bohemus ad pacis consilia
vertit, fratremque Iaromirum dato Pra-
gensî & mox Olomucensî Episcopatu,
Boleslaum ductâ ejus sorore Suentoch-
nâ mitigat. Qui clemens ingenio non
invitus bella ignoscendo transigebat, &
tum aliud ad bellum avocabatur.

I I. Etenim, dum his intentus agit Bo-
leslaus, Pruteni rebellantes Pomera-
niam & Poloniæ oram vastaverant, oc-
cupato Grodeco, quod prædam post ve-
stantibus suffugium dabat. Rex cum
suis advolans, cum hostem intra dictam
arcem sylvarumque porrò ac paludum
invia latentem elicere non posset, dolo
aggreditur. Simulat fugam, moxque e-
rumpentibus velut ad prædam Prutenis
improvisò supervenit, cæditque palan-
tes ac securos: hoc majori suorum vir-
tute ac gloriâ, quod Ossam flumen tra-
maturi tegumenta corporis abiecerant.

Victo-

Victorem inde Prutenorum Bela exul, cui amita Boleslai nupta erat, & ex Ungaris multi in Belam proni, in Ungariam traxére. Cui Rex Ungarorum Andreas præter suorum copias, robora Germanorum Bohemorumque opposuit. Concurritur ad Tibiscum flumen, ambiguo aliquandiu Marte, donec Ungari ad Belam & Boleslaum transcentes animos abstulére relictis. Plurimi tum ex his caeli. Princeps Bohemorum Uratislaus captus. Andreas Rex è fuga reprehensus & malè ab Ungaris exceptus periit. In cuius solium cum Belam Boleslaus reposuisset, donatum præmiis exercitum ipse gloriâ contentus reduxit. Magna sanè illius hoc bello & planè ut sibi pugnantis fortitudo eluxit, cum alii victurus esset.

III. Reverfus ab Ungariâ Boleslaus matrimonium init, ductâ domum Visselslava Russorum cuiusdam principis filiâ. At non diu hæsit inter curas nuptiales; easque ipsas si non bellum, belli tamè apparatus interfestruere. Russi illi in animo, nec patiebarur excidere Izaslâus Kioviensium Princeps, qui tum eiectionis à suis cum Boleslao erat. Ceterum inchoato bello Russi, & qui præcipuè pe-

teba-

tebatur Visselslaus haud sustinuerunt ad pugnam consistere. Kiovienses quoque conscientia trepidi magis de venia, quâ tuenda urbe laborabant, venientemque Izaslâum etiam ambigua spe impunitatis recipiunt. Ex iis septuaginta, duces nuper seditionis vitâ vel oculis multati. Boleslaus dimisso in Hiberna exercitu ipse Kioviâ abiit, ut assiduos belli labores brevi quiete interjungeret. Hymne exactâ eundem nescio quæ causâ in Premislienses concitavit. Cui venienti minora in eo tractu oppida facile paruerunt. Premislia obsidenda fuit, urbs hinc fluvio Sano freta, inde vallis & hominum, qui eò ex agris confugerant, numero. Etiam cum occupata tandem esset, tamen refugi in arcem obsessi, vix longâ demum fame, & quæ hanc comitantur, malis edomiti deditere se, vitam prius pacti, & quod quisque uno onere secum efferre posset.

IV. In Ungariâ interim Belam, quem paulo ante ad regnum evexerat Boleslaus, illabentis fortè cameræ ruina graviter afflixerat. Unde secuta mors amulos ad spem regni erexit. Filii Belæ ad Boleslaum confugiunt, opem & ut beneficium patri datum in filiis tueretur, rogan-

rogantes. Ille quanquam captis in Russia bellis ægre abstraheretur; cessit tamen obstinatis precibus supplicum. Veniens in Ungariam Boleslaus terruit mox Solomonem, Regis nomen usurpantem, ut Budæ se non credens Mosonum arcem ingrederetur. Interim Episcopi medios se interponunt, armorum incerta utrique parti, Belæ filiis in super belli patriæ illati infamiam demonstrantes. Inicitur pax his conditionibus, ut Belæ filii ducum titulo & tertiâ regni parte contenti, summum nomen Salomoni relinquerent.

V. Pacem Ungaris dederat Boleslaus, sed nondum sibi Russi iterum vocabant, & Izaslaus, quem fratres denuo Kioviâ ejecerant. Venientis impetum primum Volhinia excepit, & in eâ Lutzkum, quod Rex post sex mensum obsidionem deitum expugnavit. Duci illius Igro seu Gregorio venia data. Inde ad Kiovienses conversus Rex Vussevolodum cum exercitu obvium habuit. Cum ad pugnam venissent, laborare primo coitu dextrum Polonorum cornu cæperat, sed mox misso à Rege subsidio, restitutum est. Unde mutata aciei fortunâ pelluntur in fugam Russi, penè jam victores.

Profligato

Profligato hoc exercitu, Rex ad Kioviâ promoveret castra, obsessamque aliquandiu expugnat. Cui quanquam iram victoris merenti parçitum tum tamen est, infelici planè clementiâ, & quasi ad id, ut esset, unde corrumpi Regis felicitas posset.

VI. Verè quod Capua olim Annibali, id Boleslao per hyemem habitata Kiovia fuit. Hic ille tot gentibus formidabilis, ille victor exercitus elanguit, otio scilicet hyberno ad malas libidines abusus. Nec stetit intra viros malum. Delata enim velut aurâ pestiferâ in Poloniam harum libidinum fama uxores quoque corruptit, diu jam maritorum absentiam malè ferentes. Placuit feminis nefandum vindictæ genus, ut libidinem libidine ulciscerentur. Grassabaturque tum passim juvenum licentia, ut difficilis esset etiam pudentioribus castitatis suæ custodia. Unde Margarethæ cujusdam, quæ Nicolai Zembocii uxor fuit, virtus laudatur; quæ cum duabus sororibus in Turri Zemboviensis templi multo tempore latuit, familiâ illis per funem alimenta suppeditante. Cæterum auditis uxorum suarum flagitiis viri indignatione accensi, missionem petebant:

tebant : hâc non impetratâ, clam, Rege nequicquam prohibente domum dilabuntur. Rex desolatus à suis, metuentque ne cum tam paucis inter infensos agens, contemptum, ac mox periculum provocaret, sequi cæteros necesse habuit. Reversus fugæ auctores capitali supplicio, cæteros publicatione bonorum, aut carcere diuturno multat. Nec à feminis temperavit. Uberibus adulterarum, si quibus indulgentia maritalis pepercerat, horrendo vindictæ genere abstrahi sobolem, catulosque admoventi iussit. His rudimentis Boleslaus sævitiz initiatus non desistit postea in innocentēs juxtâ ac noxios grassari : documentum omnino præbens, Exui inter crebra supplicia sanguinis humani reverentiam, invisæque pridem crudelitatis usu tandem venire amorem. Mox & exactiōibus insolitis onerare subditos cœpit. Palam denique adulter, Christinâ nobili fæminâ marito Miecislao abductâ ad fœdas voluptates abutebatur. Quid multa? in Tyrannum jam degenerabat, ille nuper optimus Princeps Boleslaus.

III. Sed ut morbi, ita vitia nondum plane adulta sanari possunt, si manum admittant, præbeantque patientiam remediis.

mediis. Boleslaus hic ferre penitus non poterat vitæ suæ censores : & Stanislaum Sczepanovium Episcopum Cracoviensem virum non minus sanctitate, quàm gente nobilem, ulcera ipsius liberius tangentem pessimè oderat : quærebatque labem aliquam famæ viri adaspergere : quo auctoritatem arguentis excusatiùs contemneret. Comperto tandem, cum diu rimatus nihil aliud repperisset, emptum à Stanislaō agrum quendam, emptorem male acquisitæ possessionis per hæredes (nam venditor pauld post acceptum pretium obierat) jubet anxiri. Ut innocentiam suam probaret Episcopus, mortuum, cujus ager fuerat, Petricum (ut cum Cromero plerique alii tradunt auctores) suscitât, decantatissimo per Poloniam miraculo. Boleslao nihilominus ad scelera contumaciam addente, pertinax quoque Episcopus fuit in monendo, & fortioribus tandem remediis agendum ratus, Regem à communione sacrorum prohibet. Ille magis etiam iratus, Episcopum sacris tum operantem interficit, inflicto capiti illius tam validè gladio, ut exsiliens cerebrum templi parietes adaspergeret. Percussus mox majori ab ipso Pontifice Romano fulmi-

44. FLORI POLONICI
fulmine, annum circiter post eadem e-
xegerat, cum exosum se omnibus sen-
tiens, & conspiratione etiam impetrus
in Ungariam cum filio profugit, ubi
cum aliquandiu vixisset, conscientiae
torminibus impar & amentia correptus
finem supplicii manu fertur quassivisse.
Alii alium Boleslai exitum memorant.
Sed quisquis fuit, meretur lachrymas
degener illius ex optima adolescentia
posterior aetas: admonetque mortales
fragilitatis suae, cui aded ipsa etiam, quā
cuncti expetimus, felicitas periculosa est.

C A P. V.
DE VLADISLAO
HERMANNO.
AB ANNO CIO LXXXII. AD ANN.
CICIII.

*Fratri vices principis nomine suscipis. bella
ejus cum Pomeranis. cum Imperatore
Henrico. domestici tumultus.*

*Filii ipsius expeditiones
quadam.*

E^xacto Boleslao Audace, destitutum
capite Regnum, & Russorum tum
insu-

LIBER II. 45
insuper incurfionibus vexatum, frater
Audacis Vladislaus, nomine principis in
se suscepit. Regis titulum refugiebat, seu
spe fratris redituri (nam mors ejus se-
rius demum vel sequuta est, vel inno-
tuit) seu metu Pontificis, qui Poloniae,
ut sacris, ita Regis creandi potestate in-
terdixerat. Prima ergo illi cura fuit Pon-
tificis interdicta tollere, misitque in id
legatum; qui tamen nihil amplius quam
libertatem sacrorum impetrare tum po-
tuit. Post haec Vladislaus Miesconem
fratris exacti filium egregia indole ju-
venem ex Ungaria revocat, miseratione,
vel metu, ne Ungarorum ope ad Pater-
num regnum niteretur. Sed hunc sexto
à reditu anno seu mors fato propera,
seu artes patris inimicorum, ultorem fi-
lium timentium abstulerunt. Vladislaus
duo erant filii, alter Sbigneus ex matre
impare natus, alter Boleslaus à detortis
labris Crivousti appellatus, quem Ludi-
tha mater diu sterilis, nuncupatis inge-
nibus votis à Deo impetravit.

II. Cæterum Vladislai istius tempora
Pomeranorum Prutenorumq; maximè
incurfiones insignierunt. qui post multas
demum expeditiones eò redacti, ut qui-
escerent. Primum in illos bellum sine
sanguine.

sanguine stetit, cum territi fidem & obsequium pollicerentur. Alterâ expeditione res ad prælium devenit: quod tamen æquis manibus patratum videri poterat, nisi nocte, quæ pugnam diremit, fugisset hostis. Tertiis impetus circa Naclum consumptus est, quæ arx Pomeranorum post actam prædam fugientium receptaculum erat, nec potuit tum à Polonis expugnari. Postremo denique certamine lassata hostis contumacia, redditis quæ abstulerat, clementiam Vladislai invocavit.

III. Dum hæc in Pomeraniâ geruntur, conflaverat nescio quod fulmen in Polonos Imperator Henricus IV. Vratislao enim Bohemorum Principi dum Regiam dignitatem conferret, jus quoque in Poloniam, quod nullum habebat, dederat. Hujus ergo filius Prædislaus, quasi sua sibi vindicaretur Poloniæ fines invasit, vastavitque. Quem missus à Vladislao Secechus Cracoviensis Palatinus, impiger militiâ vir, repulit fortiter, & actis per Moraviam prædis gravissimè ultus est. Ivir tum impetratâ à Patre veniâ Sececho comes principis filius Boleslaus, novem ferè annorum puer, sed qui annos ingenio præcurrebat.

bat. Magnâ industriâ is omnia, quæ in castris gerebantur perlustrans, in futurum post usum seponebat. Idem paulò post latrones, qui ex Pomeraniâ egressi Miedzericum occupaverant, rectore Sececho repressit. Talibus curis ac facinoribus Boleslaus futuræ magnitudini præludebat.

IV. Hostibus domitis jam pace florere Polonia poterat, nisi domesticæ seditiones turbassent. Secechus ille, cujus facinora egregia modo narrabamus, meritis in Rempublicam & gratia principis tumens, potentiam suam, ut ferè fit, oppressione inferiorum ostentare cœperat. Inde non invidiâ tantum sed odio quoque civium flagrabat. Multi illo struente everfi, multi proscripti, vel proscriptos sequuti in Bohemiam erant. Qui, opem pollicente Bohemorum rege, adscitoque in ducem Sbigneo Vladislai notho, quem Pater monasterio incluserat, denique pertracto in societatem Vratislaviensium præfecto Magno comite, arma parant in Secechum. Vladislauus se per larum ministri peti ratus, exercitum conjuratorum, quibus Pomerani quoque jam recens accefferant, circa Crusphiciam adortur, strageque insigni

insigni afficit, Sbigneo ipso, qui caput omnium erat, capto. Cui non difficulter tamen mox ignovit Vladislaus, mansitque pater erga hostem etiam filium.

V. Sed paulo post resuscitatum est hoc belli civilis incendium, & Boleslaum quoque alterum filium, intactum antea, traxit in partes eorum, qui in Secechum conspiraverant. Ægre adhuc à Sececho divellebatur Vladislaus Pater, incertum an ob virtutem viri, an ex more principum, qui Amicitias proprio fastidio facile omittunt, si excutere coneris, cecidendi pudore ambitiosius plerumque retinent. Noster tamen hic publicæ quietis studio, in exilium clientis, quo illa redimi posse videbatur, consensit. Compositâ seditione domesticâ Boleslaus filius arma à Patriæ visceribus in Pomeranos, & mox Russos convertit, repulsisque fortiter utrisque, regnum patri securum, sibi per beneficia obnoxium devinctumque magis reddidit.

CAP.

CAPUT VI.

DE BOLESLAO. III.
COGNOMINE CRIVOUSTO.

AB ANNO CIOCIH. AD ANN:
CIOCCXXXIX.

Crivousti in Bohemos expeditio. in Pomeranos. mox iterum in Bohemos. iterum in Pomeranos. bellum cum Henrico Imperatore. bellum in Pomeranos duplex. Fratris Sbignei cades. Palatini Cracoviensis dejectionis. Expeditio in Russos. in Ungaros. in Russos diversa expeditiones. extrema infelix.

Vladislaus mortuo filius successit Boleslaus, jure naturali hæres, sed quo digniorem, etiam si suffragiis agendum fuerat, nulla electio invenisset. Magna juvenis specimina virtutis ediderat, sed majora mox principatum adeptus exseruit. Bellis sanè exercitatorē virum non habuit Polonia, possitque illa hunc Martis pullum numero conflictuū Marcellis Julisq; Romanorum ferè opponere. Sed mihi nunc pugnas illius omnes memorare per propositam animo brevitatem non licet; præcipuas, nec has nisi strictim

C enu-

enumerabo. Initia Boleslai invidia Sbignei fratris maximè exercuit, qui supra assignatæ à patre hæreditatis sortem aspirans, varios subinde in Principem hostes concitavit. Primùm quidem Borivojum Bohemorum ducem. Sed is cum ad fines Polonorum pervenisset, pudore injustæ causæ à suis desertus, re nullâ effectâ domum rediit. Conatum tamen ejus ulciscendum putavit Boleslaus, misitque copias, quæ, duce Zelislao, uno è Proceribus Polonis. omnem Moraviam hostiliter pervagatæ sunt. Mox eodem Sbigneo machinatore Pomerani insurrexere. Hos lentius quidem, nec sine discrimine, compescuit tamen ad tempus Boleslaus, Bialogrodo, Colbergâ, Cosmino, Veleno, præcipuis tum Pomeranorum oppidis expugnatis.

II. Sed paulo post cum utraque hac gente reperenda fuit bellorum tela. In Bohemos incitavit Boleslaum fœdus & affinitas Colomanni Ungarorû regis, quem oppugnans Henricus V. Imperator, Bohemos, ut tributarios tum imperii secum traxerat. Ingresso Bohemiam Boleslao opposuere se Vasco & Mutina, delecti à principe suo, qui in Ungariam secutus Imperatorem erat, Duces. Sed

hi fusi,

hi fusi, Pragamque profugi, quicquid apertum aut imbecillum in Bohemiâ fuit, prædæ hostis reliquere. Interim absentia Boleslai audaciores Pomeranos fecerat, & seu impetu seu proditione arcem Usce occuparant. Huc ergo festinato itinere regressus Boleslaus Velenum obsidet, quod & ipsum ad hostes defeceerat. Aderat tum Boleslao Sbigneus, iniquus adhuc fratri, & occultè cum hoste socians consilia. Nocte quadam irrumperere Pomeranos in castra Principis iussulat, omnia prompta pollicitus. Illis advenientibus commodum erat in excubiis, id quod solenne habebat, Boleslaus, & in re subitâ, cum vires non posset, dolum opposuit. Ruentem enim in castra hostem solus cum paucis excubitoribus à tergo adoritur, voce, terrendo hosti, suisque, qui in castris erant, excitandis, alarum sublatâ. Pomerani circumventos se rati, concidunt animis, & mox accurrentibus Polonis plurimis profigantur. Tantum valet Principis in castris præsentia, & vel dormientes exercitus unius vigilia potest defendere. Cæterum depulsis ita Pomeranis, Sbignei etiam perfidia non diu latuit. Cujus publicè convictus, cum omnium senten-

tiis ad capitis supplicium addiceretur; exilio multatus est, moderante sic pœnam fratre, ut nec flagitium inultum, & reus clementiæ exemplum foret.

III. Bellum Bohemicum parvum mole ipsum, sed magni alterius causâ extitit. Henricus enim Imperator, adiutos à Boleslao Ungaros indignatus, Marchiam & Silesiam ditiones tum Polonorum invasit, omniaque isthic velut torrente corripuit. Sola Glogovia in obfidii tolerantiam obstinata, victori cæterorum moram obiecit: animante ad constantiam oppidanos Boleslao, obfessoresque assiduus incurfibus laceffente. Missis fortè post pacis causâ à Boleslao legatis, leges iniquiores proposuit Imperator, thesaurumque suum ostendens, hunc Polonos perdomiturum, dixerat. Ad quod Scarbicus, princeps legationis, ut arrogantiam Cæsaris perstringeret, demptum digito annulum thesauro injiciens, aurum, inquit, adjiciatur auro: subindicans haut dubiè, frustra auro terri viros, quibus ferro manus, animus virtute armatus sit. Intellexit quoque scomma Imperator, idque clusurus, *hab danck*, inquit: quæ gratias agendi apud Germanos formula est; *no-*
men-

menque Habbanckiorum familiæ dedit, quæ hodieque inter clarissimas Poloniæ habetur. Cæterum cum reversi ad suos legati datas à Cæsare condiciones retulissent, vehementer animi Polonorum accensi commoti; sunt. Ita ut qui hucusque subitariis tantum assultationibus Cæsarianos vexassent, tandem prælii tentare aleam decernerent. Locus erat prope Vratislaviam, longâ porrectus planitie, & ob id Polonorum aciei commodior. Ed cum ventum utrinque esset, initur prælium, in quo ingens in primis Boleslai fortitudo emicuit. Quippe & ipse strenuè ciebat pugnam, & cum initio Germani graves esse cœpissent Polonis, cedentes hos occursando animandoque subinde reducebat in hostem; donec vi equitarûs legiones Germanorum perrumperentur, inclinaretque ad Polonos victoria. Magna eo prælio utrinque strages edita est: adè ut in sepulcorum cadaveribus illecti canes difficilem iter facientibus transrû darent. Unde Cæpi Canini nomen hodiè etiamnum agro, in quo commissâ pugna est, manet. Post prælium cum Henricum in Italiam vocarent negotia, & is pacem expeteret magis, quam palàm offerre
C 3 veller,

vellet, profectus ad eum est Boleslaus Pabenbergam Franconiae oppidum. Ubi honorifice acceptus non pacem tantum cum Caesare, sed & affinitatem iniuit; accepta in conjugem sorore illius, desponsaque porro Vladislao filio suo impuberi adhuc filiola Caesaris itidem parva, Christina, cujus paulo post sapius fiet mentio.

IV. Pace hac facta data est Boleslao, sed brevis armorum quies. Nam paulo post & in Pomeranos resumendum bellum fuit, quod tamen intra unius oppidi Nacli expugnationem stetit: & in Bohemos illum miseratio Sobieslai impulit, qui à fratre suo Bohemorum Rege ob eadem consilarii cuiusdam, carceri inclusus, & mox inde elapsus in exilio agebat. Quo restituto bellum quoque conquevit. At fortuna Sobieslai hujus, Sbigneo, quem itidem à fratre Boleslao in exilium ejectum diximus, spem veniam nanciscendi attulit. Reversus receptusque in gratiam est, sed ut citius periret. Offendit enim mox fastu suo fratrem, aderantque etiam illic proceres quidam, qui privato in Sbigneum odio omnia illius seu bona seu mala in deterius torquentes, stimulabant occulte

Princi-

Principem, ut æmulum, quem nulla beneficia emendarent, amoliretur. Ita missi à Boleslao sunt, qui hominem obtruncarunt, prius eundem conviciis adorti, ut per iurgium privata ira occisus videretur. Sed cessit mox ea cædes Boleslao in assiduam vitæ tormentum: Perpetuo hoc conscientiae ingenio, ut fœditatem criminum suorum, cum peracta sunt, rectius demum introspiciat, miraque tum exaggeret facundia. Pauco interjecto tempore Scarbimirus quoque Palatinus Cracoviensis periit; vir acer ingenio, spectatusque militum, sed sua jactantius extollens, idemque palam criminatorem in Principem. Toleratus aliquandiu, tandem cum potentiae suae fiducia, aperte seditiones moliri videretur, Senatu motus, excæcatusque in carcere vitam finiit. Arque ut ignominiae ejus, aliquod ultra mortem quoque superesset monumentum, constitutum est, ut posthac Castellanus Cracoviensis Palatinum loco ac dignitate antea. Dum hæc in Polonia geruntur, ceperat iterum Pomeranos quietis suae tedium. Deinde Boleslaum lacerant Suentopelco duce, quem paulo ante victis Naclensibus imposuerat Boleslaus.

C 4

Ob-

Obsessum ergo rursus à Boleslao Naculum est, expugnatumque. Ceteri quoque Pomeranorum ante expugnationem hanc praelio victi, post debellati, cum imperio Polonorum, religionem simul Christianam, quam bis ante acceptatam, bis reiecerant, bonâ jam fide receperunt.

V. Hinc jam tandem Boleslao in eâdem ferè hæctenus arenâ luctanti novum campum Russia aperuit. Fugerat ad Polonos Patruî Vlodimiri insidias vitans Iaroslaus, affinis Boleslai. Eum reducere Russi quidam Ungarorum & Boleslai ope laborabant. Sed Iaroslaus inter pugnandum confosso equo excussus, & ægrè à suis protectus, postquam in tentorium relatus esset, ex vulnere obiit. Cum causâ belli, bellum quoque ipsum intercidit. Postea Boleslaus Volodorem Przemisliensium Ducem, arma in Polonos cientem compescuit. Quo facto, ire in Ungariam parabat, cognatos suos, Stephani regis exule filios cum matre in regnum repositurus. Iamque ad Scepusium progressus, expertusque etiâ praelio cum Alberto Austro fuerat, cum cœpto abstrahitur per Russos nova iterum molientes. Hos verò antequam

quam vi tentaret Boleslaus, dolo adoriendos suadebant procures. Unum esse inter ipsos Iaropelcum videbant, à quo ceteri penderent. Ducem hunc tolli, ingens fore belli compendium. Ei conficiendæ rei Petrus Vlostovicus Comes Xiansensis se obtulit. Hic consentiente Senatu, proficiscitur ad Iaropelcum, læsumque se à Principe suo ac profugum non sine multis conviciis queritur. Credidit homini Iaropelcus, sed pauld post ab eodem, dum forte ruri cum paucissimis ageret, comprehensus ad Boleslaum adducitur. A quo in carcere per annum detentus, post magno ære redemptus ad suos rediit; cum prius amicitia fidem Boleslao dedisset. Sed is fidem postea, quàm vindictam amittere maluit. Fraudem fraude ulturus, mittit in aulam Boleslai Ungarum quendam, qui captatâ occasione Principem occideret, vel quocunque modo proderet. Hic quâ erat ingenii ac morum versutia, Principis amicitia se insinuat, ac tandem post longæ familiaritatis usum, præfecturam Visliciensem impetrat. Quam cum aliquandiu tenuisset, advocato postea Iaropelco tradit. Ab hoc verò cum pacta fortè præmia postularet,

linguâ oculisque privatus dicitur, solito proditorum fato, ut etiam quibus profuere, invisî sint.

VI. At habent plerumque hoc fraudes, ut cautos reddant, quos deceperint; raroque iidem eosdem fecellerunt. Boleslaum tamen recens à Russis fraudatum, graviore mox dolo iidem circumvenere. Iaroslauum Haliciensium ducem, principatu à suis dejectum & ad Polonos profugum revocabant quasi poenitentia mutati Halicienses. Interim tacite reliqui Russorum militem cogunt, Vngaris quibusdam adscitis. Boleslaus exuleni ad respiscentes reducturus, minori quam in perfidos & hostilia molientes opus erat, exercitu advenit. Cui ad Haliciam Vngarorum turmæ specie gratulandi occurrentes, Polonorum novissimo agmini se jungunt. Idem faciunt Halicienses. omnes amicitiam vultu præferentes; mox circumdatos Polonos invasuri. Suboluit fraus Boleslao, sed cū jam nonnisi præfenti periculo vel dedecore effugi poterat. Consultanti ergo quid facto opus esset, occupare parantes se pugnae Russos visum est. Mox iruens orditur prælium. Secutis pari virtute cæteris, non infelicitè cedere res cepe-

cœperat, cum aliâ parte fugam orsus Palatinus quidam, plurimis idem facienda pudorem abstulit. Pauci cum Boleslao sauci fessique restabant Russis vincentibus; jamque equus sub Principe defecerat, instabantque extrema omnia, cum gregarius alium illi equum suppeditans, persuadet, ut maturatâ fugâ meliori se fortunæ reservaret. Magnus postea militi honos habitus est. Palatinum missa à Principe pellis leporina, colus, & fusus, pudore ad laqueum adegere. Ipse Princeps adedè impatiens ignominia fuit, ut conspectum hominum vitans assiduo se domi luctu maceraret: non inusitatâ humanis animis in se & fortunam iniquitate; unius ut calamitatis sollicitudine, prosperorum omnium memoriam obliterent.

CAP. VII.

DE VLADISLAO. II.

AB ANNO CIOXXL. AD ANNUM
CIOXXVI.

*Bellum Bohemicum. Petri Dunini casus.
Bellum inter fratres.*

Mortuo Boleslao paternarum possessionum hæreditatem, ita ut pa-

ter

ter jusserat, quatuor filii crevere. Summum rerum regimen primus natu Vladislaus accepit. Sed ut ditiones, ita virtus paterna divisa minorque filiis: hujus verò etiam minimus Vladislao contigit proximo patris successori. Bellum est extra fines Patriæ nullum gessit, præter Bohemicum, quod tamen ultra populationes Silesiæ non processit, ac morte mox Ducis Bohemorum Sobieslai finitum est. Inde inturbidum externis regnum, sed ut eò gravius interna mox ardescerent. Non diu enim fratres inter se concordēs egere; culpā maxime Vladislai, cujus ambitionem imminuta principatus sors acriter urebat. Accedebat stimulus domesticus, Christina uxor, quæ Cæsare patre avoque orta, indignabatur nupta esse marito, qui tam angustè imperaret. Nec puduit Vladislaum à Proceribus postulare, ut unum se patriarum ditionum vellent heredem. Sed adversos omnes expertus, & acrius mox instigante conjuge, tributa fratribus imperat, postremò quoque conquesto externo milite, quædam eorum oppida invadit. Illi Principis veneratione, seu virium diffidentia ad preces confugiunt, fratris fidem Procerumque intercessio-

nem implorantes. Et ex his quidem non paucos illis causæ æquitas & misericordia conciliavit. Inprimis non tegebant affectum Vuseborius Palatinus Sendomiriæ, ac Petrus Duninus Scrinensis Comes: quorum ille vim minabatur, alter monendo Principem ad æqua flectere laborabat; uterque ob id aula exosus.

II. Sed in Duninum vehementius Christina efferbuit, pridem illi aliā ob causam infesta. Processerat enim is aliquando cum Principe venatum: cumque nox in sylvis errantes oppressisset, post refectum ferinā, & aquā corpus, dormituri in stratas humi penulas procubuerant. Tum Vladislaus jocans ad Petrum: mollius nunc tua, inquit, uxor cum Abbate Scrinensi cubat. nil moratus alter; fortasse & tua, inquit, cum Dobesso. vocabatur autem ita Juvenis quidam Nobilis, formā elegans, Christinae in deliciis. Altè admisit ad animum Vladislaus jocum Dunini, nec abstinuit, quin Christinae aperiret. Hinc flagrantior jam in hunc offensa. Nec multò post ille nuptiis filiæ, quam Iaxæ Serborum Duci elocabat, occupatus à Sobello per insidias capitur, linguæque

& oculis privatus vivere pœnæ suæ superstes juberetur: clarissimo documento: Cautè jocandum esse cum dominantibus: quod hi & facillimè offenduntur; & imprudentius jocantium argutiis gladii sæpè promptius, quàm ingenii acumen opponunt. Cæterum commissâ hac cæde magis meritis atque odia proceram in Principem, simul crudelitas Principis in fratres gliscebant. Quippe accitis in auxilium Russorum Ducibus Henricum fratrem Sendomiriâ; Boleslaum Plosco omniq; Masovia exiit: fugientesque ad Miecislaum, qui solus fraternæ potentiae restitabat, persequitur. Stitit venientem Posnaniae obsidio, tandemque evertit. Forte enim securius aliquando obsessor exercitus agebat, poculis ludisque indulgens, raris nec sobriis excubantibus vigiliis. Vñ occasione fratres, qui hauri procul aberant & ipsi exercitu instructi, solutos ac languidos circumveniunt, & erumpentibus simul ad datum signum oppidanis fugant cæduntque. Vladislaus Cracoviam primum, mox & illinc, pravalente fratrum factione expulsus in Germaniâ ad Conradum Imp. Christinæ sobrinum confugit. Quò cum mox uxor cum liberis

sequeuta est. Ibi vivere ex alieno necesse fuit, quibus nuper sua non sufficiebant.

C A P. VIII.
DE BOLES LAO
CRISPO.

AB ANNO. CIOCLXVI. AD ANN.
CIOCLXXIV.

*Bello fraterno Conradus se interponit. Et
post eum Fridericus Barbarossa.
Silesia à Polonia avulsa.*

FRatre exacto proximus ætate Boleslaus principatum adsequitur, virtute ante Vladislaum imperare meritus. Hic in cæteros fratres benignus ac liberalis, cum exule subinde adhuc luctari habuit de Principatu. Quippe is omnia pro sceptro recuperando tentans, varios in Polonos concitabat hostes. Primus causam illius suscepit Conradus Imperator, legatosque misit, negotium Vladislai acturos. Facile se Boleslaus purgavit Imperatori, cognitâ exulis culpâ æquiori & aliis tum molitionibus intento. Parabat enim bellum in Asiam, in quam tendens cum ob viæ compendium, securi-

curitatemve per Poloniam iret, honorificè à Boleslao acceptus ad Pontum Euxinum deducitur, fratris causâ in redditum rejectâ. Reversus deinde ille ab Asiâ, cum finem orandi non facerent Vladislaus & Christina, bellum tandem in Polonos decernit. Ingens erat Cæsaris exercitus. Sed hunc, congregi licet apertè non ausus Boleslaus, ex indiciis assultando, pabulationes infestando intercipiendoque, & quæ alia celeritate Poloni facere consuevère, mirè fatigabat. Ut cum postea Conradum subiti Germaniæ tumultûs alio vocarent, facile ad pacem inclinaret. Mitigavit etiam hostis animum Boleslaus in castra ad ipsum profectus & innocentiae suæ probationi, muneribus varie per Aulicos distributis, momenta addens. Quiescente Conrado non quiescebat tamen Vladislaus: cumque ab Imperatore aliquas, quibus exilium toleraret, possessiones nec non copias accepisset, laceſcebat fines Polonorum, sed eventu semper irritò. Mortuo Conrado suscepit Fridericus Barbarossa imperium, & simul causam Vladislai. Cum missis ad Polonos legatis nihil profecisset, bello eosdem aggreditur. Qui milite

lite impares, ad artes confugiunt, quibus ante Conradum lassaverant: ingentemque illum exercitum, ad famem, & quæ hanc comitantur mala, redigunt. Fit iterum pax, eâ lege, ut Imperatori Mediolanense tum bellum molienti, trecentos equites hastatos submitterant Poloni, Vladislao daretur Sisia. Quæ à Poloniæ regno tum avulsa, & à posteris mox Vladislai in varios Principatus divisa, tandem tota Bohemorum regno accessit.

II. Ita belli fraterni procella detonerat, cum Boleslaum Prussi, Polonorum imperia post Crivousti patris mortem aspernati, in se traxère. A quo victi, & ad Christianæ religionis sacramentum adacti sunt. Sed, ut Nunquam benè respondet coacta Religio, redeunt mox ad ingenium suum Prussi, fræna excutiant, & sacerdotibus ejectis, se potius extrema subituros minantur, quam animorum servitutem. Ita cum ad cætera obsequium pollicerentur, patria illis sacra relicta. Ast ii quia prima impune cesserant, audaciam mox ad maiora sumpsère. Ejiciunt Polonorum præsidia, prædas agunt per Masoviæ agros, mox advenientibus Polonis in padulum

ludum uligines sylvasque se abdunt datâ opportunitate erumpentes. Merebant ex ea gente quatuor transfugæ sub Polonis, & longâ fide locorumque peritiâ Boleslao se commendaverant. Hi conspiratione cum Prutenis clam initâ, Polonos offensâ spe ingentis prædæ deduxere in locum avium & Prussis infessum. Quibus erumpentibus circumventi Poloni & lubrico paludum lapsantes magnâ strage cæduntur, peritq; illic Henricus Boleslai frater, & omne penè robur militiæ Polonæ. Henrico cæso, Palatinatus Sandomiriensis, qui illi ex sorte paternâ obtigerat in Casimirum natu minimum devolvitur. Filii Vladislai, Duces jam Silesiæ partem illius hereditatis sibi vindicantes, latâ repulsâ, & memoriam veteris injuriæ accendente novâ, arma minabantur: multisque demum persuasionibus à Boleslao, & proceribus mitigati conquieverunt. Sed tû fermè iterum internis se moribus concussit Respublica. In tractu enim Cracoviensi equestris ordo Sventoslao & Iaxâ autoribus in Boleslao insurrexit, Casimiro fratri deferens imperium, odio seu Boleslai ob cladem Prussicam, seu Micislai alterius fratris, cui ætatis inubui

jure

jure successuro viam ad principatum, alio maturè electo cupiebant præclusam. Sed Casimirus quantò in vulgus gravior, tanto impensius pro fratre nitetur, eoque, quo in Principem petebatur, favore ad comprimendam seditionem usus est.

C A P. IX.

DE MIECISLAO SENE.

AB ANNO CIOCLXXIV. AD ANN.

CIOCLXXVIII.

Miecislaus in juventute probus. postea degener. regnum accipit, & mox amittit.

FRatre mortuo ibant in Casimirum minoris Poloniæ suffragia. sed hæc tamen Miecislaus majoris Poloniæ sententiis evaluit. Huic gravis & prudens juvenus Senis nomen conciliaverat, verùm decora juventutis dissimiles sequentium annorum detrivere mores. Principatum ejus imposita nobilibus ac plebe iis tributa, & inexpertaante Polonis fisci avaritia, honorum deniq; nundinationes invisum brevi reddiderunt. Auxere odium ministri ac Præfecti, quidum

dum emunctionibus Populi non Mie-
cislau tantum, sed suam quoque avi-
ditatem satiant, unius tamen Principis
invidiâ omnes peccabant. Studuit Mie-
cislau in viam reducere Gedeon Cra-
coviensis Antistes, & instructâ viduâ, cu-
jus gregem nutriti à filio canes laceras-
sent, fabulâ, velut in imagine principem
sibi ostenderat. Sed hunc nullâ admo-
nitiones emendabant. Inde idem Ge-
deon cum Stephano Cracoviensi Pala-
tino ad abrogandum Miecislo, deferen-
dumque fratri ejus Casimiro imperium
câteris prævit.

CAP. X.

DE CASIMIRO.

AB ANNO. CIOCLXXVIII. AD AN.
CIOXCXV.

*Conarii cujusdam petulantia à Casimiro
patienter tolerata. cum fratre Miecislo
bellum. qui à quibusdam in regnum
frustra restituitur. cum Prussis
bellum.*

Casimiro cum aliâ virtutes, tum u-
num maximè moderati animi spe-
cimen

cimen studia Polonorum conciliavit.
Quidam ex Aulæ ejus affectis Johan.
Conarius, ab ipso ad alex ludum invita-
tus, victusq; extremo jactu, cui tota fors
producti in serum noctis ludi committe-
batur, ita efferbuerat, ut vincenti Casi-
miro colaphû duceret. Comprehensum
cum omnium sententiæ capitis reum
pronunciarent, Casimirus etiam à culpâ
absolvit; illum, inquam, impatienciâ
jacturæ abreptum esse, se verò prostitu-
tæ dignitatis suæ justam pœnam luisse.
Sed vota procerum accendebat porro
etiam ipsa Casimiri sceptrum fratri præ-
ripere abnuentis modestia. Videbatur
enim, ut est reverâ, bene imperaturi, im-
perium recusare. Cedenti tandem præ-
cibus Polonorum regnumque capessenti,
prima cura fuit impressa Reip. vulne-
ra sanare, vitiaque corrigere, quæ Mie-
cislau expulerant. Hunc autem ipsum
paternæ hereditati restituit, supplicem
quidem nunc, sed occultas tamen recu-
perandi imperii spes alentem, intentum-
que occasionibus. Erupit paulò post cu-
piditas, cû Masoviam & Cujaviam, quas
Casimirus, tutor Lesco Boleslai Crispi
filio datus, administrabat, per fraudem
occupavit. Unde tamen brevi post ex-
cussus

cussus est. Bellum Casimirus primum in Halicenses gessit, quibus domitis, fororis suæ filium Miecislaum, ab illis expulsum restituit. Eo paulo post veneno à suis necato Ungarorum regis filius Andreas Haliciam occupaverat, Vlodi-miro, qui ad opem Ungaricam Casimirim fugiens se receperat, per fraudem carceri incluso. E quo ille elapsus, hostis nuper sui Casimiri imploratâ clementiâ, impetratoque auxilio Haliciam Ungaris eripit. Inde irritatus rex Ungarorum, fines Polonorum invadit, vicissimque à Polonis incessitur. Sed id bellum, quia nec Ungaris nec Polonis volentibus erat, maturatis primò induciis suspensum, mox firma pace compositum est.

II. Hæc agente Casimiro, circumegit se favor Polonorum quorundam, & à Casimiro in Miecislaum reflexit. Jamque Cracoviam urbem favorum suorum ope occupaverat Miecislaus; arce tamen à Fulcone Episcopo, & Nicolao Palatino prohibebatur. Profectus mox idem colligendi militis causâ in Poloniam Majorem, interim in filio, quem Cracoviæ reliquerat, à Casimiro opem Russorum maximè debellatur. Casimirus

rus filium fratris ejusque milites non modo incolumes, sed & muneribus ornatos dimisit. Quâ pietate Miecislaum ceterosque ira permovit, ut vivo ipso nihil hostile moliri sustinerent. Aded nonnunquam hostem, quem fortitudinis non coercuit, metus admiratio clementiæ subigit. Post hæc cladis Boleslao fratri insictæ memoria, manesque Henrici nuper occisi in Prussos Casimirim eliciere. In hos nequicquam reluctatos igne ferroque ita grassatur, ut in armis facilè ira vindictæ appareret. Nulla sexus, nulla ætatis ratio habita est. Donec fessi tot calamitatibus Prussi pristinae tributorum Polonicorum tolerantia se submiserunt. Hoc ultimum bellorum Casimiri fuit. Nec multo post ad pacis artes & religiones versus, dum S. Floriani à Pontifice impetratas reliquias ac memoriam festis epulis celebrat, hausto fortè poculo repente concidit, & brevi post intervallo exstinguitur. Suspicio quorundâ fuit, medicamento aliquo infectum fuisse poculum à sceminâ, quam deperibat Casimirus, mulierosior paulò, ceterà optimus Princeps.

CAP. XI.

DE LESCO ALBO.
ET MIECISLAO.AB ANNO CIOXCXV. AD ANNUM
CIOCCIII.*Lesci cum patruo Miecislao concertationes,
qui ter ad regnum emergit, ter
dejicitur.*

CAsimiro mortuo post multas Pro-
cerum concertationes ad filium
tandem Lescū defertur principatus. Sed
quia is per ætatem nondum par tantis
gubernaculis erat, adjunguntur puero
Helena mater, & Antistes Palatinusque
Cracoviensis. Interim patrum Miecis-
lao ambitio & contemptus sui dolor
vecordem agebant per Poloniam Ma-
jorem & Silesiam. Collecto mox isthic
exercitu Cracoviam properat: Cui Pa-
latus Cracoviensis, advocatis in auxi-
lium Russis, occurrit. Venit res ad præ-
lium, non acre minus quam impium,
cum scissam partes Poloniâ, fratres as-
finesque adversis è castris pugnarent.
Russi ibi cæduntur. Romanus illorum
dux

dux faucius ac semianimis penè prælio
excedit. Vulneratus etiam tum Miecis-
laus est, & filius ejus paulo ante hastâ
trajectus oculos penè paternos cruore
respererat. Interim Silesii duo duces in
auxilium Miecislao superveniunt. Qui-
bus se Govoricus Palatinus Sendomi-
riensis, qui priori prælio in sublellis fue-
rat, opponit. Inclinantes tum capto
Govorio Polonos nox adversa pugne
exemit. Silesii seu Miecislaum, qui lau-
cius domum vèhebatur, sequuti, seu
partæ gloriæ nolentes denuo facere pe-
riculum, erectis trophæis domum quo-
que abeunt. Ita tum quidem irritus fuit
Miecislai conatus. Aliquot annis post
instaurare idem animum in novæ spem
fortunæ cœpit. Cujaviam Casimiri li-
berorum patrimonium occupat. Idque
ei impune fuit per ætatem possessorum,
& Palatini Cracoviensis & Sendomi-
riensis dissidia. Cum sic primus cona-
tus provenisset, ad majora mox fraude
in auxilium assumptâ progredi statuit.
Helena Lesci matri per legatos arripit,
demonstrat mulieri jus suum, idque per-
sequendi vires, contra Lesci ætatem te-
neram, curatorum ejus dissidia, deni-
que petit, patruo potius quam aliis rute-

D

lam

iam permetteret Lesci, quem adoptare, destinare successorem, restitutâ cæteris fratribus Cujaviâ pollicetur. Impar fuit Miecislai versutiæ Helena, & minis vim ostentantis mota est, ut promissis crederet. Reliqui etiam proceres, quanquam aliquandiu reluctati, consentiunt tandem in Miecislai restitutionem, eâ tamen lege, ut promissa ille sua jurejurando sanciret. Ita secundum principatu potitur Miecislaus, sed in id, ut amittat iterum.

II. Is enim, quantum paulò ante verbis prolixus, tantum postea re ipsa atq; operâ defecit, sermone innuens subinde; fidem servare eorum tantum esse principum, quibus frangere aut non integrum, aut non necessarium esset. Sed Helena quoque, ut ante credula nimis, ita promissorû acris nunc exaëtrix fuit. Elusa aliquandiu, tandem ad vim proclamavit. Invenit facile fautores simplicitate lapsâ mulier, contra Miecislai imprimis, qui ut clientes suos ornaret, alios quosdam possessionibus suis dejecterat. Ad quas isti novis rebus, mutatoque principatu redituros se sperabant. Conjurat Palatinatus Cracoviensis duce ipso Palatino, occupatur urbs absente

absente tum forte Miecislao, recipiturque Helena cum Lesco filio. Ita vides denuo exortem principatus Miecislai. Sed excedit penè fidem, vel fortuna viri hujus, vel Helenæ plusquam muliebris credulitas. Ecce enim hæc iterum mox decipitur, ille iterum regnat. Nescio quas remoras fidei ante non exolutæ causatus, sanctè jam pollicetur omnia, quæ promississet, præstiturum. Adductæ iterum eo mulieri, ut cederet principatum, persuadet jam porro, ut Palatinum Cracoviensem Nicolaum amoveat, quasi ducem seditionum, & sub specie egregii publici, privatæ utilitati studentem. Ut minus reluctaretur femina, juvant alii, Nicolai illius fastigium pridem ægrè ferentes. Ille purgare se Helenæ meritorum suorum ac fidei ostentatione diu nixus, obstinatâ muliere, ad Miecislai confugit, quantò ante hostem, tantò ambitiosius nunc amicum. Nicolai autoritas traxit plerisque alios. Miecislai tertium jam princeps frustrâ promissorum ab Helena admonitus, Vislicienſe porro territorium illi adimit. Eâ constantiâ fuit. Sed paulò post receptum imperium finem histroniæ suæ & vitæ simul fecit, vir inter

ornamenta ac dedecora alternâ vice versatus, & eam plerumque fortunâ fidem expertus, qualem aliis præstabat.

CAP. XII.

DE VLADISLAO LASCONOGO. ET LESCO ALBO.

AB ANN. CLOCCIII. AD AN.
CLOCCXXVII.

Duo eliguntur. quorum alter alteri cedit.

*Cometes. Tartarorum prima in Rus-
siam incursiones. Pomerania Suen-
topelcus præficitur. qui deficiens
Lescum interimis. Cruciferi
in Prussiam vocantur.*

UTi vivo Micislao, ita mortuo adhuc inter ambiguos dominos vacillavit Polonia. Reliquerat ille filium Vladislau, qui à gracilitate pedum Lasconogus dictus (nam alter filius Otho, paulo post patrem obierat, relicto filio Vladislao sputatore:) & Lescus quoque Helena filius tories à Micislao dejectus supererat. In hunc primum sententia procerum consensere, uno Nicolao Palatino Cracoviensi, ejusque fratre Episcopo repugnantibus. Et hi tandem

dem patiebantur principatum Lesco deferri, hoc stipulantes, ut Govoricium Palatinum Sendomiriensem æmulum ipsorum in exilium amandaret. Verum Lesco displicuit principatus, quem amici injuriâ emendum haberet. Itaque an nitente Nicolao, cui hæc tanta Lesci benevolentia in Govoricium tanto formidabilior erat, princeps creatur Lasconogus, vir eo maxime nomine dignus principatu, quod eo postea digniori Lesco libens cessit. Nam cum imperante jam Lasconogo, Lescus feliciter in Romanum Haliciensium ducem Lublensis provincie vastatorem, & jam trajecto Vistulâ Sendomiriæ imminentem pugnasset, sequutus est fortunam favor Polonorum, & Lasconogo non repugnanti, surrogatus Lescus: mortuis jam maximis hujus adversatoribus, Palatino Episcopoque Cracoviensi, quorum huic Vincentius Cadlubec successit, vir pro seculi sui genio, eruditus, primusque historiæ Polonicæ conditor. Lescus, quod prælio meruit, pace tenuit imperium, lenis ingenio, ut alios non impeteret, felix, ut non impeteretur. Sub ejus initia Cometes apparuit, minax plerumque imperiis prodigium, tum

D 3 vero

vero haut dubiè Tartaricæ procellæ nuncius, quam eo tempore à mari Caspio & monte Imao Asia in Chersonesum Tauricam primum, mox in Podoliæ Russiæque fines effudit, magnam & sequentibus etiam postea seculis ineluctabilem Poloniæ calamitatem. Gens enim iusti belli ignara, ferarumque instar pauperiem tantum vicinis inferre nata, ipsa inopiâ & fugacitate suâ invicta est.

II. Cæterum Lesco huic frater erat Conradus, cui Masoviam & Cujaviam concessit. Pomeraniæ Suentopelcū præfecit, eâ lege, ut jus quidem diceret provinciæ, ea tamen Polonis maneret vetigalis, juraretque in verba principum Poloniæ. Sed utrumque hoc Lesco beneficium malo omine datum est, & aliterum Lesco ipsi interitus, alterum toti Poloniæ magnorum malorum causa exitiit. Nam Suentopelcus paulo post fortunâ suâ corruptus fræna momordit, Lescumque bellum illi meditantem, & forte aliquando inter Comititia in balneo lavantem oppressit interemitque. Aderat tum Lesco Henricus barbatus Dux Vratislaviensis; sed hic prostratus ab emissariis, quia pro mortuo habebatur, vivus evasit. Ex eo tempore Suentopel-

topelcus Ducis sibi Pomeraniæ nomen adscivit. At frater Lesci Conradus, defendendæ à Prutenorum incurfibus terræ suæ impar, fratres Theutonicos (quos Cruciferos vocant) è Syriâ tum à Sarracenis ejectos, in auxilium contra Pruthenos, datâ ad tempus terrâ Culmensi, vocavit, stipulatus vicissim, ut quicquid illi in Prussiâ occupassent, ex æquo secum partirentur. Ea res magnorum postea ac difficilium bellorum tempestates Poloniæ concivit, uistato ferè imperiorum fato, magis uti illis formidabiles fiant, qui vocati in auxilium sunt, quam fuerant, contra quos vocabantur.

CAP. XIII.

DE BOLES LAO PVDICO.

AB ANN. CIOCCXXVI. AD ANN.
CIOCCCLXXVIII.

*Pudici pueritia, & sub tutoribus miseria.
Ejus castitas. Tartarorum prædationes per Poloniam, & Silesiam.
Bella intestina. Iazyges. Lituanorum incursiones. Turba inter Silesia duces.*

Cum Lescus filium Boleslaum sed adhuc tenerum reliquisset, Henricum Barbatum, & Conradum de tutelâ hæredis aliquot annis certantes spectavit sensitq; Polonia. Ipse puer inter agnatorum studia variè raptatus, & Conradi etiam carceres expertus, vix tandem post multas difficultates ad regnum eluctatus est. Atque id jam pater ei minutius reliquerat, cum provinciarum aliæ Miecislai Senioris filiis, aliæ Conrado cecisissent. Ut ad Boleslaum quidem tum nihil præter Cracoviens. & Sendomir. Palatinatûs perveniret. Princeps factus Cunegundin Belæ Ungarorum Regis filiam uxorem duxit. Sed cum primis nuptiarum diebus intactam reliquisset, consensum utrinque est postea in perpetuæ virginitatis sacramentum. Unde Boleslao Pudici nomen. Hoc principe Tartarorum rabies primo, sed eo multiplici impetu per Poloniam defævit. Per vagati enim Lublinsensem oram, & trajecto Vistulâ Zarichostum usque progressi graves in Russiam prædas deportarunt. mox inde post deposita onera revertentibus corporum suorum objectum præcludere tentabant Cracovienses & Sendomirienses. Sed hi ad Schidloviam

loviâ oppidû prostrigati sunt, immaniusque hinc & velut perruptis obicibus ferocius se crudelitas sevissumq; gētis diffudit. Non satis in prædam grassanti fuit Polonia, in Silesiâ quoq; superato Viadro tranavit. Illic circa Ligniciam Ratisbonæ & Opoliæ Duces, junctis cû Cruciferorum & Majoris Poloniæ exercitu copius, sumplerant animos eundi in barbaros. Sed pariter, infelix fuit quanquam acerrimè pugnantium fortitudo. Cæsi ibi Henricus Pius Uratislaviensium post Henricum patrem dux, Boleslaus Moravorum Ducis filius, Pompo Cruciferorum Magister, aliq; spectati viri. Jam cæterorum militum tanta multitudo occidit, ut à Tartaris præcisæ caesorum singulis singulæ aures novem capacissimos saccos ferantur implèsse. Ut excitet penè nobis hæc tempestas cladis Romanæ apud Cannas memoriam, cum Annibal equitum Romanorum annulos, insignia nobilitatis, Carthaginis suæ modis admensus est. Sed porro ut illic vento, pulvere, sole adverso pugnarunt Romani, ita se hîc externa aliqua, & humanâ major vis prælio creditur miscuisse. Tradunt enim authores concussum inter pugnandum ex signis Tartarorum

unum fumi ac nebulae tanta sparsisse volumina, ut prospectum omnem adversae aciei eriperet. Quod mirum, non difficile tamen creditu videbitur ei, qui sciverit, Tartarorum gentem veneficiorum minime rudem esse.

II. Percussa tantâ clade Polonia magis etiam misera erat, quod principe carebat. Nam Boleslaus, ubi alterius Tartaricae calamitatis tumor increpuit, in Ungariam cum suis transfugerat. Nec diu postea comparuit. Inde Boleslao Calvo Henrici Pii filio Principatus decernitur. Quod agere ferens Conradus Masovius, vix bene datum Calvo sceptrum sibi vindicavit. Sed hujus quoque impotens dominatus odia mox incurrit, movitque Polonos, ut Pudicum requirerent. Qui reversus recipit imperium, cum Conrado duplici praelio configit, uno victor, altero victus, usque tamen per fidem procerum quorundam potestatis supremæ retinens. Mortuo paulo post Conrado, quæ sub Pudico erat, Polonia fuisset, nisi quæ iam Majore Poloniâ inter Miecislai senioris Conradique posteros arseret, & maxime Silesiorum Ducum gravissima inter se certamina, aliquam quoque barbarum

uuu

conta-

contagē vicinæ afflassent. Inprimis vero in Silesiâ Boleslaus Calvus, à quo sui defecerant, in tractu Cujaviensi Casimirus Conradi Masovii filius quietem publicam turbabant.

III. Districtis ita circa domestica mala Polonis Silesiisque novus iterum mox turbo ab Oriente insonuit. Tartarorum enim ingens vis Lublinensem terram vastabat, notisque jam & nupe-ro cruore velut signatis viis progressa, Zavichostum, Sendomiriam, Cracoviam & quæ ultra hanc, populabatur. Erant in castris Tartarorum duo Russorum duces Leo & Romanus, scelerique fœdorum gentilium ducatum ac potentiâ in Christianos Christiani ipsi præbebant. Sed reversis quoque ad sua Tartaris, hi quasi tardius satiarentur, repetitis subinde incursionibus Poloniæ partes, Masoviam inprimis, infestare, Lithuanis jam quoque succincti & Iazygibus, populis eâ tum parte positis, quæ hodie Podlascia appellatur. Sed postremi hi quasi in fatum suum lacerassent Polonos, internecione penè tum à Boleslao excisi sunt. Lithuani domum reversi & ob necē Ducis Mindaci murvis se cædibus lacerantes internis discordiis relinquebantur.

bantur. In Russos sumptum bellum est, Boleslai tamen magis auspiciis quam ductu. Nam Petro Palatino Cracoviensi summum belli regimen commissum fuit. Qui in hosticū progressus, Russos Suarone duce contra venientes, quibus & Tartarorum ingens manus accesserat, commisso eminus cominus prælio, insigni victoriâ ultus est.

IV. Post hæc major Polonia Duce Boleslao Calissiensium Dynastâ cum Brandeburgicis Marchionib. bellum exorsa est: minor intestinis dissidiis laborare capit. Erat tum Cracoviensium Antistes Paulus Polucosius, vir avaritiâ, libidinibus, venandi prurigne muneris suo dedecorus. Hunc operâ duorum juvenum ex Topororum gente captum Lescus Niger carceri incluserat, jussu vel saltem permissu Pudici. Post annitente Gnesnensi Archiepiscopo dimissus vindictam parat, collectisque qui fortunæ inopes, moribus turbidi licentiam scelorum bello civili sperabant, in principem conspirat. Inficit ea lates bonos etiam quosdam vel pridem aliis quibus Pudici moribus offensos, vel offensos aliis credulos. Iuvitq; seditiosorum consilia Boleslai absentia, qui tum cum Bohemo

Bohemo in Silesiâ de restituendâ Polonis Opaviâ, agebat. Nec mora. Defecerunt Conjurati principatum ad Vladislaum Opolienstem ducem; illoque postulante, ut quotquot se principem vellet, ad se Opoliam venirent; iter ingrediuntur. Euntes & securitate vagos adoritur in vicino tum agens Pudicus nullo iusto milite, sed solo procerum aulicorū quorundam comitatu. Et suffecit ad comprimendos rebelles illa fortunæ regis moles. Inde in Vladislaum receptorem seditiosorum itum est, & direptæ ejus ditiones. Cruduissentque in justum bellum odia inter cognatos, nisi Boleslai Calissiensis prudenti operâ sopita maturè forent. Tandem restitutâ minori Poloniæ quiete, Masovia, Cujavia, & his adfines provinciæ Lithuanorum & Pruthenorum incursione concussæ sunt. Feruntur tum quadraginta hominum millia abducta. In Silesiâ vero, si unquam, nunc maximè Duces cognati ferrum parricidiale inter se strinxere. Auctor barbarum præcipuus Boleslaus Calvus fuit, qui cum Henricum Vratislaviæ Ducem dolo cepisset, quosdam Silesiæ Principum, & Pudicum etiam aliosque Poloniæ Duces in se concitavit.

citavit. Tandem quoque in illum Vratislavienses Bohemorum regem Ottocarium vocarunt datâ regi ad tempus ditione Glacensi. Ejus auctoritate lis inter duces utcunque composita est, & præter Hentricum Premislus quoque Posnanienſium Dux, quem in prælio nuper ceperat Calvus, dimissus. Sub id tempus movit denuo in Brandeburgicum Boleslaus Calissienſis, fusoque Othone Longo Marchione, latè Marchiâ populatur. Sed paulo post reversus inde febri extinguitur. Quem eodem quoque anno Pudicus consequutus est, princeps ingenio mitis, vitâ integer, cæterâ infelix, & calamitatibus ferè quam rebus gestis nobilior.

CAP. XIV.

DE LESCONIGRO.

AB ANNO CIOCCCLXXIX. AD AN.
CIOCCCLXXXIX.

*Cum Russis bellum. cum Henrico Vratislaviensium Duce. cum Lithuanis. In-
zygum internecio. Sendomiriensium seditio in Nigrum. bis iterata. Cracoviensium fidelitas. Bozes-*

Boleslaus Pudicus cum ob virginis votum nullum genuisset, fecit sibi judicio successorem. Is erat Lescus Niger ex fratre ipsius patruele ortus. Poloni alii libentes acquiescebant adoptione Boleslai, alii reluctati nonnihil, tandem pertinaciam temporibus reipublicæ submisere. Russi enim tum omnium animos in se adverterant, qui Tartarorum Lithvanorumque viribus succincti, Duce Leone immaniter Poloniam vastabant. Hos Varius Castellanus Cracoviensis cum suo & Sendomiriensium Palatino temere aggressus feliciter tamen ad Goslicium pagum fudit. Eosdem collecto majore exercitu persequitur Lescus, & ad Léopolin, quæ ab hoc Leone nomen habere videtur, progressus, vicissim se quoque ultione & sanguine explet. Inde in Henricum Vratislaviensium ducem cognomento Probum, sed tum nomini malè respondentem movet. Causa belli erat Henrici in patrueles suos, cognatos Lesci, impia fraus, quos per speciem colloquii evocatos Barriam, vinclis oneraverat. Lescus cum multam agris Vratislaviensibus vastitatem attulisset, captos tamen haut liberare potuit: ipsi se paulò post concessis, quæ

quæ Henricus postulabat, quamquam iniquis, exemere. Eo tempore infudit se denique in Poloniam gens Lithvanorum, & quicquid adhuc Iazygum supererat. Quos contra cum veniret Lescus, recedentes reperit, tardo tamen ob prædam agmine. Dubius an hostem persequeretur, sompno animatur, mox eadem fiducia incensos suos vestigia barbarorum legere jubet. Hi fulgentibus ex propinquo Lesci signis, quamquam in re subito attoniti, parant se tamen pugnae. Mox incurrentium Polonorum impetum fortiter excipiunt, cum subito eos captivi à tergo adoriuntur; viri arreptis, quæ sors dederat, telis, feminae truci ululatu. Fertur & canum, quos secum abduxerat, moribus impetitus hostis; pulcherrimo spectaculo, cum Polono numero hominum impari bestiae militarent. Percussos undique & in fugam effusos persequitur cæditque Lescus, donec sylva & oborta nox finem poneret. Acrius cæteris tum Iazyges pugnauerant, unde occisione omnes periire. ut hodie nonnisi nomen eorum superfit.

II. Sed pulcherrimæ victoriæ decus civiles coorti metus penè temeraverunt.

sup

Sen-

Sendomirienses enim jam olim Lescio iniqui, autoribus Iohanne Palatino & Crispino Castellano, cum quibus & Paulus Cracoviensis Episcopus trahere se dicebatur, spreto Lescio, Conrado Masovia duci se submisere. Verum hunc venientis subito Lesci fama in Masoviam repulit, minace tamen belli & majoris apparatus fugâ. Lescus procerum primis prudentiâ & comitate reconciliatis, reliquos ut gratiam principis sponte quaerent, coëgit. Interim Lithvani vires recollegerant, & Poloniam ingressi ad Sendomiriensem usque terram latè omnia vastabant. Hos iterum fortiter adortus Lescus feliciter repulit, convincens veluti ingrati animi suos, & antea ipsum principem aspernatos, & mox aspernatos. Surrexit enim denuò male obrutum seditionis incendium, & majore flammâ è dolosis velut cineribus erupit. Accivisse barbaros principis odio credebatur Paulus Episcopus Cracoviensis, unde iterum captus & iterum dimissus magnisque immunitatibus donatus est à Lescio. Sed ut plerumque homines injuriâ quam beneficio malum vicem exolvere, adeo non mitigatus est muneribus Lesci Antistes, ut tanto etiam

iam acius omnium animos, quâ posset, in principem acueret. Atque ejus nefaria consilia, quod mireris, secuta est pleaque, quæ sub Lescio erat, Polonia. Iterum accitur Conradus, venientique Cracoviensium ac Sendomiriensium proceres obviam procedunt. sola urbs Cracovia ab illo rebellionis contagio intacta mansit, & quamvis magna præmia polliceretur Conradus, dira quoque minaretur contumacibus, neutro tamen modo in defectione fidei corrupti potuit. Obsessâ à rebellibus urbe, & mox incensâ, cives in arcem se recipiunt spe Lesci se sustentantes, qui sub initium statim motus, ad Ladislaum Ungarum quærendæ opi confugerat. Nec multo post adest cum exercitu, cui opponit longe majorem Conradus. Sed voluit bellorum arbiter Deus, ut unde jus, inde victoria staret. Lescus debellatis & veniam orantibus subditis magna facilitate ignovit. Cracoviensium constantiæ gratiæ ingentes habitæ, inprimis Germanorum, quorum fide arcis custodia potissimum steterat. His urbis regimen tradidit Lescus, habitu quoque eorum assumpto favorem suum testatus.

III. Felix erat Lescus si ut subditis suis,

suis, ita Conrado benignum se præstisset. Sed huic implacabilis irascens recondiderat odium, quod captatâ mox occasione prompsit. Dobrinum tum Lithuani incurrerant fratris sui Ziemo-viti oppidum. Huic quasi optulaturus in Masoviam descescit, igneque ac ferro late grassatur. Redeuntes cum prædâ milites plurimos in trajectu fluminis aquæ hauserunt. Sed mox major calamitas sequuta est. Tartari enim iterum magna & miserabili diluvie Poloniam inundarunt. Tot tum homines abducti feruntur, ut cum reversi Barbari in Rusiam circa Vlodimiriam recognoscerent prædam, ultra viginti millia innuptarum virginum numerata sint. Nec Russis impune fuit toties immanissimam gentem juisse. Ferunt enim à transeuntibus Tartaris inmissis humanis cordibus, quæ veneno imbuerant, infectas aquas nova morborum genera peperisse, quorum ut causa diu fefellit medicos, ita soboles hodieq; in inexplicabili tricarû contage, quam Plicam vocant, creditur vulgo superesse. Cæterum Lesci animum nondum publica mala ita mitigaverant, quin vindictæ privatæ indulgeret. Iterum Conradum accessit, misso in Masoviam

viam Palatino Siradiense. Sed hunc ex Masoviâ cum prædâ regredientem secutus Conradus incautum opprimit necatque. Miles vero prædator præda mox Masoviis fuit. Lescus ipse paulo post ex mœrore animi periit, princeps inter laudatos censi meritis, felices etiam, nisi finis inclinasset, cujus maxime semper meminimus.

C A P. XV.

DE INTERREGNO. ET
PREMISLO REGE.

AB AN. CIOCLXXXIX. AD AN.
CIOCCXCVI.

*Polonia varie discepta. Premissus emergit. & Regium nomen recipit.
mox clam interficitur.*

Lescus absque liberis decesserat. Inde regnatarum ab eo ditionum impetravit prius, quam certis iterum velut humeris federet, agitarum est. Siradicensem Palatinatum Vladislaus Locticus frater Lesci obtinuit. Cracovienses & Sendomirienses Boleslaum Ducem Plocensem Conradi Masovii fratrem

trem ad Principatum vocaverunt. Sed hunc mox Henricus Vratislaviensium Dux deiecit, dejectus ipse quoque ad tempus à Loctico, paulo post vero restitutus, morte instante, hæredem harum Provinciarum scripsit Premislum Majoris Poloniæ Ducem, cui recens Pomerania quoque testamento morientis Miesciugi accesserat. At huic Henrici quidem hæreditatem ambiguum faciebat Gryphina Lesci Nigri uxor, quæ in duos illos Palatinatus sibi à marito donatum, ut ferebat, jus Venceslao Bohemorum Principi sororis suæ filio transcripserat. Cessitque Cracovia Bohemo. Sendomiriam Locticus sibi armis vindicabat. Penes Premislum tamen majoris Poloniæ & Pomeraniæ Dominum, inter tot æmulos, summi Principis autoritas mansit, cui mox & regia dignitas accessit. Omissa ea in Poloniâ fuerat ducentis & ultra annis. A temporibus scilicet Boleslai Audacis, ob quem Pontifex Regnum quoque ipsum execrationibus devinxerat. Post & hoc relicta subinde à dominantibus numerosâ sobole, in tot principes divisum fuit, vix ut horum quisquam regio nomini esset sustinendo. In Premislum hunc

hunc quia plures provinciae felici successione coiverant, dignum sui iudicarent, qui diadema Regium gestaret. Quod ei Gnesnae solenni ritu Iacobus Swinka Archiepiscopus imposuit. Rex factus Premislus coeperat curas eo nomine dignas agitare. Sed eas nimium praecox & quasi Poloniae invidens fatum subita morte abruptit. Septimo enim post susceptum regnum mense, dum Bachanalium diebus apud Rogosnum Marchiae vicinum locum securius agit, à manu emissariorum, quam Brandeburgici Marchiones sorore Premisli geniti subornasse dicuntur, oppressus perit.

CAP. XVI.

DE VLADISLAO
LOCTICO.

AB AN. CIOCCXCVI. AD AN.
CIOCCC.

*Loctici in Silesiam expeditio. quae discordiis
artebatur. Locticus degenerat.
& regno dejicitur.*

Occiso

Occiso Premislo omnium electus suffragiis Vladislaus Locticus, non tamen solenni ritu inauguratus est. nec Regis, sed haeredis Poloniae nomen assumpsit. Incertum quae de causa, an factis rem ita velut ad gubernantibus, ut facilius eripi indignius se gesturo nondum plenè datum imperium posset. Prima ejus expeditio in Silesios fuit, favore in Bohemum regni æmulum ipsi adversos. Quorum terram cum exercitu ingressus, longè latèque populatur. Ideo proclivius Loctico fuit, quod principes Silesiae domesticis turbis districti, in commune non consultabant. Boleslaus enim Suidnicensium Dux in Conradum Glogoviensem bellum parabat, Henrici Vratislaviensis causam, quem Conradus fraude captum teterrimi carceris squalore primò ad iniquissimas condiciones, tandem ad mortem adegerat. Reversus ex Silesia Vladislaus otii ac voluptatum saginae se dedit. Milites quoque rapinis assuetas manus ne à suis quidem abstinabant, principe non ad hæc tantum connivente, sed ob libidines privatas omnium jam publicæ rei incurioso. Tandem ita gravis Polonis esse cepit, ut imperium tribus annis administratum ei abro-

abrogarent. Felicem hanc calamitatem Lothico fuisse eventus docuit: quippe quâ velut stimulo admoto animus, qui inertia penè elanguerat, virtutis suæ admonitus est.

CAP. XVII.

DE VENCESLAO REGE.

AB ANNO CIOCCC. AD ANN.
CIOCCCV.

Venceslaus à Bohemiâ accitus Rex inauguratur. Lothicum persequitur. Qui rediit moriente Venceslao restituitur.

AMoto Lothico accitus in Poloniam Venceslaus Bohemorum Rex, cinctusque Regio diademate munimentum suæ ut exoticæ dominationi petit à conjugio, ductâ in uxorem Rixâ Premisli Regis filiâ. Inde Lothicum persequitur, adhuc tum in Polonia sed occulte & incertis latebris vagum, mox in Ungariam atque inde Romam profugum. Remoto æmulo ipse in Bohemiam abit, constitutus, penes quos rerum summa esset, præfectis. Venceslao absente Sendomiriensibus & Cracoviensibus animus

incessit Russos toties Poloniam depulatos & recenti quoque injuriâ exosos ulciscendi. Pugnantibus quamquam sine Rege auspiciis fortunæ non defuit. Fulis enim prælio Russis, quibus Tartari quoque auxilio venerant, Lublinum, quo quinquaginta annis Poloni caruere, ereptum est.

Dum hæc in Poloniâ aguntur, Lothicus in Ungariâ apud Amedeum Palatinum agens, imminere adhuc occasionibus regni recuperandi. Compertoque dominationem Bohemorum gravem esse Polonis, & Venceslaui filii causâ in Ungaros moliri bellum, collectâ manu Ungarorum & Amedei hospitis ope adiutus, in Poloniam venit, Peliscam mox Visliciamque & quæ circumjecta loca sunt, occupat. Sed luctanti ita inter initiorum veluti rimas magnum post ostium aperuit secuta sub id tempus mors Venceslai. Nam fato Regis Bohemis quoque, qui passim civitates Poloniæ præsidio tenebant, cecidit animus: & capita urbium Cracovia ac Sendomiria Lothico facile cessere. Ibat tamen manu asertum patrium regnum Venceslaus junior à Bohemiâ non exiguum manum
E ducens

98 FLORI POLONICI
ducens ac si imperium detrectetur, bello
certaturus. Sed ille dum Oloinucii for-
te sub meridiem somno indulget, occi-
ditur. Autor cædis in ambiguo est, quan-
quam fuere qui Alberti Imperatoris sce-
lus suspectabant. Ex hoc tempore Bo-
hemis externi Reges imperitarunt.

C A P. XVIII.
DE VLADISLAO
LOCTICO.

AB ANNO CLOCCCV. AD AN.
CLOCCXXXIII.

*Loctico redditur regnum. Pomerania Mar-
chionibus proditur. contra hos Cruciferi
vocantur in auxilium. qui ex sociis
mox hostes. Cracoviensium sedi-
tio. Silesia Bohemia innexa.
De Cruciferis victoria.*

*Antor Gentis Za-
mosciana.*

MOrte utriusque Venceslai Loctico
armorum pro recuperatione im-
perii necessitas remissa est; & diffugien-
tibus passim Bohemorum præfidiis,
sponte se illi subdidere Poloni. Soli Pos-
nanien-

LIBER II. 99

nanientes & Calisienes memores vi-
torum ejus, forteque etiam vindictam
metuentes regnum dare ignominia ac-
censo renuebant. Itaque Henricum
Glogoviensium Ducem sibi adsciscunt.
hoc pejus merentes de Loctico, quod
sine illis coronari non posset. Quippe
Gnesæ ditionis ipsorum urbe Regia
diademata asservabantur; & in illis par-
tibus erat Archiepiscopus. Locticus levi
incurfione correptis adversariorum a-
gris, ad Pomeranos tendit, acceptoque
ab omnibus sacramento, Gedanensibus
Bogussam judicem, cæteris Premisum
& Casimirum duces, Ziemomisli fratris
filios præficit. Postquam inde abiisset,
cepit prodendæ Marchionibus Brande-
burgicis Pomeraniæ consilium Petrus
Cancellarius Pomeraniæ, Palatini Ge-
danensis filius, homo factiosus & tum
Loctico nescio ob quam repulsam in-
fensor. Idem tum captus inter prima
molimina, mox tamen deprecatione
fratrum dimissus, beneficii immemor
ignominiam ulcisci statuit. Ejus ergo
fratrumque ope accitis paulo post Mar-
chionibus pleraque civitates Pomeraniæ
tradantur, Gedanum quoque ipsum,
solâ arce relicta, quam Bogussa tutaba-

E 2 tur.

tur. Hic urgente obsidium hoste ad Lo-
sticum magna celeritate contendit, &
de statu rerum edocto suadet Crucife-
ros vocare in auxilium. Annuente Prin-
cipe, Bogussâ reversus Cruciferos in ar-
cis dimidiâ regimen recipit, hac lege, ut
unius anni defensionem suis impensis
tolerarent, hoc elapso, quicquid porro
insumeretur, Regi ferrent expensum.
Junctâ ita cum Cruciferis manu non
arx tantum Gedanensis defensa, sed
urbs quoque recuperata est. Sed repulso
hoste, insurgere paulatim Cruciferi, ar-
cis universum regimen in se trahere cæ-
perunt: frustra repugnante Bogussâ, aut
ceteris, quorum ut quisque potentior
aut obstinatioer erat, carcere multaba-
tur. Moniti à Vladislao & præsentis in
conventu apud Cujaviam habito inju-
riarum postulati, ingentem atque ini-
quam pecuniâ summam poscebant: quâ
abnuente Vladislao ad vim bellumque
apertum erupere. Distinebatur tum Vla-
dislaus bello civili contra Henricum
Glogoviensem: quod spem dabat Cru-
ciferis occupandâ totius Pomeraniæ.
Primo impetu adoriri oppidum Geda-
nense placuit, quod aliquandiu à Po-
meranis defensum, tandem civium quo-
run-

rundam Theutonici generis operâ
proditum est. Inde Derlavia, cui Casti-
mus Loſtici cognatus præsidebat, ca-
pta, & Suecium ingenio sitis & arte
munitissimum Castellum longâ obſi-
dione expugnatum. Quod pleraque a-
lia oppida secuta sunt.

II. Dum hæc apud Borussos agun-
tur, Polonia major pertæsa dominatio-
nis Henrici & perpetuarum belli cala-
mitatum metuens, Vladislao se dedit, et
missusque, id ut impediret, ab Henrico
Bibersteinus à Samotulio Palatinide
Posnaniense profligatus est. Sed rara si-
ne mali mixtura felicitas: plerumque
lancis instar, unâ parte attollitur, ut al-
terâ desidat. Sic Vladislao cum pars
Poloniæ fasces submisisset, altera cœpit
rebellare. Cracovienſes enim cives Al-
berto advocato autore, Boleslao duci
Opolienſium urbem suam subdiderant,
arcemque in societatem flagitii trahere
certabant. Sed Boleslaus missis à Lo-
ſtico legatis, & mox vi ingruente per-
cussus properè urbem deseruit, comi-
tantibus eum plerisque qui seditioni
classicum cecinerant. Victor antequam
adventaret, Loſticus, cum venit, sentire
urbem voluit, quid peccasset. Profugo-

rum bona in fiscum redacta sunt; cæsi, qui è ducibus rebellionis remanserant, universæ civitati jura imminuta.

III. Cruciferorum interea ut potentia, ita potentiæ cupido gliscebatur. Pomeraniam omnem tenebant, & ut jure tenere viderentur, primò Loſtico; hoc abnuente, Marchionibus pecuniam offerunt. Qui ut vendere jure non poterant, quod per injuriam nuper occupârant, ita pretium libentes accepere pro eo, quod jam ipsis vi erat extortum. Poloni verò irritati tot injuriis, antequam armis se vindicarent, suâ Episcoporum, quibus ablata Pomeraniâ non modici proventus interciderant, Pontificis Romani judicium implorant. A quo toto quadriennii labore vix tandem impetratum est, ut deligerentur, quorum arbitrio disceptaretur causa tam gravis. Ab iis secundum Polonos data lis est, justique Cruciferi satisfacere, cum non parerent, sacro fulmine percussi sunt.

IV. Eâ tempestate Duces Silesiorum hæcenus liberos fœderatosque Polonorum vitia sua & Iohannis Lucemburgi Bohemiæ Regis artes alieno subegere regno. Cum enim ex Ducibus alii
prodi-

prodigerent sua, alii armis se invicem incesserent, singulis suos castes aptans Iohannes, illos dato pretio, ditionibus suis exuebat, hos occultis stimulis in mutuam armabat perniciem. Dum tandem omnes luxu vel discordiis attritos sub Bohemorum imperium adegit. Idem Iohannes nescio quod sibi jus ob antecessorem Venceslaum in Polonos vendicans, vocatusque à Cruciferis in auxilium contra Loſticum, serio tandem Pomeraniam recuperare molientem, Masoviam ingreditur. Ab eodem Cruciferi, ut jus suum in Pomeraniam magisteriam stabilirent, prece & pretio impetrant, ut illam provinciam ipsis donaret, jure scilicet in Polonorum ditiones Regio, quod Iohanni homines ridiculi, ut accipere possent, dabant.

V. Nec vero diu se intra Pomeraniam continuit Cruciferorum avaritia. Poloniæ ipsius primum oras, mox viscera assiduus incursionibus tentabant. Certè altero eorum impetu vix ullum Majoris Poloniæ oppidum intactum mansit. Aderat cum exercitu Vladislaus, sed impar tanto hosti, & congregi apertè non ausus, casuum tantum opportuna speculabatur. Brevisque potius

tus est voto. Militabat tum in castris hostium Szamotulius, profugus è patriâ, ob similitates cum Rege, atque imprimis ob prælatum sibi in præfecturâ Majoris Poloniæ Casimirum filium Regis. Hic pœnitentiâ & patriæ amore mollitus, captato tēpore, specie exploratoris, in castra Polonorum transgressus deprecatur Regem, simul hortans, prælii ut tentaret fortunam, suamque ad id operam promittens. Redux trepidatione Polonorum falsò memoratâ persuadet Cruciferianis, ut securè & sine metu agerent. Illi prædæ suæ incubantes, & quasi victo hoste læti, reditum parare ad deponenda spolia, partiri que exercitum cœperant. Interim admovet Locticus exercitum, nebulae beneficio usus, ut improvisor hostibus veniret, famamque sui anteiret. Illis tamen strepitu propinquantium admonitis, subitoque arma corripientibus, cum ad Radoviam venisset, sistit nonnihil suos, & ad hunc modum affatur: *Si quantam ore habituque præferunt hostes, tantam moribus ac factis ostenderent numinis curam: bellum, milites, aut nullum cum illis, aut omnino iniustum gereremus. Nec enim intra sacra militia consistentes munia, violentam*

lentam in nostra injicerent manum: & sua servantes improbe à nobis oppugnarentur. Sed nimirum male respondent illi instituti sui legibus, turpiterque ex propugnatoribus Christiana religionis, in magistros avaritia & immanitatis, in Cruces turbatoresque vicinorum principum degenerarunt. Alia eorum facinora ne memorem, in nos patriamque nostram qua illos insana impiaque habendi cupiditas armavit? Profugos olim & sedibus suis exutos cognati principes nostri in parrem belli quidem, sed & terra simul sua vocarunt. Hic afflictæ prioris fortuna allevationem, hic nova hac, qua videtis, incrementa cepere. Expectanda nobis erat gratia, illi vim inferunt, illi focos, in quibus nescarii scilicet aspides recalvère, diripiunt, atque etiam, si liceat, ereptum nobis eunt. Pomeraniam jamdudum est, quod sibi usurpant, magna etiam Cuijavia parti incubant: Et his tamen aded non satiatur illorum avaritia, ut velut irritata magis, in intima patria nostra viscera ungues promittant. Verum modum his, quem sibi ponere nesciunt, ponet hodie, spero, numinis vindicta, & vestra, commilitones, virtus. Quam jam pridem ablatarum provinciarum injuria, male habiti ab illis agri subditique nostri, pro-

E 5 *fanata*

fanata à sacris nempe militibus templa, ita acriter stimulant; ut vix difficilius jam fore videatur vincere hostem, quam fuit hactenus, in pralium vos ruentes tenere. Nec ullo sanè degeneri metu ardorem vestrum inhibui; sed quia malis bonisque rebus meis edocili scio, quantum possint in bello momenta temporum atque occasionum. Has prosectò qui prudenti patientiâ speculari novit, securius vincit, vel, si fortuna omninò rectè etiam consultis repugnet, vincitur saltem serius atque excusatiùs. Sapè parvis copiis magni exercitus iniquo vel loco vel tempore deprehensi debellantur. Sed nobis, milites, hodiernus dies tot offerens benè gerenda rei opportunitates, grande morarum omnium, quas tulistis hactenus, pretium ostendat. Hinc usque numero aded prævaluit hostis, ut & superare illum arduum foret, & superari nobis temeritatis insuper expectanda esset nota. Nunc flos exercitus illorum ad subigenda Cujavia ulteriora missus est. Sic universos antè cum discrimine aggressuri, divisos jã absq; negotio proteremus. Sed ut multitudine etiamnũ pares vel superiores sint, animis tamen nos non aquant: quos exigua mercede antoratos, ceterum undique collecta & pradandi quam præbuit gnarior pares prosectò asserre non

potest nostris, quos pro patria dimicantes, præter nobilitatem ingentiam, summa belli non aequitas tantum, sed necessitas acuit. Ac clamor illorum dissonus, quo omnia jam istic perstrepunt, nonne pavorem & festinatione se suâ implicantem trepidationem arguit? scilicet cautionem nostram ignaviam forsan hactenus interpretati, quia non provocavimus, nunquam provocaturos credideret: aut facilem, puto, expectarunt, qui ad pralium paratos esse juberet. Discant agè nunc exitio suo, non esse tum pugnandum, cum cupit hostis; & perissee rerum agendarum occasiones, cum utrinque sciuntur. Ceterum quos percussos ita anxiosque audimus, major mox, milites, occupabit dejicietque consternatio; cum Samotulium, nostratem olim Palatinum, illorum hactenus castra pravo consilio sequutum, mutato animo in illos pro nobis arma stringere videbunt. Id quidem facturum se recepit, nec, nisi penitus Polonus esse desit, commissurum arbitror, quin iras civiles in exitium hostibus veras, crimenque perfidia egregio decore expiatum nobis patriæque probet. Sed & vos, commilitones, certus sum, ita acturos, ut & civis respicientis studium viso vestro pro patria pugnandi ardore crescat; & opera ejus

ejus à nobis ad communicandam victoriam gloriam admissa, minimè requisita ad obtinendam videatur.

Hæc fato Duce, discussâq; etiâ interim nebulâ, initur prælium. Agunt rem fortiter Poloni, certantibus velut inter se quoque Loëtico & militibus, illo, ne exemplum, vel vocis incentivum suis deesset, his, ut utrumque superfluum esset. Nec Cruciferianis virtus deerat, donec Szamotulius terga eorum incescere cœpit. Tum respectantes & re subitâ attoniti remittere animos. Subvenientes quoque iis, quæ Brestiam pridie præmissæ erant, copiæ in id tantum venire, ut victoriam Polonorum augerent. Nam & acrius isti tanquam pro parto decore pugnabant, & illi pavore fugientium suorum auferebantur. Viginti millia tum Cruciferianorum feruntur periisse, ex Polonis quingenti tantum. Post prælium inter saucios vir quidam equestris ordinis Florianus Szari jacebat, effluentia abdomine ilia manu cohibens. Ejus cruciatum Rex fortè præteriens cum comitibus miserabatur. Cum ille: acrior, ô Rex, inquit, dolor ejus est, qui in eodem pago malum vicinum habet, qualem ego expertus sum.

Mira-

Miratus est Rex hominis inter mortis discrimen ejusmodi cogitationibus vacantis responsum; sublatoq; & arte chirurgorum curato pagum dedit, quem solus & absque vicino possideret. Stemma ejus, quod trium hastarum erat, inde Ielitorum, i. e. ilium nomen accepit, estque insigne Zamoscianæ familiæ, è quâ magnum illud non Poloniæ tantum, sed seculi decus Johannes Zamoscius effulsit. Cæterum ut Vladislao Regi victoria hæc gloriosa fuit: ita fructum ejus Bohemi fermè & Silesii intervertère; bello majori Poloniæ intentato necessitatem Regi Cruciferos omittendi, his respirandi moram facientes. Qui & dum in novum hostem movent Poloni, Brestiam & Gnievvcoviam impunè abstulerunt. Paulo post pactus cum Cruciferis inducias Vladislaus, munitiones aliquot Bohemorum Silesiorumque cepit aut incendit. Inde reversus post brevissimi temporis morbum moritur, princeps corpore exiguus, magnus animo, comitate in suos, fortitudine in hostes egregius, à secundâ fortunâ penè deceptus, adversæ pulchrè tolerans semper, plerumque victor.

C A P.

DE CASIMIRO
MAGNO.AB ANNO CIOCCCXXXVIII. AD AN:
CIOCCCLXX.

Casimirus pacem init cum Cruciferis. successorem designat Carolum. Russos Polonia subdit. Leges instituit. Ius Magdeburgicum introducit. Ludovicum Ungarum post Carolum successorem nominat. Pater Plebeiorum dictus. Valachi dolo Polonos vincunt. pestis & fames per Poloniam. Casimirus cognatam Carolo IV. Imperatori locat. Hospites Regios consul Cracoviensis splendide excipit. Casimiri ex equo lapsus & mors.

VLadislao Lothico filius Casimirus succedit. Qui mitis ingenio, & quietis quam armorum appetentior pacem cum Cruciferis init, parum decoram nomini Polonico. Eam aspernati Proceres, & simul tamen bellorum pertasi, Pontificem iterum in arbitrium male compositæ litis sollicitant. Ab hoc missi arbitri inessam à Crucigeris Pomerelliam,

liâ, Cujaviâ, Dobrinû, & reliqua Poloniæ propiora Polonis adjudicant. Cruciferis insuper prægrâdè multâ irrogantes. Sed hi nec decreta Pontificia, nec exactiones morati, occupata retinûere.

Cæterum Casimirus ut vagus libidinum, ita prole orbus erat. Unde maturè successorem circumspicere cœpit. Placuitque eligenti Carolus Ungariæ rex sorore illius genitus, spretis cum indigenis principibus, tum Silesis alieno jam imperio additis. Exin in Russiam expeditio suscipitur, sæpè jam olim victam à Polonis, nunquam ad constantem obsequii fidem subactam. Casimiri felicitati cessit, & tum primum in Provinciam redacta, & quo inde jure cum Polonis gaudet. Paulo post tentavit Poloniam Iohannes Bohemiæ Rex, qui abstractâ Silesiâ ferocior atque avidior factus, unicum senectutis atque etiam mortis solatium habiturum se dixerat, si manu muros Cracoviæ attigisset. Sed is à Polonis fortiter repulsus aliquanto post in Galliâ interiit. Post hæc Casimirus quanquam in luxuriem solutiâ, & segni in Crucigeros indulgentiâ nonnihil inivisus, domi tamen conditis legibus, constitutis judiciis, & arcibus stru-

etis Reipublicæ multum profuit. Ab eo
jus Teutonicū in Poloniam inductum,
quod Magdeburgicum vocant. Condi-
ta item Cracovianæ urbis ea pars, quæ
hodieque Casimiria accepto à condito-
re vocabulo appellatur.

II. Dum hæc in Poloniâ geruntur,
interim in Ungariâ Carolus haud pri-
dem Casimiro successor nuncupatus, de-
cedit. Ejus igitur in locum Ludovicus
filius adoptatur. A quo Poloniæ ordi-
nes immunitatem tributorum atque o-
nerum, quæ hætenus principibus de-
pendi consueverant, paciscuntur: præ-
cipuo hoc plerumque, quod ex regna-
triciū familiarum interitu sperari po-
test, commodo: quod successores, ut
regnum accipiant, leges prius accipere
cogantur. Eodem anno lætæ multæ res
Casimiro contingere. Primum enim Rus-
siam perpacavit: pulsus, qui turbas isthic
dare cœperant, Lithuanis, Duceque eo-
rum Lubarto capto. Paulo post Maso-
via corpori Reipublicæ Polonæ accessit,
submittente se Regi ejusque posteris
Ziemomislo, iis legibus, quibus Vasa-
li, quos vocant, solent obstringi. Exciti
tum denique Regis clementiâ Germani
quamplurimi migravere in Poloniam,
quo-

quorū posteritas etiam-num subjectos
Carpatho monti colles (quos Podgorze
vulgò vocamus) colit. Atque ab istâ in
Germanos aliosque vilioris sortis ho-
mines benignitate Casimirus patris Ple-
bejorum vel rusticorum nomen accepit.
Dignum sane quod alii Principes am-
biant similiter, iis præcipue majestatis
sue præsidium commodando, quos pau-
pertas, potentiorum injuriis facit op-
portunos.

III. Post hæc felicitatis Casimirianæ
cursus improspere cum Valachis prælio
aliquantum interpellatus est. Mortuo
istorum Palatino Stephano, cum certan-
tium de principatu filiorum uni auxi-
liarentur Poloni, miro ab adversâ parte
stratagemate circumventi sunt. Incide-
rant scilicet Valachi in Sylvâ, per quam
eundum erat, ultra medium arborum
plurimas. Hinc cum, subeuntibus Po-
lonis, quæ in orâ essent positæ, à doli
structoribus impelleretur, aliæ mox post
alias ruinâ proximarū provolutæ magnâ
partem exercitus obriverunt. Reliqui
seu laucii seu attoniti inopinâ clade ca-
piebantur; paucissimi effugere. Ne sola
hæc esset calamitas, immanis mox pesti-
lencia per Poloniâ sequuta est. Accessit-
que

que etiam annonæ sævitia. Quam tamen utcumque solatus est Casimirus, apertis horreis, quæ priorum annorum ubertas quasi in futuros usus locupletissimè instruxerat. Frumentum petentibus, si ære destituerentur, opera munuendis arcibus injungebatur. Ditiorum pecuniæ thesaurum regium augebant. Cujus opibus Casimirus anno sequenti, nuptias cognatæ suæ splendidissimas instruxit. quam Boguslao Pomeraniæ duce genitam Carolus. IV. Imperator, paratio pontifice, in matrimonium accipiebat. Adfuere nuptiarum solennibus Ludovicus Ungarorum, Sigismundus Danorum, item Petrus Cypriorum Rex, cum principibus aliis non paucis. Nihil ibi ad magnificentiam vel luxum omisum. Sed regiâ opulentia diu non sine admiratione excepti hospites magis mox ad privati hominis divitias stupuerunt. Gerebat Cracoviæ Consulatum Veringus quidam, gente Germanus, caritate apud Principem præcipuus. Is cum precibus & gratiâ apud hospites regios exambisset, ut domi ipsius epulari vellent, parentes illos non curatissimis tantum dapibus excipit, sed muneribus etiam ingenti-

bus

bus prosequitur: gestiente Casimiro, cujus gloriæ militabat subditi sui opulentia, pace Domini in tantum aucta. Casimirus vero tantis jam amicitiiis firmatus, majore indies & ambitu prensabatur à vicinis, & terrore suspiciebatur ab hostibus. Nam & Belzensi dux ante infestus semper Polonorum Principibus, supplex huic fieri sustinuit, quo dignitatem, & ditionem retinere: & in Borussia venienti Crucigeri cuncta venerantium officia exhibuere. Sed illum paulo post inter fortunæ obsequia luxuriantem repentina nec ea simplex mors abstulit. Inter venandum enim dum incautiùs cervum insectatur, equo forte prolapsò, solo affligitur casu ob corporis obesitatem lethali, cum æger præsertim gulæ plus, quam medicorum præceptis daret. Antequam extingueretur, condito testamento largiter multa Ecclesiis donavit: Princeps, si libidines excipias, in quas fuit effusior, domi magnus, foris fortunâ quam virtute melior.

C A P.

LUDOVICVS VNGARVS.

AB ANNO CIOCCCLXX. AD ANN.

CIOCCCLXXXII.

Piaſti poſteris deficientibus Ludovicus Vngarus ſuccedit. non equo Polonorum affectu. Majores Poloni deficiunt. Mater regia Polonia adminiſtrationem deſerit, recipiturque. Lithvani vincuntur; & Ruſſi rebelles.

IN Caſimiro defecit tandem illa Piaſti progenies, quæ, tot ſeculis, ordine vix unquam interrupto Poloniæ clavum rexit. Inde Regnum ad Ludovicum Ungarum devenit, quem ſore genitum Caſimirus pridem ſucceſſorem ſibi deſtinaverat. Erat in Ungariâ Ludovicus, cum nuncium de morte avunculi acciperet: cunctabaturque etiam venire ad Polonos, dubius de horum erga ſe animis, nec ignarus difficultatum, quibus duplicis illa regni adminiſtratio foret obnoxia. Venit tamen tandem, ab Ungaris præcipue ſuis perſuaſus. Cum regni ſolennia accepiſſet, prima illi curarum fuit avunculo juſta perſolvere.

vere. In quibus cum penitiùs voluntates Procerum introſpexiſſet, cognovit, deſeri deſunctum ob id vehementius, quod ſine maſculâ prole obiſſet. Quod ille in diminutionem ſui accipiens, ſimul veritus, ne aliqua filiarum Caſimiri, ſtudio populari accincta occaſionem novis rebus præberet, projectas in Hungariam illas, nothas adcoque incapaces hæreditatis paternæ proclamari juſſit. Paulo poſt ipſe in Ungariam redit, relictâ penes matrem Elizabetham Poloniæ adminiſtratione. Prole & ipſe maſculâ carebat, filias habebat duas. Alteram Sigismundus Cæſaris filius duxerat, alteram ſceptro Polonico deſtinabat. Quam ad rem ut conſenſum Nobilitatis impetraret, libertates ante conſeſſas novo ſacramento ſancire atque etiam augere neceſſe habuit.

II. Compoſuiſſe ita ſibi utrumque res ſuas videbatur Ludovicus, cum Majoris Poloniæ proceres quidam, externum dedignati Regem, Vladislaum Ducem Cujavienſem ex Vladislaſi Loſtici fratre oriundum, principem ſibi conſtituunt. Is mente imbecillior & ditionibus ſuis præſeſſe impotens, his perditis Divione in Burgundiâ, vitæ Monafterium ſe de.

se dedicaverat. Inde reductus in Poloniam, cum nihil non tentasset pro dominatu, tandem nequicquam omnia experiuntibus fautoribus ejus, à Subinio aliisque Proceribus, qui pro Ludovico nitebantur, vincitur, missusque ad Regem ab illo Abbatia donatur. Quâ spretâ cum Divionem priscam otii sui sedem reverti vellet, in itinere morte præcoci intercipitur.

III. Mater interim Ludovici mortuum Polonicorum, quibus par non erat, pertasa, in Ungariam, atatem illic transigendi animo secesserat. Sed illa (ut facile redit humano animo etiam fastiditæ potentia cupido, agrèque sunt minores, qui magni esse assuevere) mutato paulò post consilio ad relictam stationem remeavit. Reversam verò ut Proceres Poloni, ita varii mox hostiles motus excepèrunt. Lithuani enim Duces quidam cum prædatore exercitu irruere, & intima Poloniae scrutati depeculatiq; magnam vim prædæ & hominum abduxerant. Inter Ungaros quoque & Polonos intestinae glisciebant offensiones, subinde etiam in apertos tumultus exardescentes. Sed hi tamen utcunque autoritate regiâ repressi

pressi sunt. In Lithuanos & qui se his contra Polonos junxerant, Belzenfes, bellum decretum est. Venitque ipse ob eam rem ex Ungariâ Ludovicus forti Ungarorum manu instructus. Quibus cum Polonicis exercitibus accessissent, fracti animo Lithuani pacem implorant. Nec Russi rebelles diu potentiam Regis sustinere. Chelma cum aliis vicinis oppidis intra octavum diem se dedit. Quam post & Belzum sequutum est.

IV. Cæterum pèragranti victoriis Russiam Ludovico arripit terræ illius genus, & feracissima frugum ubertas. Unde Ungariæ eam adicere agitans, Ungaros ei præfectos imponit, & ut omnia isthic sibi obnoxia haberet, Archiepiscopatum Haliciæ (quam olim tenuerant Ungari) instituit. Qui postea Leopolin translatus penes eam urbem hodièque manet. Non effugit tum Ludovicus suspicax Populi silentium, & voces quorundam Iberiores; quas asperavit Vladislaus Opolensium Princeps, qui creatus à Rege Russiæ gubernator, Ducis Russorum titulum sumpserat. Eidem & Poloniae administrationem detulit postea Ludovicus, cum matre in Ungariam tandem seridè reverâ, licentia passim nullis

nullis coercita legibus valesceret, & ordines Ludovicum subinde ad se vocarent. Verum missum, quem diximus, vicarium Proceres respuerunt: indictisque postea Budæ Comitibus, cura Reipublicæ tribus Senatoribus commissa est. Hierant Zavisza Cracoviensis Antistes, Dobeslaus Castellanus Cracoviensis Zavisza frater, Sendivojus Szubinius Calisfienfis Palatinus. Ipse Ludovicus, cum languidum se ætate & morbis insuper fatigari sentiret, Comitibus in Scepusio habitis, generum suum Sigismundum Marchionem Brandeburgicum sibi successorem adseiscit. Nec multo post extinguitur. Vir benigni fatis ingenii, atque in eruditos perliberalis, in primis astrologos. Inter cætera morum hoc quoque habuit, quod identidem dissimulato habitu vicos & oppida perlustrabat, inquirens in magistratuum vitam, simul & suam, quod, si quid reprehenderent judicare periti, corrigeret; si placuisset, famâ sui frueretur.

CAP.

CAP. XIII.

AB ANNO CIOCCCLXXXII. AD AN.
CIOCCCLXXXVI.

Sigismundus Marchio successione regni exclusus. Ziemovitus Majorvici electus à Regina repudiatur. Iagello Lithuanus & Vilielmus Austriacus de sponsâ certant.

Deditutum iterum rectore regnum multorum mox Principum vota ac studia in se arrexit. Proximus ei videbatur Sigismundus Marchio, vivo etiamnum Ludovico successor destinatus. Sed is negato per factum Polonis ad epulas suas aditu, & quod Demaratum majoris Poloniae prefectum nobilitati invisum impensius foveret, odia plurimorum incurrerat. Hinc ceptum à Polonis deliberari, an darent imperium, quod habere jam ille sibi videbatur. Comitibus Radomsci indictis concluditur, ut Ludovici quidem filia haberetur ratio, sed ejus maritus nulli alio regno implicitus, solis Polonis imperaturus esset. quæ sententiâ non obscure excludebatur Sigismundus.

F

gismundus Ungarico quoque sceptro
inhians. Illo deinde nescio qua ex caus-
sâ in Ungariam profecto, voluntates
procerum quorundam in Ziemovitum
Masoviae Ducem vertere, hâc lege, ut
Hedvigin alteram Ludovici filiam duce-
ret. Nec cunctatus ille ad tam optabi-
lem conditionem pro Rege se venditare
cœperat. Sed aspernata generum hunc
Elizabetha Hedwigis mater, filiam mit-
tere negabat in conjugii talis conditio-
nem: quin pro filiâ manum ingentem
mittit in Poloniam, qui conatus Zie-
moviti retunderent. Victo illo cuncta-
batur tamen etiamnum Elizabetha mit-
tere Hedvigin unicè expetitam Polonis,
varios jam illi maritos circumspicienti-
bus. Tandem hæc Sendivoi Szubinii in-
dustria facundiâque à matre exorata in
Poloniam venit, comitata Demetrio
Cardinali & Antistite Strigoniense aliis-
que Ungarorum Primoribus, & paulo
post à Bozentâ Archiepiscopo Gnesnen-
se diademate Regio evincitur. Multum
delectabantur Poloni Reginae decentis-
simis moribus, quibus species quoque cor-
poris multû gratiâ addedar. Quo inten-
tius vestigare cœperunt dignû tali puel-
læ conjugem. Et pridem illi oculos adje-
cerat

cerat Vilielmus Austriacus, simul olim
cum ipsâ & quodammodo in spem talis
conjugii, in aula Ludovici (qui puellæ
pater) educatus. Sed ille diu amiciorem
virginem, quàm Polonos expertus est. Et
denique spem ipsius, qua adhuc se su-
stentaverat, Jagello Lithuaniae Princeps
omnem intervertit. Petebat hic Hedvi-
gin in matrimonium, se & Lithvaniam
ad Christiana sacra, & hanc simul ad
Societatem Reipublicæ Polonicæ offe-
rens. Nec displicebat Polonis tali cum
fortunâ regni sui prociis. Sed expecta-
batur adhuc matris Reginae consensus.

Quem cum impetrassent, expugnabant
suasionibus Hedwigis quoque animum,
pertinacius Austriaco hærentem. Qui
amore vecors & puellaris benevolentiae
fiduciâ Cracoviam venerat. Sed arce
prohibitus, cum adversos Polonorum a-
nimos cognovisset, quibus & Hedwigis
tandem affectum suum gratificatura vi-
debatur, salutatâ in cœnobio Franciscæ-
no puellâ, voti irritus abiit. Aded scilicet
quicquid etiâ contra niterentur
humana destinata, impediri non pote-
rat divini voluntas consilii, quod in his
Hedvigis nuptiis aliud novum Lithua-
niæ cû Poloniâ conjugium moliebat.



LIBER III.

CAP. I.

VLADISLAVS IAGELLO.

AB AN. CIOCCCLXXXVI. AD ANNUM
CIOCCCCXXXIV.

Iagello Baptismum & coronam suscipit. Lithuanos ad Christianismum convertit. Ejus cum conjugē dissidium. cum Vitoldo & Skirgellone fratribus. Academia Cracoviensis instituitur. Bellum cum Crúoiferis. de iis victoria insignis. Borussiae urbium mutata subinde dominatio. Bohemicum regnum Iagello repudiat. Vitoldo ferme Polonicū cedit, & Suidrigelloni Lithuaniam facilitata hand cordatā. pacatis Crúoiferis Rex moritur.



VENIENS in Poloniam Iagello primò omnium Gentilismum ejurat, & cum novā religione novum Vladislai nomen suscipit. Inde celebratis cum Hedwige nuptia-

nuptiarum solennibus, regio diademate à Bozenta Antistite consecratur. Mox compositis rebus per Poloniam, majorem inprimis, quæ præterum quorundam culpâ tum discors agebat, in Lithuaniam proficiscitur: ibique sacerdotis magis quam Principis munere functus Lithuanos suos gentili adhuc impietate imbutos ad sacra meliora manu ducit, ipse (cum adducti è Poloniâ Episcopi linguæ rudes essent) primâ fidei rudimenta illis præiens. Sic per annum repurgata ab Ethnicâ superstitione illa regio est. Si quæ supererant emendanda Episcoporum ibi manentium industriae relinquebantur. Abiens inde fratrem Skirgellonem summæ rerum in Lithuania præficit. quæ res Vitoldum patruelem gravi emulatione accendit, quærentemque ubi odium suum tutius atque efficacius effunderet, primum in Masoviam ad cognatos; mox in Prusiam ad Crúoiferos egit. Eo intellecto rex Nicolaum Moscorovium Regni Pro-cancellarium cum manu militari in Lithuaniam mittit, componendæ, si posset, cognatorum discordiæ, sin minus, pro securitate saltem Reipublicæ excubiturum. Interim Regi ipsi domesticum

cum conjuge suâ natum dissidium est, illudque tam acre, ut in divortium penè eruperit. Ei fomitem dedere quidam pudiciæ Reginæ obtestatores, probrosam illi cum Villhelmo Austriaco, proco olim suo consuetudinem objectantes. Sed innocentiam Reginæ ipsa juramento primum, mox delator publicâ ac solenni mendacii professione vindicavit. Quod pœnæ genus apud Polonos hodieque inter probrosissima habetur.

II. His domi compositis Rex in Vitoldum vertit, Cruciferorum fiduciâ apertè jam hostilia molientem. Is Grodni obsessus clam aliquâ effugerat, & variis subinde cladibus ope Teutonicâ Lithuanos afficiebat. Donec illum Rex reconciliaret sibi, & Lithuanis denique præfectum imponeret. Motus loco Skirgello, non mitius amissâ dignitate, quam nuper Vitoldus non imperatrâ infremuit. Ejusque iidem odiis Cruciferi ad Lithuanicæ perniciem usi, hanc infestâ denud manu inuadunt. Deliberantem de sumendâ in illos vindictâ Regem multa attinuere. Imprimis Poloni ipsi haud temerè lacerandam rati gentem, magnam Germaniæ partem secum in arma tra-

cturam.

cturam. Rex quoque ipse cum Duce Opoliensium prius experiendum sibi arbitrabatur, pridem multarum in Polonos injuriarum reo. Sed cum hoc, oppidis quibusdam captis, in gratiam mox rediit. Secuta paulo post Reginæ mors domestico eoque gravissimo vulnere Regem perculit. Præclara fuit hæc virtute fœmina, dum viveret, sed moriens quoque auxit gloriam. Multa in pauperum usus legavit, plurima in Academiam, quam à Casimiro inchoatam absolvi inter ultima vota habuit. Rei dignitas & conjugis morientis desiderium moverunt regem, ne omitteret piissimam curam aut differret. Duas ergo in Musarum sedem domos Cracoviæ extruit, & Pragâ varios evocat Doctores, qui juventutem bonis artibus erudirent.

Togatis autem his curis intento non desinebant alibi ferrû ostentare Cruciferi. Quos tamen Rex insitâ lenitate adhuc etiam tulit, sæpeque ab illis ad colloquium invitatus falsâ sibi specie pacis illudi passus est. Tandem cum Samogitiam olim ereptam Lithuanis & vix demum per Vitoldum recuperatam contumacius repeterent, ac legatis Regis superbe appellatis, Dobrinensem vicinasque

nasque terras lacerarent, bellum in illos decernitur. Nequicquam ad amicam compositionem offerente se Bohemorum Rege, aut ad eam invitato Ungaro: quorum ille stolidus iudicio, & affectu palam iniquus in Polonos: hic acceptâ à Cruciferis pecuniâ Vladislai amicum se simulans, per occulta & magis fida inclinabat in corruptores.

III. Nullum in bellum hæcenus consideratius aut mole majori descenderant Poloni. Primum missis in omnes partes regis literis (quæ quod resti obligatæ circumferrentur, restium nomen etiamnum retinent) velut communi classico cuncta nobilitas convocabatur. Domi curam rerum Antistiti Gnesensi Rex committebat, belli regimen cum Zindramo Mascovicio Ensisero Cracoviensi partiebatur. Ingresso dein castra Vladislao primo omnium disciplinæ militaris instauratio curæ fuit. Merito sane, & ad maximorum Imperatorum exemplum, qui nunquam felicem bellorum speravere exitum, nisi inde fecissent initium. Scilicet quod in corpore anima, in navi clavus, id in militiâ disciplina est: vinculum quo & intra obsequi fines continetur militum ferocia, & magnæ
exerc-

exercituum moles ad subita necessitatum dexterrimè circumaguntur. Sed tunc, dum in prædatores ultor gladius stringeretur, comprehensi inter alios duo Lithuani sunt, qui sacramenti, ut vocant, ædiculam abstulerant. Illi patrio ritu crucem sibi erigere iussi & suis se manibus suspendere, parvère alacres, & quasi sævius aliquid a Principe expectarent, & mors talis beneficium esset, moras suas mutuo castigantes. Ante prælium Rex humi stratus in preces se effudit, quibus & innocentiam suam testabatur, & perversitatem hostium, pacis omnes conditiones aspernantem. Exin dato Lithuanis, qui Vitoldo parebant, dextro cornu, Polonis sinistro, canere signa cœpere. Concurritur utrinque magna vi, ambigüâ ferè per horam fortunâ, donec dextrum Polonicæ aciei cornu laborare cœpit, in quo Lithuani cum Russis Tartarisque erant. Hi primò cedentes, telis tamen subinde fatigabant insequutos, mox penitus effusi in fugam, magnam hostium partem abstrahunt à reliquo exercitu. Soli Smolenscii dextro cornu se adungebant, quod Poloni fortunâ sociorum nihil terrii strenuè tuebantur. Venerat au-

tem forte in hostium manus signum, quod Martinus Vrocimovicius Aquilifer Cracoviensis gestabat. Id ut recuperarent connisi Poloni omnem aciei fortunam convertunt. Inclinare hostes cœpere, moxque acrius instante Polonorum exercitu in fugam aguntur cœdunturque. Nec sistere labantem aciem poterant, qui Lithuanos insequuti, fessi & sine ordine redibant. Ita illo die Poloni magna & memorabili victoriâ potiti sunt. Centum & quadraginta millia à Cruciferis in aciem deducta, & ex iis quinquaginta desiderata perhibentidonei authores.

IV. Victoriâ sequuta est præcipuarum Borussiae urbium deditio. Debellatumque forte tum fuerat, nisi una arx Mariæburgensis ingenio sitûs & arte firmior victoribus se opposuisset. Cujus præses Plavenius ad Regē admissus meditatâ oratione veniam Cruciferorû nomine petit, Borussia ut Magistris suis relinqueretur, quam à Barbaris suo sanguine vindicassent, orans. Cum nihil profecisset, indignabundus redit ad suos, eosdemque ad constantiam hortatur. Atque interim Livonum quoque Magister advenerat, sociis suis, si vi nequireret, dolo

dolo opitulatur. Vitoldo per secretum colloquium Samogitiam ostendat hæreditario jure possidendam, si regias partes deseruisset. Mox permissu Regis in arcem admissus memoratâ Vitoldi defectione oblectos animat. Tum senex etiam quidam Sacerdos imparem se ferendis obsidii ærumnis causatus, arce egreditur, clam inter supellectilem triginta aureorum millia secum efferens, quibus passim novus miles conscriptus est. Accedebat rumor venire Sigismundum Cæsarem Cruciferis auxilio, & jam finibus Poloniae imminere. Movere hæc regem, ut solutâ obsidione relictoque in Borussia cum aliqua manu Andream Brochocio reditum pararet, multum reluctantibus sed frustra plerisque Procerum atque inprimis Nicolao Tramba Procancellario. Datus sic Cruciferis locus est respirandi, qui nec desuere sibi, collectisque undique viribus recuperare sua annitebantur. Nec, licet etiam post magnam illam cladem semel iterumque infelicius pugnasent, fracti sunt. Gedani denique & mox Thorunium, senesimque reliquas urbes receperunt.

Nec vanæ fuerunt Cæsaris minæ paulo ante memoratæ. Misit enim Sciborium

rium Transylvaniæ principem, qui submontanam Poloniæ oram invasit. Conventu ergo cum Cruciferis habito Rex in inducias primum, mox & in perpetuæ pacis fœdus consensit, factum cā lege, ut quisque habita antiquitus retineret, Samogithiam Vitoldus & Rex dum viverent, Dobrinum Poloniæ reges perpetuo possiderent. Paulò post etiam Sigismundus Cæsar, accurante Zavissio Nigro in utrâque aulâ gratioſo, Vladislao reconciliatus, insuper ab hoc octuaginta milia florenorum Pragensium mutuo accipit, datis in pignus Scepusii urbibus, quæ hodieque Polonis subsunt.

V. Verùm pax cum Cruciferis non diu rata mansit. Hi enim conjecto in carcerem Plavenio, quasi Polonis plusculum dedito, & regis nescio quas in se machinationes causati, expilationibus mox mercatorum, prædisque per Dobrinensem terram actis, necessitatem fecere regiarma in ipsos resumendi. Cum bellum aliquandiu tractum verus quam gestum esset, persuasit Regi Pontificis legatus, ut causam cum Cruciferis suam Concilio, quod tum Constantiæ, sectæ Hussiticæ causâ habebatur, disceptandâ submitteret. Paruit Rex, veneruntque ad

com-

componendum negotium à Pontifice legati. Sed ii iniquo in Polonos iudicio suspicionem incurrere acceptæ à Cruciferis pecuniæ. Equiora pollicebatur vocatus ad arbitrium ejusdem causæ Sigismundus Cæsar. At ne is quidem controversiam finire potuit, inducias tamen duum annorum Polonis subinde adhuc ad arma provocantibus persuasit. Sub idem tempus magnum aliquid Vladislao fortuna videbatur parare. Bohemi enim ob religionem Sigismundo Cæsari discordes, regnū nostrò oblatum ibant. Ambiguo primum responso dimissos, cum redirent, officii in Dominum suum Rex admonuit, negans insuper, cordi sibi esse offendere Cæsarem, ut hæreticis imperaret.

VI. Vix à bellis Borussicis aliquantulum requieverat Rex, cum novis illum molitionibus, primum patruelis, mox frater fatigare cœpère. Vitoldum patruelem super insitam animo ambitionem Cæsar regium illi diadema pollicitus in Regem stimulabat. Nec Cruciferi deerant impellere dubitantem, opeque promittere. Et ex Polonis quoque pauci consiliis Vitoldi primum reclamavère, mox publicâ autoritate mis-

si sunt,

si sunt, qui regnum illi deferrent. Gravissimis negotiis semper à Rege adhibitus Vitoldus, & ipse magnus omnium quæ ageret, callidusque ostentator, munificus simul in Proceres, magnam animis plerorumque reverentiam sui iniecerat. Ita data Vitoldo à Rege ætate decrepita auctoritas suam Regi destruebat, notabili Principibus documento: Neminem ut eò loci evehant, unde, qui evehitur, despicere evehantis fastigium possit. Sed Rex porro tam mitis facilisque fuit, ut sceptrum Vitoldo deferri non abnueret. Nec ulla jam mora erat nisi in Vitoldo, qui seu fato prohibitus, seu aperti facinoris invidiam metuens, non decorum modestiæ suæ fore respondit, Regem patruelem folio deturbare. Dimissis ita legatis nihilo tamen pacatiùs egit, planè ut composito ad speciem pudore, magis suppressa, quam penitus edomita in illo ambitio videretur. Nam non multo post, quasi pœnitens prioris modestiæ promptè malè sopitum desiderium, Regique in Lithuaniam blanditiis evocato persuadere conatus est, ut regni honorem sibi permitteret. Sed Rex interim stabilito sibi per data privilegia plurima regno, id quoque impetrave-

rat,

rat, ut filiorum alter patri successor destinaretur. Et tum in Lithuaniam cum Rege iverant, curantibus Polonis, Proceres quidam, & inter alios Sbigneus Olesnicius Cracoviensis Præsul, præcipuus semper consiliorum Vitoldi impugnator. Hi facilitatem Regis custodivère, nimis alioqui fraudi alienæ opportunam. Sed & brevi insequuta Vitoldi mors omnia ambitionis consilia abruptim.

VI. Defuncto Vitoldo, Lithuaniam Suidrigello frater Regis sibi vendicabat. Nec contentus hæc, Podoliam quoque sibi voluit adjungi, potiusque erat voti à fratre nimium suis dedito, tumque etiam libertatis experte negandi. Capto enim similis in Lithuania derinebatur. Moniti ea de re à comitibus Regiis Poloni, habitis Comitibus, per legatos Suidrigellonem hortantur, ut Podoliam redderet, & Lithuaniam etiam prius peteret, quam occuparet. Ferox ille ad hæc, missumque post alterum legatum, fas gentium non moratus, violat. Mox & cum bellum imminere sibi à Polonis sentiret, quo par esset tanto hosti, Cruciferorum se fœdere accingit. Ubi ad vim ventum est, fusus profligatusque aliquoties est. nec adhuc tamen remittebat

tebat spiritus, donec tandem Lithuanis quoque crudelitate factus invisus, principatu dejicitur, surrogato in ejus locum Sigismundo Vitoldi fratre; qui beneficio hoc Regi ac Reipublicæ innoxius facile in leges ab illis præscriptas consensit. Omnia pro recuperando dominatu tentabat Suidrigello, sed frustra; excubantibus pro Sigismundo Polonis, ut beneficium suum tuerentur. Cum Cruciferis dein post leves utrinque habitas velitationes induci in annos duodecim pacta sunt. Composito ita regno, correptus febre Vladislavus moritur cum XLVIII. annos regnasset. Princeps mitissimi ingenii & liberalitatis penè profusa, religionis verò studio ita ardens, ut adolescentiæ gentili impietate transacta errores tanto majori post pietate videatur expiassè.

CAP. II.

VLADISLAUS III.

AB AN. CIOCCCCXXXIV. AD AN.

CIOCCCXLV.

Vladislav patre moriente pueritia ut impar regno à multis rejecta, à potioribus ad regnum

regnum consecratur. Illius fratrem Bohemi Regem eligunt, sed frustra. Tartarorum incurso. Vlodeci constantia in dolore vulneris. Vladislavus ab Ungaris Rex creatur. cum Turcia pugna felices. & mox induciæ. quas Vladislavus rum-pens, pœnas suâ & Christianorum strage luit.

Fatis concedente Vladislav major natu filius, patri cognominis, nonum vix annum excesserat. Nec dubitavere tamen majoris Poloniæ ordines puero regnum decernere. Cæteros seu atas Vladislav, seu quod alteri his insciis Regem creaverant, æmulatio ipsa stimulat, ut contradicerent acrius. Sed hi rationibus tandem & numero victi con- quievissè videbantur, resque in eo erat, ut diadema Vladislav imponeretur, cum denuo in Comitibus ipsis coorti cœptæ Regis inaugurationi intercedere cœperunt. Orto deinde dissidio regni Marschalcus Johannes Olesnicius finem imposuit, jussis qui pro Vladislav nitebantur, ad dextram concedere, reliquis ad sinistram. Dextram elegere plerique etiam ex turbidis: cæteri sociorum discessionem desolari vel sponte cèdebant, vel

vel paucitate suâ contemnebantur. Ita Regia quidem insignia Vladislao tum delata, juramenti tamen ætatis teneritudini gratia facta est: spondentibus Sophiâ matre & procerum nonnullis, juraturum, simul ut per ætatem capessendo Imperio foret idoneus. Nam tum quidem species nomenque Principatus penes Vladislaum, vis apud Satrapas erat, qui singuli singulis Palatinatibus præfecti, provisorum nomine, publica Regni negotia tractabant. Sed hæc dignitas adultiore paulò Rege exolevit, contumacibus Polonis ad imperia eorum, quos nil superiores cæteris fors nascendi fecisset.

II. Primò omnium auspiciis Vladislai adhuc adolescentis sedata lis est, quæ inter sacerdotes & Ordinem equestrem diu agitata tum vehementius exarserat. Inde publicæ etiam securitati consultum, pacto scedere cum Cruciferis, perpetuò adhuc hætenus Poloniæ infestis.

His pacatis, bello propè alii Regem Bohemi involvère. Qui mortuo Sigismundo Rege suo in partes secesserant, aliis Casimirum Vladislai nostri fratrem, aliis Albertum Austriacum, quem generum & successorem sibi ut in Imperio,

sic

sic in Bohemico Ungaricoque Regno Sigismundus voluerat, in Regem petentibus. Persuasere è Polonis quidam Casimiro, ut oblatum regnum acceptaret; ibantque assertum illud Sendivoius Ostrorogius, & Iohannes Tencinius ille Polnaniensis, hic Sendomiriensis Palatini. Sed Albertus, Pragâ celeriter occupatâ, conatus æmuli sui prævertendo intervertit.

Sub idem tempus cum Tartaris quoque infeliciter pugnatum est. Qui Podoliam ingressi nobilitatem ad arma concitavit, & loco iniquo deprehensam magna strage ceciderunt, ducem ipso Bucacio interfecto. Inter cæsos jacuisse tum fertur Iohannes Vlodecus vulnere invalidus, vivens tamen & tam inexpugnabili ad doloris sensum constantiâ, ut barbarus faucio digitum cum annulo auferret, vivere tamen ipsum non sentiret.

III. Negaverat fratri Regis Bohemiam fortuna. Eadem in Regem ipsum tanto liberalior Ungarico eum sceptro auxit. Orbem hoc erat rectore post mortem Alberti Imperatoris, terrebatumque circumsonantibus undique Turcarum armis. Sed qui regnum illud Vladislao delatum

latum ibant, non illico ut speraverant, promptum hunc repperêre. Unius clavi tractatione didicerat jam, quam arduū foret binos regendi onus. Nec ignorabat instare Turcam Ungaris, simulque cum purpurâ sagum induendum fore. Versanti hæc secum affertur, Elizabetham Reginam posthumum ex Alberto peperisse. Hoc magis cunctabatur. Tandem post longas deliberationes legatorum precibus evictus itineri se accingit, ingressusque magno ac splendido comitatu Ungariam, Budam occupat. Interim vero alibi Ladislaum (hoc enim nomen posthumo illi inditum) ambitiosa pro filio quadrimestri mater regio insigni curaverat redimiri. Quod audiens Vladislaus gravi sermone Ungaros alloquitur, invitus se ac discordibus imperatorum negans, nec videri velle alii præripuisse Regnum, cui in universum excusari maluerit. Juber illos consulere sibi, se paratum redire ad suos. Magis etiam accendit hæc Regis moderatio studia procerum, qui vocandi ejus autores fuerant. Itaque demonstratâ innocentia suâ, cui scemineus ambitus fraudi esse non debeat, persuadent Vladislao, ut detractum de calvaria S. Stephani dia-

ni diadema (quia alterum Regina præripuerat) imponi sibi pateretur. Lætis ut ferme sit, ad nova imperia Ungaris, Rex ipse nunquam securè egit, superstitie æmulâ Elizabethâ, cum quâ magna Ungariæ pars in ipsum conspiraverat. Nec ab armis temperatum est, abutente illâ arcium quarundam præsidio ad lacessendum Regem: hoc, Hunniade ministro, & accitis è Polonia auxiliis aliquoties se non sine clade adversæ partis vindicante. Sed tandem, interponente se legato Pontificis Juliano, pax inter illos coitura videbatur, nisi subsecuta Elizabethæ mors continuandum negotium reliquisset iis, qui Ladislai amore præferentes, alendo discidio suum negotium agebant.

IV. Interim Amurates etiam Turcarum Imperator Ungarorum usum discordiis, Belogradum premere obsidione cœperat. Nec mitigatus legatione regis tributum insuper imperare Ungaris audebat. Ita decretum in Turcas bellum. Ad quod Poloni quoque manus suas obtulerunt. Primum prælium ad Moravam flumen commissum est. In quo Turcæ ab Hunniade intempestâ nocte oppressi profligatique ad triginta hominum

minum millia feruntur desiderasse. Paulo post ad Macedonia fines cum Carambejo Asia præfecto congressus Rex, ipsum Carambejum cepit, exercitumque ejus in montes compulit. Regi hæc victoria tanto gloriosior fuit, quod non citra proprium ipsi sanguinem constiterat. Distulit sine morâ per orbem Christianum victorias istas fama; & mox undique confluebant à principibus, ipsoque etiam Constantinopolitano Imperatore Johanne Palæologo & Pontifice legati, qui fortunam Vladislao gratulati ad similia eundem adhortarentur.

At sincerissimè omnium Poloni Regis sui Triumphis lætabantur, missisque legatis, qui gaudium testarentur, simul orabant, ut parceret in posterû se Remque publicam in casum dare: meminissetque tandem revivere aliquando Poloniam, malè jam pridem desiderium ipsius ferentem. Inter tot festas gratulationum voces venêre etiam ab Amurathe Oratores, specie Carambeii redimendi, revera pacem petitori. Perterruerant enim Tyrannum concurrentium ad arma passim Christianorum Principum minæ. Sed tum tamen in pacem perpetuam conveniri non potuit. Induciæ de-

cem

cem annorum pacta sunt.

V. Solutus Europæorum Principum metu Amurathes potentiam omnem suam in Carmanos, populum Asiaticum verterat. quâ occasione erecti Veneti, Imperatorque ipse Constantinopolitanus, missis nunciis ad resumendum in Turcas bellum Vladislaum hortantur. Aderat & à Pontifice legatus, qui religione datâ Amurathi fidei cunctantem solveret. Non diu tantis persuasionibus repugnavit Vladislaus, juvenili adhuc impetu calens, nec fortunæ mores edoctus, quæ adulatrix sæpius quam verè amica spe magnarum rerum illectos mortales in exitium subinde præcipitat.

Contractis igitur undique, quos habebat, vel colligere raptim poterat, exercitibus medio Septembri, Segedino movet Danubiumque traicit. Nicopolin Bulgaria metropolim ingresso Dracula Palatinus Moldavia Transalpinæ occurrit, annisusque regem à proposito demovere, cum obstinatum sentiret. IV. millia militum offert, Duce filio suo gloriæ Regis militatura. Interim Amurathen quoque instantis ab Ungaris belli fama, ex Asia revocaverat, octoginta

ginta millium exercitu, teste Iovio, instructum: ventumque erat utrinque ad Varnam oppidum, obscurum tum, hodie clade regis simul & suâ nominatissimum. Ibi Hunniades, Rege ex ulcere cruris laborante, aciem instruit: datumque dextrum cornu Transalpinis, Iuliano Pontificis legato, & Bobricio Polono equiti, viro fortissimo, & recenti tum facinore claro, quod paulo ante Petreffi oppidi hostilis muros primus ascenderat. Sinistrum ipse sibi Hunniades sumpsit, Rege cum suis medium acciei occupante. Progressi sic ad II. millia passuum Regii hostem per tres horas præstolantur. Interim morâ torpescere animi cœperant, & coortâ etiam forte tempestate signa turbine atque imbre raptabantur. Veniens tandem hostis in dextrum cornu Regii exercitus invehitur. Nec id diu restitit, equis ad aspectum odoremque Camelorum territis, & mox fugam stragemque late spargentibus. Felicius partes suas Rex & Hunniades tuebantur, repulsoque hinc hoste, cum ad sublevandos alibi suos procurrisissent, ibi quoque simili fortunâ urebantur. Iamque fusus erat omnis penè Turcarum equitatus. Ianizeri supererant, ro-
bur

bur hostilis exercitus, quibus & Amurathis ipsius præsentia animû addebat. In hos incautiùs investus Vladislaus fortunam priorum successuum omnem corripit. Quippe repente illic flos victoris exercitus velut voragine absumptus periiit. Ipse Vladislaus circumventus undique ab hostibus & mox equo suffosso delapsus, priusquam occumberet, magnam circa se stragem edidit, idem ut vitæ prodigus, ita mortis suæ vindex. Tali exitu perpetratum est prælium toto orbe decantatissimum, & tum cæsorum utrinque numero (nam Regiorum ad IX. Turcarum XXX. millia cecidisse feruntur) tum principis laudatissimi cæde luctuosum. Ad quam ut Christianus olim orbis ingemuit, ita moveri hodieque Principes debent, ut servare fidem meminere, cuicumque data fuerit, etiam infideli.

CAP. III.

CASIMIRVS TERTIVS.

Casimirus Regnum recusat. Lithuani turbidi. Prussi se dedunt. Cum Cruciferis prælium adversum. bellum cum iisdem continuatum. libertas Rithuanii in
G censendo

consensu Rege. Pax cum Cruciferis. Nuncii nobilitatis instituti, qui quasi Tribuni. Bohemorum turba ob religionem & successorem regni. Cum Matthiâ Vngaria Rege bellum. Cruciferorum conatus sopiti. bellum inter filios Casimiri de regno Vngarico.

A Pud Polonos dubia de morte Regis fama eligendi successoris consilia aliquandiu suspendit. Sed ubi Ungaros alium sibi regem creasse intellexerant, frustra se quoque Vladislauum opperiri credidère. Itaque fratri hujus Casimiro, Lithuanie tum Duci regnum deferunt. At is pertinaci fastidio atque arroganti quadam modestiâ oblatum honorem diu respuit. Dum tandem versis in Boleslauum Masouium Procerum studiis, æmulatione ad pœnitentiam motus imputari sibi passus est regnum, quod nuper spreuerat. Ac quas alias recusandi causas habuerit, in ambiguo est; à Lithuanis inprimis retentum esse opinio fuit, & satis postea odia horum ostendère, postquam sceptrum ille suscepit, in apertum producta. Invitati aliquoties ad Comititia, vel negarunt venire, metum insidiarum cautati; vel leges attu-

attulère minus honoras Polonis. Corrigi fœdera volebant olim sub Iagellone pacta; Podoliam præterea & Voliniam requirebant, tanquam membra antiqua sui principatûs. Faciebat audaces occulta in illos Regis inclinatio: quæ contra apud Polonos isti non parum invidiæ constabat: aded ut aliquandiu velut in partibus essent, Rex & Respublica. Donec tandem deposito à Rege jurejurando, quod multoties hætenus à Polonis flagitatum distulerat, placata nobilitas, quæ plura alia desideraverat, publicæ concordie remisit.

II. Conciliatis utcunque suorum animis novo se mox fœdere Casimirus succinxit, duetâ in uxorem Alberti Imperatoris filia Elizabethâ. Ac vix dum nuptiarum solennia peregerat, cum Prutenorum legati adveniunt opem orantes adversus Cruciferos, quorum pleraque urbes jugum excusserant. Nec cunctatus diu Rex in fidem recipere Populum antiquitus subiectum Poloniæ, postquam secessisset, nullis hætenus armis ad obedientiam flexum. Missus igitur Regni Cancellarius Iohannes Consecopolius cum aliis nonnullis, qui iuramentum ab iis acciperent. Quod & veniente paulo post

post in Prussiam Rege ipso iteratum. Ubi vicissim illis Rex multa ad libertatem stipulatus est. E quibus hæc præcipua: ut pars regni essent, liberos ad honores aditus haberent, suo jure Culmensi seu quocunque alio vellent, uterentur, à teloniis portoriiisque immunes, nulli præfecto nisi indigenæ parituri. Privatim etiam Gedanensibus septingentarum, quas vocant, marcarum census remissus est, addictumque iisdem pro bis mille aureis, quicquid emolumentum rediret ex moletrinis urbanis, ex vicinioribus item agris, qui quod Vistulâ interluuntur inundanturque subinde, Insulæ minoris nomen accepere. Imperatum vicissim, quotannis ut Regem advenientem omnemque comitatum Regium per quadriduum suo sumptu exhiberent, & pro arce, quam diruissent, Palatium Regi granariumque intra urbem exstruerent.

Interim autem Cruciferi Bohemiam regem, mox & Pontificem Imperatoremque permoverant, ut mitterent legatos, qui repetundarum Polonos agerent. Sed hi cum in Poloniam venissent, lentas istic ad postulatam suam reperere aures. Nec desisteat Rex missa in Prussiam

siam militum manu Mariæburgum ac Strumam oppugnare, perseverantes tum usque in obsequio Cruciferorum urbes. Atque hi quoque satagentes rerum suarum, non spernendū jam per Germaniā Bohemiamque contraxerant exercitum, & catervatim subinde Choiniciā oppido effusi, lacebabant Polonos. Movit in illos jam ferè magis Casimirus, præmissos eodem Nicolao Sarleio Inovladislavienſi Palatino. Mox & intellectâ hostium multitudine prævalidâ, ne impar omnino esset exercitus regius, copiarum quædam è Majori Polonia subito in auxilium evocatæ sunt. Rudes illæ magnam partem belli, præferoces tamen & depeculandis fociis imprimis licentiosæ. Has tales cum Rex in aciem duxisset, improspere pugnavit. Nam & castra ab hoste occupata, & ex Proceribus plurimæ cæsi captivæ. Ipse penè Rex in potestatem hostis venerat, nisi illum cura proximorum prælio subduxisset. Culpam infelicitis pugnae alii in Duces rejiciunt, qui militiae inexperti plerique nec præmississent pro more equitem rumpendæ hostium aciei, sed & locum prælio delegissent arctiorem, quam ut explicare se turmæ potuerint. Sed hæc o-

mania ex contemptu ferè hostis orta; quem ante prælium quidam flagellis aurigarum fugaturos se jactaverant. Usque adeo nec in bello cuiquam bene cedit arrogantia, & vel minimus hostis tum maxime contemnendus esse desinit, cum contemnitur.

III. Cladis illius ignominiam ut aboleret, nihil non egit Casimirus. Primum ne sumptus ad bellum deessent, constitutum in Comitibus Petricoviensibus est, ut Nobilitas universa dimidium annuorum censuum in publicum conferret. Eidem oneri nec sacer ordo exemptus, & Rex quoque ipse se ultrò subjecit. Hoc tam insolente tributo mercenarius miles conscriptus, redemptumque Mariæburgum est, pretio dato militi hostili, qui id oppidum in dilata mercedis pignus à Dominis suis obtinebant.

Exin aliquot annis continuò, & vix sumptis semel ad respirandum induciis in Prussia pugnatum est, Marte perambiguo. Eosdem subinde in iisdem ferè campis victos victoresque reperio; eadem loca amissa recuperataque. Choinicia sanè, Sueca, Meva, Marangum, Mariæburgum denique ipsum sæpe reci-

procos

procos hos belli ætus sentire. Thorunium Gedanumque, quamvis à belli calamitatibus non immunes, prodicionibus quoque insuper tentarentur, magnâ fide & constantia Regias partes tutatæ sunt.

Sed bello huc non ita assiduo præfens incubuit Casimirus, quin Poloniam subinde viferet, & constituendis ibidem rebus Comitibus haberet. Inprimis autem quæ anno CLOCCCLIX. Petricoviæ indixerat, clara ac memoranda extiterè libertate Johannis Rithvanii Sendomiriensis Præfecti, qui ministrorum regionum non coercitam licentiam, moneta adulteratam, insolentiam vestigalium, effusorem ejus in Lithuanos beneficentiam prolixâ oratione Regi publicè exprobravit. Is tamen auditis patienter est mirâ Regis modestiâ; seu hanc ipsi inferuerat natura, seu ratio temporum suaserat. Minus certè ei litare poruit Iacobus Sieninius, Dobeslao Palatino Sendomiriensi, Sbignei Cardinalis fratre genitus. Qui nuper ad Pontificem summum legatus, & ab eodem Episcopatu Cracoviensi præfectus, præter ceteros, qui alii hanc dignitatem delatam malleant, Casimirum quoque

G 4

ipsum

ipsum tam adversum habuit, ut in arcem Pinczoviensem & mox, imminente ibi obsidio, in Melstinensem receptus, cum duobus Dlugossis clientibus ægerimè vim regiam effugerit. Horum alter Iohannes, Canonicus Cracoviensis autor est historię patrię, cuius pars Venetis inscripta extat; reliquę hactenus premuntur. Is verò post Regi reconciliatus, liberisque regis moderator studiorum additus, postremò Archiepiscopatum Leopoliensem adepturus fuerat, nisi mors intervenisset.

IV. Prutheni belli diuturni malis fessis frustra diu pacem perebant, pertinacibus ad persequenda destinata non minus Polonis quàm Cruciferis. Nec legatus Pontificis qui arbitrium causę sibi depoposcerat, auditus est. Nimis inclinatus in Cruciferos videbatur & Sienini, de quo ante dictum, patrocinio odium Regis incurrerat. Tandem cum ad Ossecum, & mox ad Choiniciam fusi Cruciferi essent, magis seridò utrinque de pace cogitari cœptum est; Polonis etiam, licet aliquoties jam victoribus, fortuita reputantibus belli, nec continentanda arma ratis, cum decorè poni possent. Et interim alijs à Pontifice legatus

gatus advenerat minùs quàm alter fucrat, obnoxius partibus. Hoc annitente bellum magnis odiis, eventuo vario, tot annis gestum, Torunii in has leges compositum est: Rex Pomeraniam, Culmensensem & Michaloviensem terram, Marienburgum porrò, Stumam, Elbingam cum sex pagis, qui ad arcem Hollandiæ pertinebant, teneret: reliqua Cruciferis relinquerentur, eorumque Magister sub fide & Clientelâ Regis principis & Senatore Regni haberetur.

V. Sub id tempus cum de solvendis militi stipendijs ageretur, & Polonię minoris cives sine cæteris, qui aberant, sciscere quicquam nollent, constitutum, ut & singulis Palatinatibus legati ad comitia mitterentur, qui cum Rege de Reipublicę negotiis civium suorum nomine deliberarent. Quod tum primum fieri cœptum posterioribus temporibus ita inolevit, ut citra legatos eijusmodi (Nuncios terrestres vulgò vocant) nulla comitia legitima haberantur. Similem fere hi potestatem habent cum Tribunis plebis, illis olim Romę libertatis acerrimis custodibus: qui postea cum Roma, extitit æqualitate, unius jussu Principis aspectaret, exolevere.

VI. Sed idem, qui pacem Prussicam conciliaverat, legatus Pontificis Casimirus mox in Bohemorum Regem Georgium, tanquam Hussiticæ sectæ obnoxium & ob id Pontifici inuisum stimulabat. Habebat & inter Bohemos suos Georgius multos sibi insensos: qui tum misere ad Casimirum Oratores regnum ipsi vel alterutri ex filiis offerentes. Cunctante Casimiro, Matthias Ungarorum Rex, gener Georgii, regnum ejus ultro appetit, susceptusque est à non paucis pridem ipsi addictis. quæ res Georgium permovit, ut missis legatis Vladislaum Casimiri filium successorem sibi destinaret, promissa etiam illi in uxorem filiâ Ludmilâ. Diu à Polonis seu dubitatione, seu neglectu suspensum responsum est: seroque vix demum missi legati, qui, ut vivus Georgius filio Regio cederet regnum, postulerent. Sed hic interim cunctatione, mox & responso Polonorum offensus, vel potius necessitate ita jubente, in Matthiam factus erat propensior, quod ab isto & propior vis immineret, & beneficium accepisset, restituto in libertatem filio suo Victorino; promissum denique haberet retinendi regni, dum viveret, certo in-

terim

terim successionis mansuro Matthia.

Paulò post secuta Georgii mors agitata ab ipso tot annis necdum finitam de successore curam solis Bohemis reliquit. Qui primum quidem in partes abire, plerisque filium Casimiri Vladislaum, Matthiam aliis, non paucis Cæsarem, quibusdam denique extincti filium præferentibus. Sed evaluit illa pars quæ Vladislaum elegerat. Qui & properè accitus non sine valido comitatu in Bohemiam venit, ac jurejurando præstito simul acceptoque, regni possessionem adiit, non impediante Matthiâ qui, coortis in Ungaria seditionibus, proprio de regno periclitabatur. Nam præcipui Ungarorum pridem illi occultè infesti, & à Bohemis contemptum apertius jam spernentes, missis legatis alterum Casimiri filium patri cognominem ad regnum vocabant. Minus jam quam nuper cunctatus Rex mittit filium, sed improspere eventu. Vix enim venerat in Ungariam Casimirus, cum admoto properè à Matthia, cui impar esset, exercitu, ad subita fugæ consilia coactus est: securusque æmulum tum statim ad Poloniæ oras videbatur Matthias, nisi iratum pater Casimirus, mis-

lis

sis qui se interponerent, legatis mitigasset. Nihilominus ille postea injuriæ memor, captato tempore, subjectâ Carpathiis montibus Poloniam (submontanam vocant) depradando, vindictæ litavit. Nec hîc quidem stetit indignatio. Saganensium ducem in Polonos concitat, ut Fraustadium finitimum Silesiæ oppidum invaderet, latèque circumjecta popularetur. Denique etiam in apertum bellum erupit, misso in Vladislaum Bohemiæ Regem exercitu, qui Poloniam simul infestaret. Ivère in illum Pater & filius, ille Polonos, hic Bohemos suos defensurus, extractumque quidem longo sat tempore bellum est, majore tamen fragore quam partium damno detonuit. Tandem postquam utrinque populationibus & prælio uno Ungaro quam Polonis feliciore exsatiata odia essent, in pacem his legibus descensum: ut Matthias Regis Bohemiæ titulum usurparet; Bohemiæ autem ipsius administratio penes Vladislaum Casimiri filium, Silesiæ & Lusatia penes Matthiam, dum viveret, maneret.

VII. Eâdem pactione sopiti sunt motus, qui nuper in Prussiâ, machinator eodem Matthia, coorti erant. Concita-

verat

verat enim is occultè Cruciferorum Magistrum ad excutiendum Polonorum fœdus. Qui venire aliquoties ad regni comitia aspernatus, tandem arma etiam sumere in Casimirum ceptaverat, jungente se illi Nicolao Tungeno, qui Varmienti olim episcopatu dejectus, eundem invito sibi rege vindictatumibat. Sed hi misso à Rege exercitu coerciti: mox vim majorem experturi fuerant, nisi Matthias illos pactionibus suis comprehendi voluisset.

Sub idem tempus Muldavi à Rege, ipso imperii initio, in fidem suscepti, & ex eo tempore strenue se subinde adversum Turcarum vires tutati, jusjurandum iterant, Stephano tum illis imperante. Idem quoque tum fœdus cum Bajazete Turcarum Imperatore, operâ inprimis Nicolai Firlei, qui postea Castellanus Cracoviensis factus supremum simul exercituum regimen summâ laude gessit. Tartaros verò perpetuis incursionibus Poloniæ infestos & tum quoque recenti populatione grassatos filius Regis Ioh. Albertus magna strage ultus, egregiam sibi fortitudinis ac prudentiæ famam circumdedit. Quæ paulo post Ungaros per Matthiæ mortem Regis or-

ge orbos movit, ut cum in Regem poscerent.

V III. Sed ex eadem gente, alii fratrem Alberti Bohemorum Regem malebant. Quæ res bello inter propinquos ac fratres materiam præbuit; Malo adeo. potente in animis hominum Ambicione, ut sanctissimarum quantumvis amicitiarum, ipsaque naturæ parentis vincula nullo negotioque abrumpat. Ingressus ergo cum exercitu Ungariam Ioh. Albertus, fratrem ibidem repperit, incubantem jam Budæ, quæ Regni caput, cæterasque urbes ad se pellestantem, artibus præcipuè Beatricis Regina, quam spes novi matrimonii illi conciliaverat. Nec segnior Ioh. Albertus altera parte Sobinoviam Eperiasumque occupat: at Cassoviâ, quam eodem impetu opprimere speraverat, excluditur. Et interim Vladislai se exercitus admoverat. Antequam tamen res ad manus veniret, sæpè de pace laboratum est, velut trepidantibus adhuc nonnihil principum animis inter belli sceius & fraternæ pietatis affectum. Ioh. Albertus Patrem consulit in Lithuaniam agentem compefcendorum Severien-

riensium causâ, qui nescio quæ janitoris regii fastidia concoquere impotes, re sane exiguâ moti ad Moscum defeccerant. Patre ad cœpta urgenda hortante, animus Alberto redit; sed is viribus, deserebatur, dilapsis ad Cassoviam jam magnam partem tædio obsidii militibus. Contra Vladislao ingens erat exercitus. Nihilominus educit Albertus in aciem suos, qui fortiter in hostem invecit, sed prægravante multitudine repressi victique, satis ostendèrem vim sibi magis quam virtutem deesse. Ipse Albertus tres equos in ardore prælii amisit, gladioque, quem pugnando fregerat, carens, penè in duorum manus Bohemorum venerat, nisi eques quidam Crupsius alium periclitanti subministrasset: Quo ille deinde hostem utrumque assequutus, iræ suæ immolavit. Post prælium ferunt Vladislauum de salute magis fratris quam de victoria lætatum, incertum an simulato affectu, an, ut fieri solet in animo non degeneri, misericordia extinxerat odium, & quem timere desierat, cœpit amare. Concessit illi quidem Silesiæ oppida quadam, & si impolis moretetur, successorem sibi eundem in Regno Ungarico destina-
navit.

navit. Non multo post Casimirus, pãtis cum Mosco induciis, & Mucha agresti homine, qui ex Valachis Russique latronibus contracto decem milium exercitu, multum turbarum per Russiam dederat, represso captoq; moritur, postquam XLV. annis regnasset. Ante morrem ejus tres in aere Soles conspecti, & duobus penè mensibus Cometes arsit: velut approbante ita magnitudinem Casimiri cœlo, quod vulgarium principum mortes sine motu præterit, magnorum in facis laborat.

CAPUT IV.

IOHANNES ALBERTVS.

AB AN. CIOCCCCXIII. AD AN.

CIOIOII.

Competitores regni. Venetorum Legatio. Cum Turcis pax. Callimachi mors. In Muldauos bellum non necessarium. Eorum stratagemata. Et mox cum Turcis ac Tartaris irruptio. Turcis infelix obfragis inuistratum. Pax deinde per Poloniam. Mors præmatura Regis.

Casi-

Casimirus moriens filios quatuor reliquerat. quæ res ancipitem Polonis curam attulit, quem ex iis regno præficerent. Angebatque difficultatem Iohannes Masoviæ Dux, cujus ambitioni subditi sui arma ad regnum, & ex Polonis quidam suffragia commodabant. Evicit tamen Iohannes Albertus, fratribus cæteris sponte ei cedentibus, Reginaque matre armatum mittente suffragium, ad quod Masoviorum audacia facile resedit. Cum diadema Iohannes Alberrus suscepisset, illico advenère Venetorum simulque Turcarum legati, gratulandi specie, revera aliis de causis. Illi scilicet, ut Regem in Turcas stimulerent, hi ut idem bellum deprecarentur. Impediti enim tum Ungaricis expeditionibus tenebantur. Ac horum legatum quasi deliberabundus Rex toto anno detinuit, quo elapso deum in triennii inducias consensit. Interim Tartari, quibuscum nunquam vel justum bellum Polonis vel fida pax est, Voliniam incurrunt, quam deprædati, stragem quoque aulici comitatus, quam obviam Rex miserat, circa Vifnovecium sat magnam edidère.

Anno sequenti mortuus est Ianussius Plo-

Plocensium Dux. Inde tractum Plocensem Iohannes Albertus iure feudi, quod vocant, ad se devolutum regno adiunxit. Reliquam Masoviam frater ejus Conradus retinuit, postquam certis legibus fidem Reipub. dedisset.

Obiit quoque tum sapientiar studii clarus vir Callimachus, qui gente Tusculus, cum odium Pauli II. Pontificis incurrisset, in Poloniam fugerat. ubi benignè exceptus à Casimiro & juventutis regionum liberum præfectus fuit. Post mortem Casimiri Albertum filium sequutus & gratiâ apud hunc validus invidiam apud ceteros non effugit, umbram scilicet, seu fumum potius, ardentiores Regum amicitias velut ignes perpetuò comitantem.

II. Cæterum cupidus gloriæ Ioh. Albertus proferendique imperii, bello non necessario Poloniam implicuit. Valachiam petebat Stephano Palatino tum parentem, perpetuoque hæcenus inter Turcarum & Polonas opes insidam, quæ ut incauta opprimeretur, expeditio in Turcas obtentui sumpta est. quam alii velint seridè tum constatum in Turcas fulmen casu in Valachis deflagasse. Causamque irarum fuisse, quod

Stepha-

Stephanus transeunti Regis militi pabulum negasset. Quicquid sit, illud constat, legatos à Stephano missos seiscitatum, quem peteret rex, violatos caprosque. Mox & post legationem Sacisavia obsidione septa est. Sed eam incolæ animosè rutabantur, & Stephanus ad bellum apertum impar (habebat enim Rex LXXX. millia hominum) per insidias carpebat obsessores. Pudor tandem tædiumq; incessit hærenti ad unum oppidum tanto exercitui; turbabatque insuper annona deficiens. Religiosiores etiam omnia terrebant, quæ in egressu observasse videbantur. Consuetudine hac plerumque vulgi, quæ in pace forti vel naturæ tribuissent, rebus creperis rapiendi in omen futuri eventus. Cum ergo ipse Stephanus dubium an fraudem meditans, quæ post sequuta est, pacem peteret, facile Rex, qui tum insuper morbo attinebatur, permotus est, ut roganti inducias annueret, per quas securiùs de pace ageretur. Parabant reditum Poloni sed alio, quam quo venerant, itinere. Id ubi acceperat Stephanus, monet regem, ut usurpatam ante viam potius relegeret; occulta saluum & ardua montium prætexens, infesta

feſta latronibus, à quibus ſecuritatem tranſeuntibus non poſſit polliceri. Obtemperat Rex, nihil altius ſuſpicatus, quàm cavere Stephanum, ne militum nupero tranſitu intacta, proindeque diſtor Provinciar pars prædæ exponeretur. Sed aliud machinabatur Stephanus. Sylva erat ad Bucoviam vicum denſa fagis, aviis incerta. Hanc ingreſſus Rex copias in IV. agmina partitur. Primi incolumes trajiunt. Secundanos, penes quos impedimenta Regia, mediam ſylvam ingreſſos aſſultant ex inſidiis agreſtes Valachi, ſuccifiſque arboribus viam impediunt, ne regredi primi, vel progredi extremi poſſent. Hoſque interim tota vi equitum peditumque Stephanus invadit. Turbati ad rem improvifam Poloni per oppoſitos undique obices ad caſtra, quæ modo deferuerant, eluſtantur. Sed hic quoque urgente Stephano laborare cœperant, periſſentque, niſi ſuccurrens Auſicus Regis equitatus ſono tubarum, & armorum fulgore in ſe hoſtem vertiſſet. Reſtaurata ita pugna eſt, fugatiſque Valachi Regiis victoriam conceſſere. Cautiùs poſtea incedebant Poloni. Nihilominus denuo ſp. c. Maſovii (quos Conradus ex ſœdere in auxilium miſe-

rat

rat Regi) circumventi & internecione deſecti ſunt.

III. Deſunctus his malis quaſi rem bene egiſſet, in malum otium ac luxuriam diſcingebatur Ioh. Albertus: cum repente illum Poloniamque omnem novus ab eodem Muldavo terror perculit. Nec jam ſolus hic veniebat, ſed Turcis Tartariſque comitatus. Latè omnia ad Canciugam uſque & Viſlocum amnempopulatus, Premisliam, Jaroslaviam & plura alia oppida diripuit incenditque. Sed leve hoc. Supra C. millia omnis generis hominum abduxit, adeo ut Thracia, Scythia, atque Aſia pene tota Ruſſicis mancipiis impleteretur.

Revertente ad ſuos Moldavo, Turcæ prædâ nondum contenti, ſoli ſe denuò in Ruſſiæ agros effudère. Verum eos, torpeſcentibus ad reſiſtendum hominibus, aut fugâ dilapſis, ira Numinis inſigniter ulta eſt. Repente enim prædatoribus gelu tam intenſum, niveliſque tam largas immiſit, ut ad XL. hominum millia (ut eſt illa gens frigoris impatiens) obrigiſſe periſſeque ſerantur. Reperti, qui in exenteratis equorum ventribus calorem tuendæ vitæ quaſiverant. Multi etiam, qui inclementiam

tiam aëris effugerant, à Moldavis ipsis habitum Polonorum mentitis trucidati sunt. Ita ex LXX. millium numero vix X. evasisse; & ex his plerique dum abirent, confessi traduntur, Polonos à Deo defendi.

IV. Hæc ubi procella desævierat, sudum tandem aliquod pacis velut ad respirandum, Poloniæ illuxit. Primum cum fratribus, Vladislao Ungariæ Rege & Alexandro Lithuanie Duce, quorum ille Moldavos juvisse hætenus, alter non avocasse, cum posset, visus erat, in gratiam Rex rediit, pacto in fortunæ deinceps utriusque consortiū fœdere. Minimum vero natu fratrem Sigismundum Vladislaus Ungarus Glogoviensi & Opaviensi ditionibus donavit, cæteræque insuper Silesiæ & mox Lusatiæ præfectum imposuit. Hinc cum externis principibus inimiciæ composuit. Nam & Stephano culpam deprecanti, illatarumque injuriarum paciscenti oblivionem pax data est: & cum Bajazethe, quicquid etiam reclamaret legatus Pontificis, fœdus inivit. Postremò nec cum Tartaris Zavolgensibus societatem belli contra Mahumetkierkium Præcopiensium Ducem Rex recusavit. Sed cum

cum illis auxilium promississet, consultò moratus est, ut mutuis cædibus barbaros permitteret, amicitia fallaces, & mox, simul occasio in Poloniam ostensa fuerit, ad hostilia redituros. Post hæc in Prussiam rex contendit; Magistrum Cruciferorum (is erat Fridericus Saxoniæ Dux) juramentum præstare abnuentem suasu vel armis ad officium redacturus. Sed Torunium cum pervenisset, cœpissetque jam per legatos cum Magistro agere, repentino tactus morbo obiit, magni animi Princeps, sed ferè semper infelix: destituente in eo primum vitam fortunâ, tandem & amicionem fortunam vitâ.

CAP. V.

ALEXANDER.

AB ANNO CIOI. AD ANNUM
CIOI VI.

Diffensiones de successore. Alexander Rex creatus in Lithuaniam abiit. cum Moscho bellum & mox pax. Tartarorum irruptio. Moldavi Pocutiam invadunt, non retinent. Gluscius anthor turbari in Lithuania. Tartarorum strages.

Rerum-

Rerum publicarum Principes sibi per suffragia creantium solenne est, multos destinare, donec unus eligatur. Præcipue in Poloniâ regnat hæc libertas, grandis felicitatis ejus pars, nisi quod quandoque in discordias luxuriat. Post Ioh. Albertum, aliqua quidem ordinum de successore dissenso fuit, sed ut rationibus, non odiis aut ambitu disidentium. Tres erant filii Casimiri, inter quos anceps veluti trepidabat Electio. Primus natu Vladislaus Ungarorum jam Bohemorumque Rex placebat nonnullis, velut ornamento ac patrocini laboranti Reipublicæ futurus. Contra alii dedignabantur externi fieri regni accessio, præferebantque Sigismundum Glogovienstem & Opavienstem Ducem. Plurimi tamen Alexandro M. Lithuanix Duci magis favebant, cum ipsius causa, tum Lithuanorum, quos novo vinculo iiligare Poloniæ publicæ rei interesset. Commodum supervenire à Lithuanis, legati non regem quidem, sed fœderis antiqui renovationem offerentes. Illico sublata dubitatio est, & Alexander Rex proclamatus paulò post Cracoviæ insigne regium à Friderico fratre Præfule Gnesnensi, & simul Cardinali

acce-

accepit. Conjugi Helenæ diadema negatum est, quod Græcanicis addicta sacris Romanæ Ecclesiæ instituta pollet amplecti.

Vix aliquot mensibus Cracoviæ fuerat Alexander, cum in Lithuaniam avocatur, cui vis à Moscho imminerebat. Iamque Smolenscum oppugnare is cœperat: sed, obniscâ ad primos imperus urbe, cum insuper Alexander cum exercitu adventare diceretur, terribus, in ducias cum Rege genero (Moschi enim filia erat Regina) in sex annos pepigit. Enimverò dum hæret in Lithuania Alexander, Tartari Taurici Poloniam invadunt, tramissoque Vistulâ ad Pacinoviâ Cracoviensis provinciæ oppidum usque prædas agunt: serò nec nisi cum tempus effugerat, in illos movente Friderico Cardinali, cui Reipublicæ curam Rex, dum abesset, mandaverat. Nec multo post moritur Fridericus iste, vir aspectu ac munere venerabilis, vitâ dissolutior.

II. Stephanus dein Moldaviæ Palatinus Poloniam lacesivit, occupatâ terrâ, quæ inter Tyram amnem & Sarmaticos montes procurrens, Pocucia vulgo appellatur. Sed hanc non diu tenuit, fa-

H rigan-

tigantibus illum & Polonis, & domi morbo, quo non multo post etiam interit, vir belli artibus inter seculi sui primos. Ejus postea filius Bogdanus patri succedens Alexandri sororem in conjugem petiit; dilatusque primum, mox speratus, ut contemptum sui vindicaret, Pocuciam armis repetiit, occupavitque. Verum, ut proclivius semper est rapere aliena, quam retinere, ita ille prope expulso provincia, ægre ab ipsis Moldaviæ limitibus vim Polonorum propulsavit. Illo bello perire inter alios duo Strussii fratres, cum longius à cætero exercitu protracti in globum hostium incidissent. Alter inter pugnandum occubuit, alter caprus ac capite multatus est. His verò postero mox die magnâ Muldavorum strage atque inprimis præfecti Chocimenis, parentavere Poloni. Postea de fœdere tractari coeptum conveneratque in certas conditiones: Sed hæc, ne tum pro ratis haberentur, aliud quid intercessit.

III. Ea tempestate dederat penè in Lithuania turbarum aliquid Michaël Glinscius, ex Ducibus Russis ortus, vir manu strenuus, spectatusque hinc apud principem, sed criminator idem in Pro-

ceres,

ceres, quibus superbiam suam senserat exosam. Forte præfecturam quandam Lithuano equiti adeptam, Glinscii cognato Rex dederat, Lithuanorum proceribus imperans, ut in possessionem donatæ præfecturæ hominem mitterent. Cum differrent illi rem ad adventum regium, Glinscii facundâ calliditate accensus Rex ita exarsit, ut Brestam evocatos tollere agitaverit, cum non venissent, quosdam summis muneribus sanctos gradu honoris moverit. Non sine indignatione aut minaci silentio hæc Lithuanis tolerata, ac forsitan exuissent patientiam quidam, nisi externum repente periculum increpuisset. Nam Tattari Tauricani reportatâ noviter à Zavolgensibus victoriâ feroces, cum creberrimis incursionibus Poloniam vastassent; novissime Lithuaniam quoque ingressi sunt. Vilnæ tum Rex valetudini operam dabat. Cæteris seu metus seu privatæ dissensiones curam publicæ rei excemerant. Ita aliquandiu impune barbarus grassari potuit. Tandem extremâ necessitate ad defensionis auxilia Lithuani exsurrexere: narratque Micchovius Regem quanquam ægrum delatum in castra, ut suis ad extremum

usque adesset. Sed ubi periculum à Tartaris, simul & valetudo indies grave-
 sceret, Vilnam reductum. Interim Glin-
 scijs Regio exercitui præfectus, hostem
 incautum prædæque cupidine vagum
 adortus, partim cecidit, partim in pa-
 ludes egit, quæ plurimi absorpti. Attu-
 lit verò tum ad victoriam non parùm mo-
 menti Sendivojus Ciarncovius Palatini
 Posnaniensis filius, qui cum trecentis e-
 quitibus Vilna accurrens, cū è proximo
 colle pugnantes cum Tartaris Polonos
 vidisset, late diductâ turmâ & strepitu
 tubarum magni speciei exercitus præbi-
 tâ hostem terruit, suos erexit. His actis
 tacite se in stativa recipiunt victores,
 dum reliqui hostium, cladis suorum in-
 scii, cum præda reverterentur. Mox ut
 quique venerant, cæduntur. Perisse tum
 feruntur ad viginti millia hominum.
 Captivorum certè Christianorum in-
 gens vis liberata est. Victoriæ nuncium
 qui Regi ferebant, proximum fato re-
 pererunt. Nihilominus sublatis in cœ-
 lum vis morbi ademerat) lætitiæ re-
 status est, nec multo post expiravit, an-
 no ætatis quinto supra quadragesimum,
 imperiū vix quinto. Mors ejus tam præ-

cox & cæteroquin non spernendi Prin-
 cipis multis tempeſtiva exſtimata eſt,
 ob prodigalitatem, quā exhausturus, ſi
 proviſiſſet, Rempubicam fuiſſe vide-
 batur.

C A P. VI.

SIGISMUNDUS. I.

AB AN. CIOIOVI. AD ANN.

CIOIOXLVIII.

*Sigismundi cura rogata. Glinſci in Li-
 thuania ſeditio & bellum cum Moſchis.
 cum Valachis. Legationes ad Sigismun-
 dum. Moſchicum bellum ſecundum. Re-
 gis ad Maximilianum Cæſarem iter. Se-
 cunde nuptia cum Bonâ Zfortiâ. Bel-
 lum Pruſſicum. Comitia Torunienſia.
 Dantiſcana plebis ſeditio ob religionem.
 Alberti Brandeburgici cum Rege de
 Pruſſia tranſactio. Solimanni in Vnga-
 riâ victoria. De Muldavis Tarnovii
 victoria inſignis. Moſchicum bellum
 tertium. In Muldavis indicta expedi-
 tio publica. Seditio Nobilitatis. Status
 Muldavia mutatus, itemque Vngaria.
 Conciliū Tridentinum. Mors Sigismun-
 di. Virtutes animi & corporis robur.*

EX Casimiri filiis duo adhuc supererant, Vladislaus ac Sigismundus, quorum ille Ungariæ & Bohemiæ imperabat; hic Glogoviensium & Opaviensium, nuperque etiam Lithuanicæ Dux creatus, spes voluntatesque Polonorum pridem in se crexerat. Quod facilius Alexandro mortuo ad regnum emerfit, Vladislao, quem multi æmulum fratri minori fore metuerant, non impediendo, sed insuper etiam commendante proceribus candidatum. Rex nominatus Sigismundus, vulnerebus illicò Republicæ sanandis manum salutarem applicuit. Ac primum quia profusione Alexandri ærarium elanguerat, Regiæque facultates privatis quibusdam cesserant pignori, iis recuperandis curam intendit, juvante Regem Johanne Bonero, prudente viro & quod ad rem plurimum valebat, prædite. Inde contentiente in tribui pensionem ordine equestri pecuniæ coactæ; scriptusque inde miles extremis Poloniæ finibus pro Republicâ perpetim excubitus.

Sed dū in his est Sigismundus, Lithuania turbare cepit, excitatâ à Glinfcio, quæ ante sæpius nominavimus, seditione & armis insuper à Basilio Moschorum

Duce

Duce ingruentibus tumens. Glinfcius enim coalitâ Alexandri perpetuo favore & rebus non infeliciter gestis audaciâ, supra civilia assurgens Lithuanicæ principatum agitabat. Ambitionem verò oculare studens, Zabrezinium Lithuanicæ Marefchallum, aliosque consilia ejus curiosius speculantes prodentesque hostiliter incessiebat. Tandem cum suspectum se Regi sensisset, metu ad desperationem verlus, Moschum clam missis legatis ad partiendam secum Lithuaniam invitat. Qui jam nuper terram illam ultra lacessere cœperat, sed tendentibus contra Polonis congregi non ausus repulsusque, oblatam jam à Glinfcio conditionem lubens accepit. Glinfcius ubi in procinctu esse Moschum intellexit, palam obsequium Regis exiit, Zabrezinium verò incautum intra penates ipsius obruncat. Rex cognitis machinationibus illicò Nicolaum Firlejum Palatinum Lublinensem, summum tum belli Ducem cum exercitu in Lithuaniam præmittit, ipseque etiam sequitur, majestatem Regiam defectoribus oppositurus. Venienti Lithuani se jungunt, multique etiam ex iis, quos vel error vel prævalida necessitas in partes

H 4

hostis

hostis abduxerat. Tertiū mox ad præsentiam Regis Moschici Duces, loca, quæ impetu inopiâve defensorum occupaverant, deseruere, prælium inprimis cautissimâ prudentiâ evitantes. Vix semel in trajectu fluminis cujusdam resisterant, magnâ sua clade, futurâ tamen majori, nisi nox intercessisset. Post hac apertiore etiam consternatione exercitum per avia paludum nemorumque reducunt. Rex cedentes tota exercitûs mole sequi haud consultum ratus, Stanislaum Kiscam ad Resinam Moschorum arcem mittit. Qui late omnia populatus, sed universæ hostis potentiæ impar, partes subinde aliquas attrivit, quodam etiam die, si accitus in auxilium Firlejus tempestivè venisset, de summâ decertaturus. Sed is seriùs se per ignotas in sylvis vias expedierat. Interim tamen cum globo quodam hostium feliciter congressus Kisca, reliquum exercitum terrore fudit, cum qui primo ex conflictu effugerant, seu errore (ut est credulus pavor), seu ne paucis cessisse viderentur, numerum Polonorum in majus auxissent. Qui fortunæ lusus postea alio certamine ipsum quoque victorem sermè decepit. Sed paulò post, cum pa-

rum

rum proficeretur armis, flexis utrinquæ ad mitiora animis, primū inducias Rex petiti Moscho, mox pacè perpetuâ annuit.

II. Cæterum data sic Moscho respirandi potestas fuit, non item Polonis. Hos enim Bogdanus Valachus valido cum exercitu Russiam ingressus, ad novum bellum vocabat. quod tamen brevi procellâ desæviit. Quippe priusquam Rex veniret, primum fregerant impetum Valachi, frustra, nec impune Camieneciam Leopolinque munitissimas Russiæ urbes adorti. Sic Regem in prociectu jam stantem haud prætolati, cum late omnia ferro flammisque miscuissent, ad sua rediêre. Sequi illos jussus Nicolaus Camienecius Cracoviensis Palatinus, terram hostilem pari sævitiâ involavit diripuitque. Sed expletâ vindictâ cum reditum pararet, ad Tyram flumen subitò à Valachis, qui hætenus intra saltuum latebras occulti expectaverant occasiones, invaditur. Tumultuariâ primū pugnâ nutavit victoria, donec majore numero ordinatiusque congressus Polonorum equitatus cohortes hostiles perripuit. Cæsi ibi plurimi, capti non pauciores quos omnes Camienecius gladio percuti jussit, ma-

H 5

nibus

nibus parentans Polonorum, in quos nuper barbarus, præter belli jus pari supplicio sævierat. Rex lætus victoriæ suorum cum victis pacem iniit; unam pactus conditionem, ut sacram supellectilem de templis raptam, & quicquid captivorum prædæque memorabilioris superesset, restituerent. Mitissimum tum experti victorem, pœnas mox, quas majores meruerant, Tartaris dedere, qui iteratis aliquoties incursionibus ad incitas planè infidam gentem redegerunt.

III. Post hæc Sigisinnundus variis externorum Regum ac principum legationibus cultus est. Inprimis à Pontifice Romano Achilles Grassius Episcopus Modecensis adfuit, ut Regem ad iungenda cum Ungaro contra Turcas arma incitaret. Nec aversatus consilium Rex moram tantum postulavit. Paulò post secuta est celebris de Tartaris ad Lopusnam victoria. Constantino Ostrogio Lithuanicarum, Nicolao Camienicio Polonicarum copiarum ducibus. De viginti & quinque millibus barbarorum longè minima pars tum evasisse dicitur.

IV. Victoriæ hanc Moschicum bellum exceperit. Moschus enim etiam post pacem iniquis insensusq; Polonis, cum ingen-

ingentem tormentorum vim per Germaniam conflasset, Smolenscum tandem adortus, desertumque semel tædio moræ, mox majore vi aggressus, cum nihil proficeret, machinatore Glinscio, præfectum arci Tribunal prætio ad deditionem emeratus fuerat. Post deditionem Smolenscum Glinscius respiscens, & operâ Vladislai Ungariæ Regis Sigismundo reconciliatus, facinus ereptæ urbis in Regiæ pretium gratiæ vertit, nec hanc tantum urbem, sed complures alias traditurum se Polonis promittit. Caruit tamen successu consilium, quod secretorum internuncius Trepka nobilis juvenis in manûs hostis venit. Qui subiectus tormentis magnum & memorabile constantiæ specimen dedit. Nullis enim quantumvis exquisitissimis cruciatibus ad prodicionem secretorum subigi potuit.

Interim ingressus Lithuaniam Rex ad Borissofum pervenerat. Ibi cum delectis subsistens exercitum ad Orsam, ubi hostis, præmittit, summa rerum Ostrogio & Suircovio demandatâ. Cognito, Moschos prælio paratos, Poloni priores in hostem irruunt, mox prout incubuerat ille, urgentes cedentesque. Anima-

bat hos Ostrogii exemplum non minus militem quam Ducem se gerentis juvabatque etiam locus modice in tumultum assurgens, in quo disposita tormenta multum noxæ hostium novissimis dabant. Qui hinc consternati fugamque capeffentes, proximos unâ traxere. Primi adhuc strenuè rem agebant, donec & his cognita sociorum fortuna & assultantes improvisè ex vicino nemore Poloni occingenti fregèrunt animum. Instant palantibus Regii. Multos ad paludem delatos, cum transire niterentur, instabilis ad gradum uligo hausit. Interiisse hoc prælio triginta millia Moschorum feruntur. Capti ex illustribus duo. Sarraparum decem & septem, de plebe nobilium duo millia, totidem gregariorum. Ex Regio exercitu non plures quadringentis desiderati, plures saucii fuerunt. Cæterum (quod de Annibale olim dictum) vincere tum scivèrè Poloni, non æque uti victoria. Smolenscum urbem sine mora adoriri debuerant, capi haud dubiè facilem, cunctis recenti terrore percussis. Dum circa a-

ma se occupant victores, novo milite, novis machinis permunita est. Interim bruma subit, oportuitque aded reduci mili-

militem in hyberna. Perenti ergo iterum hosti in quinquennium pax concessa est.

V. Moschis ad hoc bellum præter cæteros stimulo adjumentoque Maximilianus Cæsar haud dubiè fuerat; pridem Jagellonicæ genti insensus ob Ungariam, quam bini ex ea familia Vladislai Austriacis præripuisse videbantur. Accesserat recens offensa in Sigismundum, ob ductam in matrimonium Barbaram, sororem Johannis Comitis Scypusii, qui Sigismundi aded affinitate ad nuptias Annæ, Vladislao Ungaro genitæ, & porro ad Ungariæ regnum adspirare credebatur. Conciliare igitur sibi Maximilianum cupiens Sigismundus, cum aliquandiu dubitasset, per legatos ne id, an præfens ipse tentaret, posterius tandem elegit: minus vigente tum inter principes insidiarum, & qui non minus hodie visendi se mutuò cupidinem plebisque eximit, vano comparationis metu. Iter ergo ingressus Posonium Ungariæ urbem venit, ubi à fratre Vladislao liberisque ejus prolixâ comitate exceptus obvium mox habuit Cæsaris legatum Cardinalem Gurcensem. Qui cum de negotiis, quorum causa Rex

venerat, agi cœptum. Interim Cæsar ipse Augusta Viennam venerat, quem sine mora Reges honorâ legatione venerantur. Ille dimissis humaniter legatis suos mox mittit, qui Reges Viennam invitarent. Sed primum in Ungariæ Austriæque confinio lectus locus est, quo Cæsar Viennâ, Reges Połonio venientes coivêre. Inde Viennam itum. ubi quatuordecim circiter diebus per feria suetaque aulis voluptates exactis, initum est æternum inter Reges fœdus, & ut arctius id esset, neptim suam Mariam Ludovico Ungariæ hæredi Cæsar locabat, ipse vicissim sibi vel nepotum suorum alteri Annam Ludovici sororem destinans. His actis inter mutua propensissimæ voluntatis testimonia atque etiam lachrymas discescêre.

VI. Reducem Regem adversa quædam excepêrunt. Nam & Barbara Regina, ob pudicitiam Estheræ vulgò dicta, obiit paulò post, & Opociam Moschorum arcem infelicitèr tentaverunt Poloni. Utrumq; tamen dolorem ducta dein Bona Zfortia, Johannis Galeatii Ducis Mediolanensis filia, & mox prosperior Polonorum ad Polociam pugna uscumque solata fuerat, cum Tartari ad Vistu-

Vistulam usque latè omnia populati, tandem & ad Socalam Regios temerè atque invito Duce Ostrogio congressos memorabili strage fuderunt. Mille ducenti tû cecidêre ex Polonis. Ex Tartaris quater mille. ut caro empta victoria dici posset, nisi barbari sanguinis copia major nobilitate alterius æquaretur.

VII. Subsequutum est Prussicum bellum mole atrox, tempore non adèd diuturnû, nec infelix exitu. Qui Cruciferis præerat, Albertus Marchio Brandenburgicus Sigismundi sorore genitus, jurare in verba Regis abnuens, hostilia meditabatur. Eum contra missus Nicolaus Firlejus Palatinus Sendomiriensis subito imperu oppida aliquot arcesque rapit, Hollandiam aliquandiu obsessam expugnat. Territus Albertus primum cum Firlejo colloquium. expetit, ab eo ad Regem Thoruniam deductus omnia Regis causâ velle testatus est. Coiissetque tum fœdus, nisi nuncius adventantiû auxilio Hafniâ quatuor milium militum & jam ad portum Regiomontanum appulsoꝝ novos Marchioni animos addidisset. Inde relapsi ad arma Poloni Brunsbergam; Cruciferiani Heilsbergam obsident. Non multò post

tò post intellecto, novum è Germania ad Albertum ire exercitum, publica expeditione indictâ, universum ordinem equestrem Rex ad arma evocat. Germani, antequam Alberto se jungerent, Mezirciam finitimum Silesiæ Marchiæque oppidum expugnant, inde, Poloniæ ingredi interiora prohibiti, in Prussiam contendunt. Schonbergius iis præerat, cui memorabili aliquo facinore clarescere cupido audacia incescit Dantiscum obsidendi. Sed urbem ad defensionem sui paratam expertus, cum insuper Firlejus occupatâ Stargardiâ & Dersaviâ appropinquaret, fugienti similis in Pomeraniam recessit. Insecutus eum Zarembo præsidii apud Dantiscum præfectus, & mox Firleji equitatus magnâ clade novissimos affectere. Ipse Firlejus cum reliquo exercitu Choiniciam interrim oppugnat expugnatque. Alibi Sencignovius assiduus populationibus terram Cruciferorum afflicto, incensis quam plurimis pagis, Passenheimum occupat. Cruciferiani autem Elbingam interim insidiis tentant, parumque abfuit, quin obtinerent. Suggesti clâ, portam jam unam perfregerant, dum clathros objectos moluntur, à civibus sa-

xa, calcem ac cineres desuper ingerentibus, amisso præfecto, & militibus non paucis repelluntur. Frustratus ita ad Elbingam, nec alibi felicius Albertus ad pacem flexit: missoque Lignicensi Duce, & mox fratre Georgio Brandenburgico, cum convenire in amicitia perpetuæ fœdus non possent partes, arma in quadriennium suspensa sunt.

VII. In iisdem, quibus induciæ constitutæ, comitiis Thoruniensibus, controversiæ Prussorum quædam auditiæ discussæque sunt. Habebant illi antiquo privilegio proprium tribunal, quo lites ab indigenis solis, præside Rege, decidebantur. Huic morem Rex violare nolens, nequicquam contra sentientibus Polonis, solus Prussico senatui interfuit. Postulantibus verò iisdem Prussis, ut munia dignitatesque ipsorum non nisi indigenis darentur, querentibusque concessam Raphaëli Lescinio præfecturam Slochoviensem, sartum quidem in posterum servare hoc ipsorum jus promissit, beneficium tamen Lescinio datum adimere non sustinuit: Majestatis credo tuendæ causâ, quam lardi Reges existimant, si fecisse, quod non debuerint, factorum mutatione cogantur ostendere.

Compositis ita Prussiae rebus Rex aliquot annis tranquille egit, nonnisi Tartarorum incurfibus identidem la-cessitus, & Ludovici Ungarorum Regis, cui Patruus erat, malis sollicitus. Hunc quippe adolescentem magnus ille Europae terror Solimannus armis jam tunc adoriri coeperat. Ac in auxilium quidem illi Johannes Tarnovius, vir belli praeclarus, cum sex millium exercitu missus est: Sed nec sic quidem impediri Tyrannus potuit, quin Belgradum arcemque Sabacensem occuparet.

IX. Vergebant ad finem induciae cum Cruciferis initae, cum plebs Danistica Martini Lutheri gliscentibus tum passim dogmatis assensu in seditionem exarsit. Magistratibus obluctari ausis surrogari ex civibus alii, occupata templa, ritus Ecclesiastici novati. Mox & scriptis literis oratus Rex, libertatem ut sacrorum, quae ut meliora amplexi essent, manentibus caetera in obsequio confirmaret. Nec refragari quidem precibus tum visus est Rex: caeterum ejus anno sequenti ingressus in urbem, sumptumque severa lege de autoribus seditionis supplicium satis docuit temporidatam priorem indulgentiam, veritumque

que Regem, ne immiti responso dimissos metuens poenae conscientia ad Cruciferos adigeret, brevi jam induciis elapsis arma resumpturos.

Verum inducias quoque istas non, quod timebatur, bellum, sed pax aeterna singulari numinis favore excepit. Quippe delectis utrinque arbitris, Carolo Imperatore & Ludovico Hungariae Bohemiaeque Rege, & mox, cum hi vel segnius, vel saltem, ut longè positi, tardius agere viderentur, sequestris Georgio Brandeburgico Marchione, & Friderico Lignicensium Duce, post sat longas disceptationes, his tandem conditionibus inter Regem & Marchionem transactum est; ut Rex quidem Orientalem Prussiam Marchioni perpetuo & hereditario jure cedat: Marchio contra vasalli obsequium Regi juret, eisdemque centum cum hastatis equitibus intra Prussiam suo, extra hanc regio stipendio militet. Ita excisa est tandem illa materies bellorum, quibus à primo fere Cruciferos in Prussiam adventu, Polonia vario eventu conflata, ac saepe immaniter concussa fuit.

Paulo post susceptum in feudi leges Marchionem alio quoque insigni au-

ctario

ctario Polonia ditata est, Quippe mortui intra breve intervallum bini fratres Masoviae Duces, Ianussius & Stanislaus Masoviam regno Polonico, à quo per quadringentos ferè annos diremptum propriis Ducibus paruerat, adjunxere.

VIII. Sub hoc tempus commissum est famosum illud Ungarorum ad Mohacum cum Solimanno praelium, cujus infelix eventus & Ludovicum Regem cum flore Ungaricae nobilitatis absumpsit, & Ungariae partem nobilissimam imperio Turcico subdidit; Ferdinando denique Austriaco, qui ob ductam Ludovici sororem sceptrum sibi Ungaricum vindicabat, origo fuit belli cum Iohanne Scepulio idem sceptrum ambiente, denique cum Solimanno ipso pro honore, uti praeferebat, Scepulii, verius pro gloria sua proferendisque finibus pugnante, ac plerumque heu! victore. Buda sane tum occupata Viennaque ipsa obsessa ac aegre de manibus Tyranni erepta fuit. Liberatae urbis laus, secundum Deum, binis praecipue principibus Palatinis tribuitur: quorum alter Philippus fortiter sustinuit; alter Fredericus, admoto extus exercitu, abstraxit terruitque obsessores. In Polonia

nia interim Rex filium Sigismundum Augustum Lithuaniae primum principatum, mox regno inauguratus, posthumam curam velut praecipiens feto, ut capefendis imperii curis mature successorem assuefaceret.

IX. Porro intentam his Poloniam praecleara de Muldavis ad Obertinum virtute imprimis Tarnovii reportata victoria exhilaravit. Fuerat Muldavo viginti duum millium exercitus, Tarnovio millium vix quatuor. Ad manus tamen cum ventum est, non alio unquam insigniori argumento patuit, ut corpora, ita exercitus, non eos semper vincere qui majores. In praelio vero ipso ut miraculo fuerat Polonorum virtus, ita in eventu ejus fortuna lussit. Tot enim omnino illinc cecidisse reperti sunt, quos hinc pugnaverant. Sed praeter caesos capti fuere quadringenti, porroque machinae quadraginta octo ademptae, Regique missae Cracoviam. In cujus urbis ade praecipua extat hodieque pagnae hujus penicillo expressa imago. Rex vero alio etiam honore colendam Tarnovii fortitudinem duxit. Etenim indicta contributione publica binos de singulis jugeris grossos pendi victori jussit.

Felix

Felix dicere Sigismundiauum dicere
possis seculum, quod tam inuisitata vir-
tutis & exempla tulit & præmia.

XI. Prælio hoc infractæ nonnihil vires,
nondum animus erat Muldavi. subinde
adhuc hostilia minabatur, donec ipse ei
Turcarum Dominus quietem impera-
vit. Cui mandato cum Ungariæ etiam
Regis Iohannis autoritas accessisset, in-
ducia cum Muldavo initæ sunt. A Tar-
taris quoque quietem Poloniæ dedere
cum ipsorum inter se dissidia, tum So-
limanni iussa, qui amicitiam Sigismun-
di mirè prensabat, bellis Ungaricis in-
tentus. Lithuaniam Moschus turbavit
denuò, sævissimâ illam hyeme ingressus
& longè lateque depopularus. Illi tu-
multuaria primum manus opponitur,
mox iusto exercitu iuncti Lithuanis Po-
loni à vastatione alienorû ad sua defen-
denda hostem avertèrunt, expugnatis
etiam in Severiensis provincia arcibus
Holmia & Starodubo, captisque ex
præsidio non paucis, atque ipso etiam,
qui Starodubum defennaverat, Oucynâ.
Gesta hæc ductu potissimum Nicolai
Radzivili Palarini Vilnensis. belli vero
summæ Tarnovius præerat. Nuncius
victoriæ multum auxit læticiam nuptia-
rum,

rum, quas tum Sigismundus filia Hæd-
wigi, Ioachimi Electoris Brandeburgici
sponsæ adornabat.

XI. Paulò post Muldavius arma in
Polonos repetiit, tanto quidem ardore,
ut contra eum Rex vires regni intimas
nobilitatemq; omnem ad bellum cien-
dam putaverit. Ea ad Leopolin coacta
penè in seditionem adversum regem &
Senatores effervuit, leges nescio quas
violatas causata, & arma induere ne-
gans, nisi illæ affirmarentur. Asperavit
commotos Senatoris cuiusdam in mi-
norum gentium nobiles, qui ob pauper-
tatem pedites venerant, arrogans cavil-
lum. Iamque videbatur in scelus erup-
tura multitudo, nisi orta cœlitus tempe-
stas turbidos & numero fidentes in di-
versæ egisset; subeunte post etiam ani-
mis formidine cœlestis iræ, ut sit apud
rudiores animos, quibus movendis pa-
candisve potentissima plerumque est su-
perstitio. Verum composito etiam tum
utcumque tumultu, dilapsus tamen Re-
ge non adeò impediens exercitus, irri-
taque reddita est expeditio. Relicta tan-
tùm ad propulsandum hostem duo mil-
lia sub imperio Andreæ Tencinii & Ni-
colai Sienavii. Qui discordes inter se &
hinc

hinc rerum suarum minus satagentes, commissâ imprudenter cum hoste longè prævalido pugnâ, sexaginta plus minus nobiles viros & octingentos insuper gregarios perdidere.

Sed brevi post intervallo mutatus est dominatus in Muldaviâ. Stephanus Patri Palatini frater, ob suspicionem affecti domini exul, quæsitus criminandi occasionebus Palatinum Solimanno exosum reddiderat. Ita quidem, ut is vim moliretur in Palatinum, hic verò imparem se sentiens, tentatis infelicitè fugæ consiliis, Sicaviæ arci se includeret. Ita in locum ejus Stephanus frater à Solimanno surrogatus, ipse obsessus captusque est à Iohanne Ungariæ Rege, qui hæc velut mercede Turcæ gratiam offensis aliquibus infuscatam redimebat.

XII. Non multo post insecuta hujus ipsius Iohannis mors novis turbis Ungariam implicuit: vindicante sibi regnum Ferdinando, sanguinis jure, ut agebat, atque insuper compacto sibi debitum; asserente contra idem viduæ Reginæ filioque ejus impuberi Solimanno, vel potius, ut eventus docuit, sibi rapiente. Postquam enim infando illo ad Budam prælio Christianos profigasset, evocato

evocato ex urbe, per speciem amoris, Reginæ filiolo, dum comites hujus benignè à Turcis fraudem molientibus excepti, hilariter epulantur; Interim milites mittit, qui gubernacula occuparent urbis, quasi defendendæ contra Austriacum, cui Regina impar esset. Paruit mox dolus, cum ingressus ipse urbem, Reginam nequicquam datæ fidei sacramentum obtestantem, abire cum puero in Transylvaniam jussit. Ex hoc tempore servit fœdissimam Turcis servitutem Buda, & reliquis Ungaricarum civitatum flos, grandi vestro, Christiani, dedecore, qui sanguinem, quem his recuperandis gloriose impendere poteratis, mutuis pudendisque inter vos armis insanè tot annis prodigitis!

XIII. Agitabat ea tempestate orbis Christianus instinctu inprimis Caroli Imperatoris Concilium, quod à loco postea Tridentinum appellatum est. Ad id invitatus à Carolo Sigismundus omnia pacandæ Reipublicæ Christianæ causâ velle respondit, legatumque etiam ad concilium mittere recepit. Ac missus est postea ad Comitum Augustæ habita Stanislaus Lascus Palatinus Sendomiriensis, qui gravi oratione jus Poloniæ Re-

gum in Prussiam ostendens, Crucifero-
rum in Albertum Poloniae vasallum co-
natus libertime perstrinxit. Respondit
huic Wolfgangus Ordinis Theutonici
Magister; constitutiq; liti dirimendæ ar-
bitri, à quibus fere contra Albertū lata
sententia est, sed executio ejus Carolo
Cæsari remissa exitum nunquā habuit.

Sigismundo verò anno sequenti fa-
talis meta venit, principi sane immor-
talitate dignissimo; quique virtutibus
suis à Paulo Iovio nobili historico poni
meruit inter tres * Heroas illos, qui nisi
simul imperassent, singuli digni fuerint,
qui toti orbi imperarent. Præter sapien-
tiam, moderationem aliasque animi do-
tes admirabilis in illo fuit corporis for-
titudo. Ferunt ætate florenti soleas fer-
reas, quales equis suppingi solent, fran-
gere, funesque cannabinos rumpere so-
litum. Vix pertinet corpus ad virorum
laudes, sed in Sigismundo memorari di-
gnum fuit, quod robore ac firmitate
suâ nobilissimæ animæ tanto diuturnius
hospitium præbuit. Vixit enim Sigis-
mundus annos octoginta duos: quo-
rum exacte dimidium in regni admini-
stratione consumpsit.

CAP.

* Hi sunt Carolus Quintus Cæsar, Fran-
ciscus I. Gall. Rex, & hic Sigismundus.

CAPUT VII.

SIGISMUNDUS
AVGVSTVS.

AB ANNO CIOIOXLVIII. AD ANNUM
CIOIOXXXVI.

*Animi multorum in Augustum iniquiores
ob matrimonii cum Radziwilliâ. Scho-
lasticorum Cracoviensium tumultus.
De legibus antiquis & novis disceptatio
in comitiis. Cum Episcopis lites, occasio-
ne Orichovii Canonici, qui calibatum
oppugnabat. Regis Gedanum iter, &
periculum Regiomonti aditum. Nuptia
secunda. Bona in Italiam abitus. post
mortem ejus lites de hereditate. In Li-
vonia bella intestina, mox externa cum
Moscho. Livonia cum Polonia conjun-
ctio. Inde belli Moschici communio. item
Suecici. Iohannis Finlandia Ducis capi-
tivitas. de Moschis victoria. Lithuania
cum Polonia conjunctio confirmata. In
Dantiscanos ira Regis & ultio. Magni
Holsatie Ducis in Livonia machinatio-
nes, & cum Moscho societas. Hujus cru-
delitas insignita, ejusdemque exempla
nonnulla. Mutatus dominatus in Mul-*

davia, quam Bogdano principi ejectione fortiter, tamen frustra resistere Poloni conantur. Duella bina cum Turcis. Herburti periculum. Augusti mors & encomium.

Sigismundus Augustus patre quidem vivo Rex nominatus, à regni tamen curis, volentibus ita Polonis, hæcenus abstinuerat. Nec, mortuo parente aliquandiu voluntates procerum multorum secundas expertus est, quàm vel pater vel ipse spe præceperat. Offendit istos Augusti post fastiditam & paulo post mortuam Elizabetham Austriacam, solutior vita. Magis etiã initum postea cum Radziwilli Stantislai Gastoldi Palatini Trocensis viduâ matrimonium. Nec intra silentium aut occultas voces steterè offensæ. Publicè in Comitibus traductum est factum Regium; aliis tolerandum jam consentibus postquam consummatum esset, aliis antiquandâ contententibus. Qui à nonnullis ut loquentes pro legum tutelâ, quæ conjugia Regia consensu Reip. circumscribunt, pronis auribus auditi aliis privatâ magis stimulatione, quàm decoris publici cura loqui

visi

visi sunt. Interregnum nempe inducere voluisse credebantur, ostendendæ ita diutius auctoritati, & ut tanto enixius liberaliusque à Rege prentarentur. Horum antichignanus Petrus Kmicha Palatinus Cracoviensis fuit, uti contra Regem tuebatur Johannes Tarnovius, princeps post Antistites Senator, cui pridem Kmicha alias ob causas insensus, tanto jam obstinatioer erat, ut diversus esset ab æmulo. His contentionibus transacta comitia citra tractationem rerum magis seriarum disfluxerè. Rex verò dimissis ad Senatum atque equitum præcipuos literis, de contumacia quorundam questus, suum erga Rempubicam affectum prolixè declaravit. Quæ res sanè profuit illi non parum ad pignerandos multorum animos; paratiore, ut sit plerumque, privatim apud singulos gratia, quam apud universos, quibus ipsa multitudo ut metum offensæ, ita spem fructumque beneficii minuit.

II. Æstum comitiorum excepit juvenutis, quæ Cracoviæ studiis operabatur, tumultus. qui visus initio multis compressu facilior, quam qui in proverbio est, pulvis scholasticus, atrocem tamen subito vastitatem Academiæ at-

13

tulit.

tulit. Lena quædam sceminam corpore merentem familiaribus Andreæ Karnkovi, qui tum fortè Cracoviæ agebat, ducens in scholasticos inciderat, atque ab iisdem habita erat contumeliosius. Illa injurias quæstæ apud Aulicos, ad quos tendebat, faciliè eos in vindictam impulit, effecitque ut facto in scholasticos inermes impetu alios miseris modis exciperent, alios trucidarent. Illi postridie arcem agminatim ingressi inconditis clamoribus Regias aures pulsant, vindictâ postulantes, & Ut mos tumultuantibus, Reis vel subdere vel jungere innoxios, ipsum arguentes Karnkoviû. Rex increpitos de nimio ardore quiescere jussit, saltem dum destinarentur iudices, ré prout gesta esset, cognituri. Illi furore vecordes nec Antistitis Cracoviensis, ad quem postea ablegati erant, sententiâ acquiescentes abire Academia minantur. Quod &, cum susque deque haberi se viderent, fecêre. Exivit mœnibus triste ac miserabile agmen, sacra illa verba, Ite in orbem universum &c. ingeminans, velut præfagia eorum, quæ post contigerunt. Pars etenim ad parentes domum, cæteri in Germaniam Prusiam ac Bohemiam dilapsi hausta istic

Luthe-

Lutheranorum dogmatum semina per Poloniam postea sparsere.

III. Sequentis anni Comititia pari ferè eventu, quo priora, finita sunt. In iis Antistes Gnesnensis Regias literas, quas ad proceres missas diximus, perstrinxit. Post actum de legibus, quarum alii antiquas, alii eas, quæ Johanne Alberto & Alexandro Regibus rogatæ essent, exerceri volebant, prout scilicet quisque has vel illas in rem suam fore viderat. Posteriores accendebat quoque invidia in Johannem Tarnovium & Maciejovium, quorum hic, contra leges sub proximis Regibus latas, Cancellarius simul & Antistes Cracoviensis: ille Castellanus Cracoviensis præfectusque juxta Sendomiriæ esse arguebatur. Regi pro his & antiquis legibus stare viso, ne causam obtineret, per Johannem Tencinium Palatinum Sendomiriensem intercessum est. Qui sellâ ob senium illatus in curiam, acri oratione leges ad usum præsentè flectendas suadebat. Movitque ætas & autoritas viri, ut ampliandum saltem Senatus judicaret.

Inde cum Episcopis actum, quorum potentiam ut iniquè pridem ordo equestris aspicebat; ita apertis sententiis

tum invadere cœpit: præbitâ per Ori-
chovium ansâ, qui Canonicus Premis-
liensis cû esset, ab Episcopo oppugnati
cælibatûs causâ, munere & ditione mo-
tus fuerat. Is igitur & affinitatibus po-
tens, & graciosus apud alios tacitè eadē
molientes, publicâ aurâ privatæ causæ
rum velificabatur. Nihil tamen in ea re
his comitiis ob discordiam procerum
concludi potuit. Ille audentior factus
matrimonii sacerdotum modò assertor,
mox exemplum fuit, ductâ in uxorem
Chelmseâ. Nec Antistites remittebant
odia, sed strictis subinde in hunc Ori-
chovium gravioribus sententiis, mox in
Olesnicios quoque, Stadnicios, Ostro-
rogios, Lassovicios aliosque hærescos
damnatos insurgabant. His Rex tertiis
comitiis Petricoviæ habitis accesserat;
sed & Regio decreto ab ordine nobi-
lium tam pertinaciter reclamatum est,
nullus ut Episcoporum exercere pote-
statem suam sustineret.

Posthæc Gedanum Rex abiit, com-
ponendis ibi rebus, quæ in tumultum
codem religionis flabello exarsuræ vi-
debantur. Et ingressò etiam urbem Re-
ge, diu plebes timebat timebaturque
& parum sæpè à seditione absuerat, nisi

Regis

Regis moderatio ac benignitas diffi-
dentium metûs sustulisset. His ita hu-
manitate mitigatis Regiomontum Rex
proficiscitur vitæque hîc propè periculû
adiit. Dum enim testandæ sub ingressum
lætitie tormenta exploderentur, errore
magistri tormentarii pila emissâ ferè te-
tigerat Regem, ut quæ fortuitâ solum
equi declinatione prætervolans ponè se-
quenti Visniovecio caput abstulit. Fre-
mentes Polonos in Albertum Brande-
burgicum, qui hospitem excepturus ad-
erat, Rex cohibuit, Foxii mathematici,
qui eo die periturum Regem prædixe-
rat, augurium, mirabili artis & falsi con-
finio, se salvo expletum hilari voce ex-
clamans. Magistrum quoque qui erra-
verat, indignationi Alberti, sollicitius
irascens, quò se magis absolveret, eri-
puit.

IV. Viduus Rex erat mortuâ non
ita pridem Radzivilliâ, postquam diade-
ma Regium, accurante marito, proce-
ribus conniventibus, suscepisset. No-
vum ergo conjugium suâsû Senatorum
ambienti Catharina Cracoviam adduci-
tur, Austriaca stirpe, olim Francisco
Mantux Duci nupta. Cum hac in Lith-
vania, quam unico adamabat, aliquot

I 5 annos

annos iuturbidos habuit, nisi si quas interdum nebulas interspergebant religionum turbæ, quas pridem gliscientes veniens à Pontifice Legatus Aloysius Lipomannus prohibendo accendit, prisco religionis ingenio, crescere ut inter obstackula amet.

Nonnihil etiam Regem turbabat mater Bona Zfortia, quæ postquam XL. annis vixisset in Polonia, tandem obrentu valetudinis curandæ in Italiam ad suos (erat enim Duce Mediolanensi genita) proficiscendi animum cepit. Non decorum sibi Rex putabat matris discesum, avecturæ insuper alienam in terram debitos filio thesauros. Illa adversum Regem sentiens tanto acrius instituit, aciente insitum pridem abundi desiderium filio cedendi verecundiâ. Mox dolum addens contumaciæ, donis suffragia procerum quorundam, quibus obnoxium principem noverat, emercent. Interposuit quoque pro matre preces Isabella Ungariæ Regina Augusti soror. Ita dimissa vix annum in patrio solo exegerat, cum extincta est, dubium an quæsitâ morte. Plurimi Laurentii Papagodæ dolum suspectabant, grassatum credentes & veneno in principem,

cum

cum reditus cupidam cerneret, & testamento fisco in Ducatum Barensem, quem Augusto debitum Philippus Hispaniæ Rex ut complementum regni Neapolitani sibi vindicavit, elusis satis superbe legatis, quos Augustus subinde repetundarum causâ mittebat.

V. Livoniam Lithuaniam Prussiæque confinem provinciam agitabant ea tempestate super Moschorum prævalida arma, domi nata inter Archiepiscopum Rigensem & Magistrum ordinis Theutonici fisdia. Quibus initium assumptus ab Archiepiscopo Brandeburgico Principe Coadjutor, ut vocant, Christophorus Dux Mechelburgicus præbuit. Eoque crevère, ut Archiepiscopum quidem adversarii in vincula datum indignè haberent. Ea res Augustum movit, ut illi, quippe consanguineo suo, auxilium ferre moliretur. Contracto mox ingente exercitu Livoniam ingressurus erat, nisi novi belli fama exciti Imperator, Rex Daniæ alique Principes misissent propere legatos, qui lite compositâ orienti materiâ incendio præciderunt. Restitutus ita dignitati suæ Archiepiscopus, eidemque successor designatus Mechelburgicus.

Acquie.

Acquieverant utcunque domesticæ turbæ, cum Moschus majore, quam unquam antehac, impetu insurgit. Intra breve tempus Narvam, Neuhausium, Derpatum, tandemque Felinum occupat, ipso insuper Magistro Livoniæ Fürstenbergio capto. Livones suæ sibi defensionis jam impares ad externa auxilia respiciunt. Non unum tamen omnium perfugium fuit: Revalienses Erico Suecorum Regi se dedunt; Archiepiscopus Rigenfis cum Magistro Livoniæ & subiecta nobilitate ad Augustum Regem se recipiunt. Qui tamen nisi se suaque omnia Poloniæ ac Lithuaniae regimini subjicientibus & fidem juratis patrociniis polliceri noluit. Cunctati equidem illi, sed urgente necessitatis telo, satius tandem judicant imputare subjectionis leges Polonis, quam à Moscho irato accipere. Dato discutendis utrinque conditionibus tempore aliquo, tandem Magister ordinis Gothofredus Kellersus, solenniter magisterio se ordinis abdicat, arcemque Rigensem, in qua hæc agebantur, atque ipsam etiam urbem Nicolao Radzivillio Palatino Vilnensi, qui Regis nomine aderat, tradit. Ipse vicissim à Radzivillio Curlandiæ & Semigalliarum Dux, postmodum vero Prorox gubernatorque Livoniæ proclamatur.

VI. Novæ ita Provinciæ accessione aucta Polonia bellis quoque novis implicata est. Nam & in Moschum magnæ Livoniæ parti incubantem, & tum Tartaro adeptis Astracano Casanoque regnis insolentiorum arma sumenda erant; nec cum Erico Sueciæ Rege, cui Revalia se dederat, diu pax culta est. Ac contra illum quidem primò ad Nevelam non infeliciter pugnatum est, Ducem inprimis virtute, inter quos Stanislaus Zamoscius & Iohannes Zborovius eminuere.

Sed paulò post circumagentem se fortunâ obsessa ab hoste Polocia ampla urbs, & tandem crebris tormentorum, quæ plurima & raræ molis adduxerat, arietationibus expugnata est: magno Regis dolore, quem auxit nuncius occupatæ à Revaliensi præfecto Parnoviæ, oppidi ob faciles appulsus commercii peropportuni. Conspiraverat quoque cum Suecis Christophorus Mechelburgicus, Archiepiscopi Rigenfis adiutor, quo mortuo locum ejus invitis etiam Polonis occupare tendebat. Sed à Duce Curlandiæ & Ernesto Vejero in arce Dolensi

Dolensi captus missusque in Poloniam quinquennii integri vinculis defectionis suæ & simul patratæ cædis (nam Vanfovicium quandam ad mensam pugione transfixerat) pœnas luit. Idem fatum in Suecia Iohannes Finlandiæ Dux subiit, quem Augusto ob ductam sororem affinitate innexum, hucque adeo inclinatio- rem animo creditum, Ericus frater Suecorum Rex carceri includit.

Tristia hæc reportata paulò post illustris in Lithuania de Moschis victoria pensavit. Duplici illos agmine in Lithuaniam effusos eadem utrosque fortuna deprehendit. Namque alteros quidē Nicolaus Radzivilius & Georgius Chodkievicius Duces exercituum aggressi ita cecidère, ut supra viginti millia ferantur occubuisse. Ducem eorum Suiscium prælio elapsum agrestis quidam obruncavit. Cæteros Stanislaus Pacius Dapifer Lithuaniam memorabili itidem strage profligavit, tormentis insuper eorum positus. Interiecto aliquo intervallo Parnovia, quam paulo ante occupatam à Suecis diximus, recuperata est, proditi- one maxime Germanorum, quorum aliquot turmas Suecus exautoraverat. Pars illorum maxima excedit urbe, tan- quam

quam ad Curlandum itura, alii nescio quæ negotia prætexentes manent. Con- venerat autem inter ipsos, ut hi illos no- ctu portis apertis in urbem admitterent. Quod & factum. Ingressi enim tanquã valedicturi domum Senatoris, penes quem claves urbis, epulisque instructis commessantes hospitem ipsum vino de- ponunt. Ita clavibus potiti nocte serâ commilitones pridie egressos intromit- tunt. Fit impetus in Suecos, Germanis qui Sueco usque merebant, si quiesce- rent, promittitur impunitas. Occupa- tâ urbe arx adhuc restabat. Sed & hanc Sueci post toleratum sequimen- sis obli- dium dedidère.

VII. Sub hæc tempora rediit in Po- loniam Adamus Konarscius aureorum aliquot millia Neapoli ab Hispaniæ Re- ge ferens Augusto. Id scenus erat pecu- niarum, quas Bona nuper mutuo dederat Hispano. Sed Regem non ita allata exhilaravit pecunia, quantum prærepta Ducatûs Baren- sis hæreditas offenderat. Sanè quovis modo ob id Austriacis æ- grè facere laborans, Catharinæ uxori re- pudium denunciare machinabatur, ob- tentui sumptâ mulieris sterilitate. Quan- quam nec ex cæteris uxoribus prolem

Augu-

Augustus unquam susceperat.

Qua orbitate credo motus seriò agitare cœpit, ut provincias Lithuaniae, per Casimirum Regesque proximos averfas, regno redderet uniretque, dudum id urgentibus Polonis. Haec tamen Proceres Lithuaniae obstiterant consilio, atque inprimis Nicolaus Radziviilius. Sed is recens obierat, vir maximis in Lithuania muneribus perfunctus, aliis forsanco nomine invisus, quod primus Vilsnæ, hominibus Calvinii nomine exosis aulam indulsit, in qua sacris suis operarentur; Bibliorumque in vernaculum translationem procuravit. Eo mortuo priscum illud Lithuaniae cum Poloniae regno fœdus renovatum sancitumque est.

Paulò post & Albertus Prussiae Dux, mortuo patre, obsequium fidemque Regi ac regno juravit. Cui vicissim Rex privilegia vetera stabilivit, addita insuper Augustanae, quam vocant, confessionis libertate, appellandique ad tribunal Regium necessitate remissâ. Diversa ab hoc Gedanensium fortuna fuit, qui magistratui suo discordes, eumque peculatus reum agentes movère regem, ut mitteret iudices causam inter partes arbitra-

arbitraturus, illos metuens magistratus ægrè nec nisi certas conditiones stipulatus in urbem admittit. Quod indignè ferens Rex, pœnæ loco, nova onera relictari jam non audentibus imponit, portorii, quo solus ante Senatus fruebatur, partem arario Regio addicens, porroque, injungens, causâ ut ipsorum, quæ hætenus Prussiae limites non egrediebantur, in foro Polonorum discerentur. Usque ad eò magno plerumque constant civitatibus discordiæ!

VIII. Livonia lacerabatur adhuc inter variorum dominorum manus. Arcem Revaliensem Sueci prodicione equitum quorundam auctore Nicolao Curselio amissam mox eodem penè mense prodicione recepêrunt. Eandem paulò post Magnus Holsatiae Dux & Ostiliae (quæ insula Livoniae opposita jacet) pridem Dominus, nuperque à Moscho Rex Livoniae renunciatus, aggreditur. Sed Revalienses nec Suadâ, qua ut Germanum principem Germani Suecis Polonisve præferrent, monebat, nec exercitu, quo à Moscho instructus urbem circumvenerat, moti, constantiâ suâ obsecutores Moschos ad fastidium cœpti obsidii egère. Qui conceptam apud Revaliam

valiam bilem in Finlandiam Suecorum provinciam evomunt. Ubi tam improbe crudeliterque multa parrarunt, ut odium sui Germanis injicerent, quantumvis sub signis ipsorum merentibus. Inter hos Rosa equitum praefectus Derpatum invadere decreverat, ut à Moschis liberaret. Vicisset misera urbs, si vinci tum potuisset. Sed re ab illo minus cautè administratâ; nec ab oppidanis quippe ignavis consilii adjutâ, nihil aliud effectum est, quam ut in miseros cives Tyranni Moschici Johannis Basilidis tanto atrocius sæviret immanitas. Nec satiare se hic tam paucis scilicet victimis potuit. Redux domum in captivos, quos quadringentos ex Livoniâ abduxerat, quicquid audere Tyrannis potest, exercuit. Parum fuit totos greges non virorum tantum sed & puellarum puerorumque simul necare. Ingenium advocari oportuit ad excogitanda suppliciorum genera, quæ aliquid morte gravius haberent. Plenum furcis crucibusque forum fuit, passim etiam aëna aquis bullientibus, in quas vivi homines conjiciebantur, fumabant. Sed inprimis memorabilis est, quam in puellis quibusdam germanis liberalissimæ formæ

formæ exseruit, impietas: Redimere has aliqui numerato argento nitebantur. Ipsæq; pro incolumitate sua omnia tentabant: cum obstinatum viderent Tyrannum, libertate velut ultimum usuræ, immanitatē ei acerbè exprobrant, vindictam etiam cœli imprecantes. Ille virulentior factus, primum alios captivos coram ipsis aquis suffocari, vel dissecari gladiis jubet. Ipsas dein alligatas asseribus carnifices miserrimè excipiunt, ungues etiam manibus effodientes. Extractis ita, quò diutius morti velut suæ superessent, supplicii cruciatibus, cum atrocissimis questibus cœlum implerent, tandem exsecris linguis suffiguntur verubus, flammisque suppositis in cineres rediguntur. Non referam hîc, qua crudelitate Cancellariû suum mutilandum discerpendumque curaverit, non alia, quibus ante me totos libros implevêre autores. Mihi compendium scribenti satis est unum exposuisse facinus, ad monstrandam immanitatem hominis, qui Christianum nomen præferens, Phalaridas omnes antecivit.

VII. Eodem tempore apud Valachos simili ferme impotentia dominatum Juonia exercebat. Qui Stephani Vala-

Valachorum Principis è concubina filius, nuper in aula Johannis Firleii aulæ Regiæ præfecti (Mareschalcum vulgo vocant) famulatus fuerat. Post ad Turcarum Imperatorem delatus, Valachis Bogdanum principem ob Polonorum inprimis familiaritatem spernentibus, dignus imperio visus est succedere. Nec minuit illi amorem crudelitas apud subditos, gentem & ipsam immanem & sic quasi suos mores in alio non averſantem. Certè etiam post plurima sævitæ exempla Luoniam omni ope defendêrunt adversus Bogdanum nullâ ipsis cognitum injuriâ. Cæterum hunc conantem amissam dignitatem repetere adjutum proceres quidam Poloni ivêre. Inter quos eminebant Nicolaus Mielecius, Sienavius, Herburtus, Johannes Jordanus, Stanislaus Lanſkoronius. Sed hi terrâ hostilem ingressi, potentiâ hostis Turcarû viribiles succincti majorè sensêre, quam ut subigi posset manu privata. Velitationibus tamen nec non duellis quibusdam satis palam fecêrunt, invictos Turcis Polonos esse, cum pares paribus congregiuntur. Primam aleam Stanislaus Viſtempus subiit, parvus corpore, magnus animo, utroque

ita

ita firmatus, ut proſilientem provocantemq; Turcam uno venabuli ictu transverberaret. Paucis post diebus alius è Turcis evolat, ad certamen ciens Stanislaum Ciolcum armis habituque fulgidum, adedòque præ cæteris oculos hostis ferientem. Qui promptus animo, & clarescere properus, illico à Palatino Podoliae Mielecio copiam petit congregiendi. Hoc pertinaciter abnuente, alicui saltem ex suis id ut permittatur, orat. Id cum impetrasset, deposcit sibi certamen Paulus Chanzovius, præsentemque Turcam hasta adoritur, irritò tamen, quem alte paraverat, ictu. Post districto ense fronti adversarii vulnus figit, extrahentemque hærens ferrum brachiis implicat. Elapsus tamen nescio quomodo Turca, vulnere, quod lethale acceperat, movet socios, ut ad vindictam proruerent. Jamque interim ad Polonum etiam duo alii accurrerant. Quibus mox magno hostium numero circumfusus Herburtus & Volſcius subveniunt; secutique eos alii insuper justi pene prælii specimen dedêre. Nam & hostis omni vi contra ibat. Sed ardore impetuque instantium Polonorum, ad ipsa usque stativa Valachica compulsus est.

Nec

Nec vero postea quoque desuit rever-
rentes Chocimum Polonos lacerare,
magno quâvis subinde detrimento suo.
Fuit cum à Iohannis Iordani hastatis,
velitibusque Herburti ita acceptus est,
ut pileis cæterisque impedimentorum
objectis, præpedire celeritatem inse-
quentium Polonorum conaretur. Sed
hi firmato adversus prædam animo ita
strenue fugientibus institerunt, ut lon-
gius etiam, quàm par forent, provecti,
cum in alios sexcentos Turcas incidis-
sent, magna virtute iterum pugnave-
rint. Herburtus tum præsens vitæ peri-
culum incurrit. Procul enim à suis inter
Turcas ignaros vagans, cum hostem se,
infecto uni ex illis vulnere prodidisset,
à duobus Turcis ex utroque latere in-
vaditur: Unius sarissa prope equo illum
ejecerat, nisi altera parte irruens simili
telo hostis defluentem restituisset. Ita
miro fati velut ludibrio, stimulati impetu
equi ad suos pervasit.

Reversis per tot discrimina Polonis
gratias quidem Bogdanus habuit; sorti
tamen suæ, cui erigendæ tanta virtus non
suffecisset, dissiluis, in Moscoviam con-
tendit, ubi & exilii molestias maturâ
morte finivit. Poloniam verò tum pestis
popu-

populabatur, quâ & effectum est, ut nec
comitia Varsoviæ indicta haberi potue-
rint, & Rex ipse ab infecta urbe ire Kni-
schinum coactus sit. Ubi affecta eum
mors, non illo quidem contagioso, sed
lento pridemque concepto morbo con-
fecit. Principem sanè moderatum, ju-
stitiæ bonarumque artium, in primis se-
cretiorum amantissimum, nec bellis de-
generem, quæ tamen plura autoritate
amovit, quam manu patavit.

Hic

PEPLUM SARMATICUM,
In quo Reges Poloniae ordine describun-
tur, ex Epithalamio, quod Georgius
Sabinus nuptiis olim Sigismundi
Augusti Regis Poloniae cecinit,
desumptum.

Primus falcato spectandus acinace Lechus
Texitur, argento fulgenti auroque, coruscus.
Lechus Marte satius: quo non pugnacior alter
Regna Lycaonio tenuit subiecta Boota.
Ille vagam silvis educit in oppida turbam,
Claraque Sarmatia tribuens cognomina genti
Lechinos, quorum gestabat sceptrum, vocavit.
Torva viro facies, apicatum, more Getarum,
Tegmen habet capiti, cristaque rubente decorum;
Barbaque supremo labro riget hispida: pendet
Ex humero clypeus, qualem Telamonius Ajax
Gessit, Amazonia manus est armata securi.
Inde Palatini bis sex in sedibus altis
Angusta gravitate sedent, populique gubernant.
Additur his prisca Romanus origine Gracchus
Divitiis ac Marte potens: qui rege sub Anco
Pulsus in exilium, trabeati celsi Quirini
Mania deseruit, gelidamque profectus ad Arcton.
Condidit auspiciis illic felicibus urbem,
Que vetus a Graccho duxit Cracovia nomen.
Surgit ad hanc urbem terrenam mole sepulcrum
Vastum, immane, ingens, quo conditus ipse
quiescit.

Pingitur in tela savissimus alter ab illo

K

Sceptrum

PEPLUM

Sceptra gerens Lechus, qui solus ut arbiter
esset

Sarmatia, solus rerumque teneret habenas,
In densis sylvis, ubi plurima lustra ferarum,
Heu fratrem regni consortem cade peremit!
Vulgatoque fidem patrias rumore per urbes
Fecit, ab immani dirivulsum dentibus urso
Occubuisse. Subit scelerato Venda Tyranno:
Qua cum mille procis, quod erat formosa, pla-
ceret,

Innuba virgo tamen, casti sine labe pudoris
Manfit, & atatis ver intemerata peregit.
At non femineis calathus, non dedita molli
Illa fuit lana: duris assucta sed armis,
Figere terribilem longis palearibus ursum
Frendentemque suis excire cubilibus urfam.
Marta si quando fremuerunt classica belli,
Laudibus insignes equavit, & Heroinas,
Quippe Borythenidem, debellavitque Gelonū,
Binaq; magnanimo cum Teutone praelia fecit.
Corniger ardebat victricis amore puella
Vistula, cumque suo vidisset in amne lavantē,
Mollibus excipiens amplexibus abstulit illam,
In vitreas sedes, thalamiq; in honore locavit.
Inde figurantur multi sine nomine reges,
Quorum fama jacet tenebris ac nocte sepulta:
Hosque sub ignotos depingitur inclytus Heros.
Qui fuit Ansonia Stilico gratissimus urbi.
Belligero cataphrattus equo fugientibus instat

Hosti-

S ARMATICUM.

Hostibus ac fulgens auratis emicat armis
Qualis ab Occidua surgens nitet Hesperus
unda.

Et nunc victor agit Rusini castra secutos,
Hunnosque, Mysosque, Sagittiferosq; Tomitas.
Prelia miscentes, & acuta falce Gelonos:
Nunc premit Asorum caso Gildone cohortes,
Ingeniemque facit conversa per agmina stragē.
Haud secus ac paleus ubi separat area fruges,
Triturante leves bove conculcantur arista:
Sic, quacunque ruit, prosternens conterit hostes.
Circumsusa jacent pallenti corpora letho
Tradita: purpureusq; cruor diffunditur arvis.
Casar ob insignes Theodosius ergo Triumphos
Deligit hunc generum sibi, connubioq; Serena
Ornat & Aeneadis praefert socer omnibus unū.
Additur armipotens juvenis, qui dictus ab aëte
Nomen Lesco gerit; Stiliconi sanguine junctus;
Caesareum sed ferre jugum fastumque superba
Italia nequit, imperioque subesse recusat,
Aspera Martigenis hic bella Quiritibus infert
Pannoniūq; armis jurat auxiliariis Hunnū,
Tunc ubi Carnorū ferus occupat Attila sedes,
Teq; dat excidio captam, pulcherrima quondā
Urbs, Antenoreo felix Aquileja Timavo
Primus claustra manu referat portasq; refrin-
Injicit infandum victorq; penatibus ignē, git,
Tristia collucunt diffusis mania flammis
Concussasque domos, impendentesque ruinas

K 2

Nym-

PEPLUM

Nympharum textura refert, subjungitur acer
 Genetricis, & armorum fulgore coruscus
 Pingitur hastatos cuneos, clypeataque secum
 Ducere bellator sub fortibus agmina signis:
 Hesperias aquare solo, quia spectat ab aliis
 Candida subiectas Pyrene rupibus, urbes:
 Herculeumq; citis transmittere classibus aquor.
 Subdere & antiquas Tyria Carthaginis arces.
 Inde profectus iter maris, emensusq; profundū
 Capta Quirinalis Roma dare mania praeda.
 Hic alacri vultus Lelconis imago secundi
 Omnibus arridens precioso intexitur ostro.
 Editus obscurā juvenis qui stirpe parentum
 Ardua conscendit magni fastigia regni.
 Scilicet orba suo sedes ubi rege vacabat,
 Et decretus erat de regno cursus equorum,
 Hic meruit celeri victor suffragia cursu.
 Tertiū extincto succedit Lelco parenti,
 Bellaq; Teutonibus facientes adjuvat Hunnos.
 Post hunc villosū deducitur horridus Vrsi
 Tergore, Popelius, quem turpis inertia Regem
 Occupat immodico Baccho, somnoq; vacante.
 Ipse sedens inter cyathos, mollesq; puellas,
 Aeribus armorum praefert convivii curis.
 Nominis ejusdem conjungitur ebrius illi
 Filius, ignavique similimus omnia patris:
 Hunc scelerum poenas crudeli morte luentem
 Infesti perimunt arroso corpore mures.
 Tum gestanda seni traduntur sceptrā Pyasto:

Qui

SARMATICUM.

Qui cum justitia vindex, & cultor honesti
 Effet, ab incurvo (nam rura colebat) aratro.
 Pauper ad hos regni tantos ascendit honores.
 Indutus crudo stat adhuc perone, geritque
 Agricola solito speciosum more galerum,
 Inde Pyasides trahit agmina Semovitus.
 Aclidibusque sparisque & acuis densa sagittis,
 Vandaliq; domat populos, urbesque potentes,
 Balthicus Arctoo quas alluit aequore Nereus.
 Ocia quartus agit Lelco, bellumque perosus.
 Sistit & Auguste sancit data fœdera pacis.
 Nec minus extinctis amplecteris otia bellis
 Semomisle: tuo tenebrasque recedere nato,
 Excussaque dari visum caligine gaudes:
 Editus ex utero qui cacus amabile Solis
 Lumen, & aethereos nunquā conspexerat ignes.
 Consulis & vates, puero quid reddita caco
 Lumina portendant: responsaque lætus ab illis
 Accipis: insigni natum pietate futurum.
 Filius ut Mæleo sceptrum suscepit avitum,
 De se vera probat dixisse, nec irrita vates:
 Primus enim Christiū profitetur, primus adorat
 Et veterum cultus abolet, ritusque sacrorum.
 Nam tum Sarmatia reges idola colentes,
 Impia barbarico faciebant orgia ritu.
 Caesaris ante pedes procumbit natus, Othonis,
 Boleslaus, & imposito diademate regem
 Imperii se se gaudet sociumque vocari:
 Subjicit infracto domitos hinc Marte Bohemos,

K 3

Inclu-

PEPLUM

Inclusumq; jugis Moravus gentesque rebelles,
Quas umbrosa vident gelidi pineta Silesi.
Te quoque crudeli vastat Pomerania bello:
Subdita quaeque jaces argenti, Prussia, caelo.
Alter at ignavo similis, similisque puella
Mefco figuratur: mollissima purpura corpus
Velat, Erythraeis ornantur pectora gemmis:
Punicei includunt & lavia crura cothurni.
Cujus molliciem vitamque perosus inertem
Vandalus, arma capit: capit arma Bohemus
& acer

Qui colit Aus triaca Moravus confinia terra,
Excitantq; jugum noluntque subesse Polonis.
Heu pudet ignavi quantum de Sarmata regis
Sub quo triste potens fecit Respublica damnū!
Pellitur infelix patrius Casimirus ab oris,
Indueroque facit monachorum vota cucullo.
Mox de cenobio, revocatur & arma capeffit,
Persequiturq; trucē violento Marte Tyrannū.
A quo pulsus erat, regnoque exutus avito.
Signa feris insert Hunnis, pradamq; secundus
Boleslaus agit, domito bis victor ab Istro.
Inq; fugā turmas Moravorū vertit equestres:
Ingentique Scythas & Alanos cade trucidat.
Laudibus armorum nullis Heroibis effert
Inferior: si non diro correptus amore
(Heu scelus execrandū, heu detestabile crimē)
Incaluisset Equae, Tyrio quam murice cultam,
Legiferi taurum Minos, ut uxor amavit.

Acte

SARMATICUM.

Ac te Dive nisi pia Stanislæ monentem
Sacras obrunxisset acinace crudus ad aras.
Ergo terrificis oculis vultuque minaci
Sacrilegū pingunt Nympha, simulantq; tyrannū
Cade suas scelerare manus, in frustaque sectos
Projicere alitibus canibusque rapacibus artus.
Nulla sed impietas manet impunita tyrannus
Ecce solum tristi vexatus Erinnye vertit
Exul, & à canibus flavum laceratur ad Istrū.
Huic animo mitis saevaue tyrannidis experts
Ladislae subis: pugnacem strenuus acri
Marte Quadi, sed iusta coactus ad arma fatigas
Cassubium durus & cladibus afficis hostem.
Rebus in adversis vicino tertius Hunno
Boleslaus opem signis vittricibus adfert,
Cogit & Augustas illinc dare terga volucres.
Navigat inde legens Arctoum classe profundū,
Devictisq; edit navalia praelia Cimbris,
Candida pudentes concurrunt vela carina;
Duraque missilibus sunt certamina telis:
Armamenta natant, collisq; rostra per undas
Trāstrāq; puniceoq; rubescunt sanguine fluctus.
Lata Polonorum classē fortuna tuciet,
Præpetibusque volat circum victoria pennis.
Alter agit turmas hinc Ladislaus equestres,
Funestūq; movens proprio cum sanguine bellū,
Sava sis inferi germanis arma tyrannus:
A quibus ipse tamen (sic arbiter impia regum
Punit facta Deus) patrii expellitur oris.

K 4

At tie

PEPLUM

At tu, quarte, gerens cristatâ casside pennas
Boleslae, manus cum Casare signaq; conseris:
Casare, cui nomē dedit Ænea barba: nec horres
Illius invictas vires animumque ferocem.
Tertius injustis dum veltigalibus urbes
Melco suas onerat, folio dejectus ab alto
Lugēt, & amissos regni suspirat honores.
Suscipit ejecto Casimirus fratre secundus,
Commisissaque sibi regit inculpatas habēnas,
Abrogat injustas leges, rescindit iniqua
Que fecero truces olim decreta tyranni:
Liberat & censu populum laxatque tributis.
Quintus Lesco facit diverso praelia casu:
Nunc Patrum vincit, Patrum nunc vincitur
armis.

At dum nudus agit, corpusq; repentibus undis
Abluit, infelix rigidâ transfigitur hastâ;
Lucis & usuram crudeli vulnere reddit.
Traditur imperium post tristia Boleslao
Fata patris: magnas hoc rege Polonia clades
Accipit à truibus Scythia prædonibus, illis,
Furva quibus dirum fecerunt Tartara nomē.
Namque velut septem stagnantis ad ostia Nili,
Densis locustarum nubes se concitat alis,
Cultaque devastat plorantibus arva colonis:
Sic vagus à Tanai, Scythiaq; paludibus hostis
Irruit, effuso populatur & agmine latos
Sarmaticos campos: captivæque corpora ducit,
Corpora nodosis lorīs & vincula catenis.

Hinc

SARMATICUM.

Hinc tuus affectat regnum Masovia Princeps,
Obsidet ac veteris Conradus mania Gracchi:
Teutones at Sexti Lesconis jura tuentes,
Obsessis pellunt infestum manibus hostem:
Amplaque spectata virtutis premia grato
A Lescone ferunt; is nam decernit ut ipsam
Gracchi, nemo regat, soli nisi Teutones, urbem.
Conserit Henricus pugna, victorq; triumphat
Hoste; sed incauto dirum bibit ore venenum,
Quo miser ante diem perit, efforturq; feretro.
Inde Bohemorum fortissimum arma lacessit,
Infestatque ducem Rex Primislaus Orhonem.
Marchia progeniuit quæ flumine mater Havelo:
At dum lata parant motis convivria signis,
Securus poto cum milite Sarmaticus Rex,
Improvvisus adest per opacas Marchio silvas,
Castraque nocte subit multo sopita Lyao,
Stertentemq; capit regem, captumq; trucidat.
Venceslaus adit regnum, sceptroque potitus,
Manalio certos compefcit Pannoxas artus:
Et gerit Alberto durum cum Casare bellum.
Æqua sed indomitis populis dat jura duobus,
Quos & Sarmatia gelido sub sidere tellus
Hercynioque tenet præcincta Bohemia saltu.
Tertius argenti rex Ladislaus ab Arcto
Educat Litavos, & Alanos: agmine quorum
Humida Marchiaca devastat jugera terra:
Mox & victor obit spoliis, & cade peracta,
Filius Augusta Casimirus pacis amator.

K 5

Suscipit

PEPLUM

Suscipit extincto regalem patre coronam-
Et cum Marchiacis populis in fœdera transit,
Regnaque facta diu latronibus in via purgat,
Et reprimat cades, & legibus arma coerct,
Certaque constituit dubiis fora litibus, aquus
Prætor ubi dicat Germanica jura Polonis.
Quin & turrigeris Gracchi sub manibus amplâ
Ponit, & ipse suo de nomine nuncupat urbem.
Quatuor externos & eodem tempore reges,
Magnificis epulis, lautissimus excipit hospes
Pannonia, Regemq; Cypri, Regemq; Quiritum-
Inq; procelloso dominantem marmore Danum,
Ampla dat Ausonio regi quoq; dona, suamq;
Legitimo thalami conjungit fœdere neptem.
Post hunc Sarmatiae Ludovicus frana capeffit,
Qui genus à prisco se Paone ducere jactat,
Paone, ceruleus regnum cui subdidit Ister.
Nec virtute tamen minus est quam sanguine
clarus.

Magno victor agit, Litavos certamine fusos.
Hic duo faminei, Ludovicus, pignora sexus,
Corpore præsianti, castoque pudore relinquit:
E quibus egregia Litavus de stirpe Iagello
Ipse sibi jungit tædis solennibus unam.
Et dotale capit nuptiâ cum virgine regnum.
At prius abluitur caelestis fonte lavacri,
Proque Iagellonis sibi nomine, nomen adoptat:
Ladislae tuum: namque impius ante nefandos
Dirorum cultus, & barbara sacra colebat.

Ergo

SARMATICUM.

Ergo piâ Christum nunc religione professus,
Præcipit excindi lucos, Anguesque necari,
Indigenâ Litavi quos numinus instar adorant.
Erigit instaurans & dulcibus atria Musis,
Hic, ubi flavescentes celer Istula volvit arenas.
Rege sub hoc vertunt infestis terga Polonis
Candida qui gestant Mariani pallia fratres:
Innumerique cadunt adverso Marte perempti.
Se vidisse negat Trasmenus & Allia tantâ,
Accipit infelix hic quantam Prussia cladem.
Haud secus ac nivibus madet humida terra
solutis,

Dura relaxantur cum frigora, tempore veris.
Sic undante natat, caesorum sanguine campus.
Ipse triumphalem prostrata per agmina currit
Latus agit victor, spoliisque exultat opimis.
Iamque senex reddit languenti corpore vitam,
Et sua sceptrâ, puer, tibi, Ladislac, relinquit.
Egregia vero tu pradius indole mentis
Indigenas tanta populos cum laude gubernas,
Te quoque Danubii declaret ut accola Regem.
Ergo amplis opibus, fretusq; potentibus armis.
Ipse tuis annis, majoraque viribus audes.
Ingressus Macedum numerofo milite fines
Ponis in Orphei tentoria saltibus Æmi.
Non te nubifera rupes, non sava retardant
Frigora, quaq; cadunt altis de montibus amnes:
Donec Amurhates ad Varnam Turca paludê
Te cohens tandem victoribus exuit armis:

Bis

PEPLUM

Bis tamen impulsos cogis dare terga, bis hostes
 Difcus, ante tuo vitam quā sanguine fundis.
 Heu miserande puerile clara Borysthene tellus
 Te cum Danubio pater Istula luger ademptū.
 Limosq; gemunt Varna sub gurgite Nympha.
 Post ducis interitum funestaque praelia, tradit
 Regia Sarmatia Calumiro sceptrā senatus,
 Hic vero memorum studiosus tempora quercu
 Cincta gerit, latogue tenens venabula ferro.
 Aut venator agit pavidos in retia cervos
 Scitigeros aut figit apros: comitantur euntem
 Riphæique canes, armillatique molossi
 Attamen armorum præfert venatibus artes
 Et capit ereptas Marianis fratribus urbes.
 Inde subis patri, magnūque sub arma coactū
 Ducis Ioannes Alberte binominis agmen,
 Utinūquehec Patruī, quem Varna perēptum
 Abstulit: instauras in favos praelia Turcas.
 Et jam signa moves, jam barbara vertere cogis
 Terga, sagittifero Dacos & Iazygas arcu:
 Cum gravis assilgit te morbus & exigit avo
 No presentis agas suscepta negotia belli,
 Tristia lugubres faciunt tibi funera Musa:
 Nam tu Callimachii, genuit quē Thracia vātē
 Dulcia Pieridum tangentes plectra, fovēbas,
 Edite Alexander variis spectacula ludis: (bis
 Gymnica nunc levibus certamina ponit ephē-
 Corporis exercent agili qui membra palastrā.
 Nunc pugna simul, tra ciet sub equitribus
 Gaudet

SARMATICUM.

Gaudet in circo concurrere grandibus hastis.
 At non hostili sine sanguine ludicra semper,
 Seria, sed miscet duri quoque praelia Martis,
 Fortibus ulciscens armis perjurā Mosci,
 Proxima nimbo Borea loca cadibus implet:
 Terrarūq; vagos Scythica de gente latrones,
 Riphæos ultra montes, Tanaimque repellit.
 Hinc atate gravis dat regia iura Polono
 Cana Sigismundus diademate tēpora cinctus.
 Moschorūq; Ducē, quā flava Borysthēnis errat
 Vnda, rebellantem, memoranda clade coerces.
 Victor Hyperborea comescit & agmina gentis,
 Taurica quam tellus pharetrata culta Diana
 Educat, humana gaudentem sanguine cadis.
 Nec minus à patrio digressum limite Dacum
 Arctē, & edentem crudelia funera, sternit,
 Hic, ubi fumoso per inhospita saxa volutus
 Labitur amne Tyras, dirimensq; rapacibus
 undis
 Sarmatia fines Dacorum separat oris.
 Quin parere sibi veteresq; subesse Borussos
 Cogit, odora legunt qui succina nata profundo.
 Inque suā redigit dirionem, quicquid habebat
 Inclyta nobilitas Germani sanguinis illic.
 Ecce autem tristē defunctā coniuge luctum
 Percipit, Humorū veteri quā sanguine cretā
 Carpathis ediderat prope fontē Nympha Ty-
 Iaq; sua postquā consorti iusta peregit, (bis ci.
 Vritur igne novo: fixusque cupidinis arcu
 Dulcia

SARMATICUM.

Dulcia Sphortados connubia virginis ambit :
 Inter Iapygias quâ pulchrior altera Nymphas
 Non fuit, aut animo præstantior: esse fatetur
 Hanc sibi consilio Iovis edita vertice Pallas,
 Ore Venus, gravitate parem, Saturnia Iuno.
 Ducitur in thalamum regali nupta paratu,
 Qualiter Æmonio Nereia sponsa marito
 Est adducta Thetis, nuptibus comitata Latinis
 Turba puellarum sequitur: quas Daunia tellus
 Priscaque miserunt longinqui mania Barri.
 Parvus ad extremum puer his intexitur actis
 Sceptra Sigismundus regni gesturus aviti;
 Qui teneras inter forma præstante sorores
 Candida circumdans materno brachia collo
 Ludit, & Augusti cognominis omine gaudet.
 Idem florentes iam puber ut induit annos,
 Excipit amplexu consortem sponsus Elissam:
 Cesareis qua monstrat avos, ducitq; paternum
 Regibus orta genus, quos ditibus Austria terris
 Edidit, ac rerum dominos Germania fecit.

IN-

INDEX RERUM

Insigniorum.

- A**cademia Cracoviensis instituta. 127
 Academici Cracovienses discedunt
 seditione moti. 197-198
 Adalbertus Gnesnensis Archiepisc. in Prus-
 sia occiditur. 27. ejus cadaver Gnesna
 sepultum miraculi nobile. *ibid.*
 Albertus Marchio Cruciferorum magister
 bellum movet Sigismundo. I. 183
 inducias facit. 185
 fit Vasallus Regni Polonia. 187
 damnatur in Concilio Trident. 196
 Alexander Rex. 168. ejus prodigalitas. 173
 Ambitio potens malum. 158
 Amicitia firma exemplum Vladisl. Her-
 man. 48. Lescus Albus. 77
 Amurathis bella in Vngaria. 141. victoria
 ad Varnam, 143
 Annulum Scarbicus in thesaurum Ca-
 saris projicit. 52
 Aquila insigne Polonia. 2
 Archiepiscopatus Gnesna institutus. 24
 Leopoliensis. 119
 Auxiliatores sæpè magis quàm hostes timèdi.
 79
 B.
Barensis Ducatus Augusto ab Hispano
 praripitur. 205. 207
 Ioh

INDEX

Ioh. Basilidis Moschi crudelitas in capti-
vos, inprimis virgines aliquot. 211
Bela Vngaria regnum à Boleslao Aud. re-
stituitur. 38. perit casu. 39
Belzenfis Dux domitus. 115. 119
Bobricii virtus. 144
Bogdanus à Valachis rejicitur. 212
ej opem ferunt Poloni. 212. 213. 214
Bohemicum bellum. 37
Bohemia externis Regibus subicitur. 93
Bohemi Iagelloni se subiicientes repudian-
tur. 133
Bohemi Casimiro regnum deferunt. 138
Boleslaus Chrobri Primus Rex. 264 in Bo-
hemos movet. 28. in Russos. 28. in Saxo-
nas. 29. exemplum optimi Regis. 30
Boleslai Audaci pulchra initia. 36. bellum
Bohem. 37. Vngaricum. 38. Russica. 38.
39. 40. degenerat. 42. S. Stanislaus oc-
cidit. 43. ej seipsum postea exul. 44
Boleslai Crivousti pueri res gesta 49. bel-
lum Bohemicū duplex. 50. 51. Pomerani-
cum. ibid in fratrem mansuetudo. 53.
parricidium. 54. bella cum Casare 52
pugna in Campo Canino 53. Russica
bella. 56. 57. fraude vincitur 58. ex
marore obit. 59
Boleslai Crispi cum Conrado Casare trans-
actio

RERUM.

actio ej post bellum. 63. 64. cum Fri-
derico Barbar. 65. à Pomeranis clades. 65
Boleslai Pudici castitas. 80. fuga in Vnga-
riam. 82. in eandem seditio. 85. cala-
mitates. 86
Bona xfortia in Italiam abit invito filio.
202. moritur. ibid.
Ioh. Bonerus. 174
Buda fraude à Solymanno capitur. 193

C.

Callimachus Italus in Polonia beni-
gnè habetur. ibidemque obit. 162
Nicol. Camieniecius profigat Valachos.
177. ej Tartaros. 178
Cannensi similis clades à Tartaris. 81
Caninus Campus unde dictus. 53
Casimirus I. è monasterio ad regnum vo-
catur. 33. ejus prudentia ej fortitudo. 34
Casimirus Crispi frater respuit prin cipat-
um. 67. 69. percussus à Conario ignoscit
percussori. 69
Casimiri Magni ingenium quietum. 110.
Russiam Polonia jungit. 111. leges condit
ejus Magdeburg. introducit. 112. Lu-
dovicum Vngarum adoptat. 112. Pater
plebejorū dictus 113. nuptias cognata mæ-
gnificas struit. 115. ex casu moritur. 115
Casimirus III. regnum diu recusatum re-
cipit. 146. Pruthenos in obsequiū suscipit

INDEX.

147. bellum ejus cum Vngaris. 136
 mors prodigiis significata. 160
 Georgius Chodkiewiczus Moschos profligat
 260
 Christina uxor Vladislai maritum incitat
 in fratres. 60
 Sendivovius Ciarncovius. 172
 Stanisl. Ciolcus provocatus in duellum
 prodire prohibetur. 213
 Clemētia fortitudine interdū potentior. 71
 Colūnas in Sala flumine ponit Chrobri. 29
 Cometes sub Lesco Albo. 76
 Ioh. Conarius inter ludendum Casimi-
 rum principem percussit. 69
 Adamus Conarscius Legatus Neapoli ro-
 dit. 207
 Concilium Tridentinum. 193
 Ioh. Coniecpolius Regni Cancellarius. 147
 Conradi Imperatoris in Asiam, & post in
 Poloniam expeditio. 64
 Contemptus hostis noxijs. 150
 Cracovia condita. 5
 Cracus abnuat principatum, susceptum pa-
 cat 5: Draconem conficit. Cracoviam
 condit. ibid.
 Cruciferi pulsi ex Asia recipiuntur à Con-
 rado Masovio. 79. vocantur in auxi-
 lium contra Marchiones. 100. arcem
 Gedanensem sibi usurpant. ibid. & max

RERUM.

- Pomerāniam totam. 101. eorum ava-
 ritia & ingratitude. 106. magno pralio
 vincuntur à Lothico. 108. iterum à
 Iagellone. 130. paciscuntur cum Iagel-
 lone. 132. redeunt ad hostilia. ibid.
 transgunt cum Casimiro. 111. 153
 Crudelitatis Moschica exempla. 210. 211
 Crusphicia sedes principū. 13. deseritur. 19
 Cunigundis illibata castitas. 80
 Curlandia Ducum initium. 204
 D.
 D Antiscana arx à Cruciferis usurpa-
 tur. 100
 Dantisci turba. 201. ob religionē. 180. 186
 Dantiscanorum privilegia. 148
 Dantiscanus Magistratus à Sigismundo
 Augusto castigatur. 209
 Derpatum miserrimē habitū à Moscis. 210
 Disciplina militaris inchoata. 20. restau-
 rata. quam utilis. 128
 Discordia in Electione Regum. 168
 Ioh. Dlugossus historia Polon. scriptor. 152
 Dolus Russorum. 58. Valachorum. 113
 Draco confectus. 5
 Duella bina Polonorum cū Turcis. 212. 213
 Petri Dunini jocus infelix. 61. 62.

E.

- Leſtio Regum libertatis nutritrix. 168
 Elizabetta Ludovici Vngari filia. 122

INDEX

nubis Iagelloni.	123
Eſtera ob pudicitia dicta Sigism. I. uxor.	182
Expediſio publica ſub Sigism. I.	191
F.	
F Ames in Polonia ſub Caſim. M.	114
Felicitas periculosa.	44
Fidem ſervare quorum principum.	74
Nicol. Firlejus Caſtell. Cracov. & Dux exerc.	157. Palatinus Lublinenſis & Dux exercit.
	175. 183
Fiſci avaritia ſub Miecislao ſene.	67
Fraudes cautos homines faciunt.	58
Fridericus Cardinalis frater Alexandri Regis.	168. 169
Friderici Barbaroſſa in Poloniam expedi- tio.	64
G.	
G eorgius Bohemorum Rex.	154
Germani unde in Polonia ſubmon- tana.	113
Gladios Poloni ſtringunt inter ſacra.	25
Michael Glinſcius turbat Lithuaniam.	170
conſpirat cum Moſcho.	175
Gneſna condita.	2
Gorhofſtedus Keſlerus Curlandia Dux creatur.	204
Guilielmus Auſtriacus ambit Eliza- betham Iagelloni poſtea nuptam.	123
Hab	

RERUM.

H.

H abdankiorum familia nomē unde.	53
Halicia & Halicienſes.	58. 70. 77
Halicia archiepiſcopatus.	119
Ioh. Herburti fortitudo & pericul.	213. 214
Heroum filii degenerant.	32
Ioh. Hunniades.	141

I.

I agello Vladislaus Chriſtianus fit. reli- gionem in Lithuania propagat.	125.
ejus cum conjuge diſcordia.	126. Aca- demiam Cracov. inſtituit.
	127. Victo- ria de Cruciferis inſignis.
	130. Regnum Bohemia reſpuit.
	133. à Vitoldo inſeſ- ſitur.
	133. 134
Iaropelcus capitur, diſmiſſus ulciſcitur in- juriam.	57
Ia xyges 83. internecione pereunt.	88
Iniquitas humana in ſe & fortunam.	59.
Iocandum caute cum Dominantibus.	162
Iohannes Albertus Rex 161. inſelicititer in Muldavos movet.	163. cum fratre bel- lum gerit.
	158
Iohannes Scepuſtus Sigism. I. affinis.	181.
ambit Vngaria regnū.	188. moritur.
	192
Iohannes Finlandia Dux à fratre Erico carceri includitur.	206
Iohannes Lucelburgicus Rex Bohem. Sile- ſiam	

INDEX.

siam sibi subiecit. 103. *dat Pomeraniam Cruciferis nullo jure.* *ibid.* *Polonis inimicissimus.* 111
Ivonia Valachorum Principis crudelitas. 211

K.

K *Arnkovius Andreas.* 198
Kiovia expugnata. 41. *Capua fit Boleslai Audacis exercitui.* *ibid.*
Petrus Kmitha Palas. Cracoviensis. 197

L.

L *Echus primus Polonorum Princeps.* 1
ejus res gesta non prodita. 1:2
Lechus II. fratrem occidit & exulat. *ibid.*
Legati Provinciales instituuntur. 153
similes potestate Tribunis Romanis. 153
Legatus violatur. 135
Leges olim nulla principibus. 1. *à XII. Palatinis lata non scripta.* 4
Raphael Lescinius. 185
Lescus II. ludicro cursu ad principatum pervenit. 11. *optimè administrat res, prioris fortuna memor.* *ibid.*
Lescus III. patri virtute similis, Caroli Magni foederatus. 12
Lescus IV. Pacificus. 21
Lesci Albi pueri lites cum Mieciſlaopatro 72. 73. *in Govoricium fides.* 77
Lesci Nigri bella cum Russis, Silesiis, Lithuanis

RERUM.

thuanis 87. 88. 89. *in Cracovienses-gratitudo.* 90. *vindicta in Masovios infelix.* 91
Limitaneus miles conscriptus. 174
Lithuania cum Polonia unio. 123
renovata sub Sigism. Augusto. 208
Lithuani funduntur. 88. 89
Livonia dissidiis laborat. 203. *à Mosco oppugnatur.* 204. *jungitur Polonia regno.* *ibid.*
Ludovicus Vngarus Rex Polonia. 116. *Cassimiri M. filias abjicit.* 117. *matrem sibi vicariam facit.* 118. *Russiam Vngaria jungere molitur.* 119. *Artium liberalium patronus.* 120. *habitu dissimulato inquiris in mores suos.* 120
Ludovicus Vngarus Regis ad Mohacum clades & interitus. 188

M.

M *Ajestatis causa non retractant facta Reges.* 185
Marchia vastatur. 86
Marchiaci proditione Pomeraniam occupant. 94. *vendunt Cruciferis.* 102
Maslus Masoviam occupat. 33. *debellatur & suspenditur.* 35
Masovia Polonia regno accedit. 188
Matthias Vngar. Rex. 154. *ejus bella cum Polo-*

INDEX

Polonis & Bohemis.	155. 156.
Mathematici praesagium de periculo Augusti.	201
Maximiliani I. Caesaris offensam Sigisf. I. & reconciliatio.	181
Miecislavus primus princeps Christianus, 24	
caecus natus subito visu donatur.	22
Miecislavus II. filius Boleslai Chrobri de gener.	31. 32
Miecislavus senex cur ita dictus. 67. principatum subinde amittit & recipit. 68.	
74. 75	
Nicol. Mielecius Palatinus Podol.	212. 213
Miesco Bolesl. Audacis filius.	45
Moraviam occupat Chrobri. 28. amittit ejus filius.	31.
Nicol. Moscorovius Praecancellarius.	125
Moschicum bellum sub Alexandro.	169
sub Sigismundo I.	175. 178
Mucha latrocinator in Russia.	160
Muldavi ad Oberinum à Ioh. Tarnovio caduntur.	189
Muldavicum bellum sub Sigism. I.	191
Mures Popielum II. devorans.	17

O.

Iohan. Olesničius Marefchallus scire dissidium pacat.	137
Omina quando observentur maximè.	163
Orichovius calibatu oppugnato turbat	

RERUM.

turbaturque.	200
Constant. Ostrogii Victoria de Tartaris.	
178. de Moschis.	179
Sendivog. Ostrogogius.	139
P.	
Stanisl. Pacius Moschos profligat sub Sigism. Augusto.	206
Palatini XII. imperant, leges condunt, decemviris Rom. similes 3. degenerant 4. iterum imperant post Venedam.	8.
Palatinus quidam pudore ignominia se suspendit.	59
Palatinus Cracoviensis Castellano postponitur.	55
Parnavia à Polonis recuperata.	206
Pater rusticorum dictus Casimirus.	113
Paulus Polucosus Episcopus seditionem movet sub Pudico & Nigro.	84. 89
Perfidia exemplum.	74-75
Pestis in Polonia.	114
sub Sigism. Aug.	215
Piafius pauper ad sceptrum vocatur non sine miraculo. 17. regnat optimè. 18. longa posteritate felix. ibid.	
Plica morbus unde vulgè orta credatur.	91
Polonia ob Boleslai Audacis cadem excommunicata à Pontifice.	43
Poloni gladios stringunt inter sacra.	25

L

Pome-

INDEX

Pomerania ulterior divulsa à Polonia regno.	79.
altera proditur Marchionibus.	99. occupatur à Cruciferis. 100. 101
Pomeranicum bellum sub Audace.	37. sub Crispo. 65. 66
Pomerani victi convertuntur ad Relig. Chr.	56
Popielus Major degener.	13. Crussphiciam habitat. ibid.
Popielus Minor utriusque mancipium, & uxoris	14. patruus veneno necat. 15. à muribus consumitur. 16
Premisli aurifabri stratagema.	9. electio in Regem. ibid.
Premisli Majoris Polonia Dux Regium nomen resumit.	93. occiditur. 94
Privilegia quo tempore plerumque dentur.	112
Proditorum fatum.	58
Provisores in Polonia sub Vladislao.	111. 138
Prussicum bellum sub Casimiro princ.	71
sub Vladislao Hermann.	46
sub Sigism. I.	184
Prussi tributarii Polonis.	29
dedunt se Casimiro III.	148
Prussorum Privilegia.	148
tribunal & controversia quadam discussa sub Sigism. I.	184
Prussia Orientalis ut feudum Polonia Alberto Marchioni ceditur.	187
Nicol.	

RERUM.

R.

Nicol. Radziwillius Palat. Vilnensis Livoniam, nomine Regis Polonia, regno jungit.	204. profligat Moschos. 190. 206
Regium nomen ob Boleslai Audacis facinora desitum in Polonia, resumitur à Premislo.	93
Religio Christiana in Poloniam introductur.	24
Religio inter obstacula crescit.	202. coacta nunquam bene respondet. 65
Revalia à Magno Holsatie Duce obfessa.	209
Ioh. Rithuanus carpit liberè Regem.	151
Russi sub Lesco Nigro funduntur.	87.
juncti Tartaris depradantur Polonia.	83
Russia Polonia innexa.	111

S.

Sacrilegium duorum Lithuanorum puniuntur.	129
Nicol. Sarlejus.	149
Sbigneus Crivoulli frater ab hoc occiditur.	54
Scarbicus legatus annulum in thesaurum Caesaris projicit.	52
Scarbimirus Palat. Cracov. excacatur.	55
Scepulii urbes quadam oppignorantur Iagelloni.	132
Seecehi Palat. Cracov. res gesta.	46
superbia 47. exilium.	48
L 2	Sedi.

INDEX

<i>Seditio sub Crispo.</i> 66.	<i>sub Castmiro.</i> 70.
<i>sub Pudico</i> 85.	<i>sub Lesco Nigro</i> 88
<i>Lothico</i> 101.	<i>sub Ludov. Vngaro.</i> 118
<i>sub Sigism. I.</i>	191
<i>Seditio Lithuanorum.</i>	191
<i>Severientes seditiosi compescuntur.</i>	159
<i>Nicol. Sienavius.</i>	191
<i>Jacob. Sienianius à Rege infestatur.</i>	191
<i>Sigismundus I. Rex creatur.</i> 174.	<i>bellum ejus Moschicum.</i> 175.
	<i>alterum.</i> 178
<i>iter ad Maximil. I. Casar.</i> 181.	<i>bellum Prussicum.</i> 183.
<i>Muldavica Victoria.</i> 191.	<i>mors.</i> 194.
<i>virtus corporis & animi.</i>	194
<i>Sigismundus Augustus succedit patri.</i> 196	<i>matrimonium init cum Radziwillia.</i>
<i>ibid. laborat hinc invidia.</i> 197.	<i>periclitatur Regiomonti.</i> 201.
<i>ducit Catharinam Austriacâ.</i> 201.	<i>moriuntur.</i> 215
<i>Sigismundus Marchio ambit Regnum Polon.</i>	121
<i>Silesia divulsa à Polonia regno.</i>	65
<i>Silesia quibus modis Bohemus cesserit.</i>	103
<i>Silesii discordes.</i>	85. 95.
<i>Skirgello Lithuania praefectus.</i>	125
<i>rejeetus Cruciferis se jungit.</i>	126
<i>Smolenscum obsidetur à Moscho & prodicione capitur.</i>	172
<i>Sales duo confecti.</i>	160
<i>Soli-</i>	

RERUM.

<i>Solimanni Victoria ad Mohacum.</i>	188
<i>Stanislaus vir sanctus Regem castigat.</i>	43
<i>suscitat miraculose Petricum mortuû.</i>	43
<i>occiditur à Boleslao Audace.</i>	ibid.
<i>Stanislaus Vistempus cum Turca duello congreditur.</i>	213
<i>Stratagema Premisli.</i>	9
<i>Strussii fratres pereunt gloriosè.</i>	170
<i>Suentopelcus Pomeraniam à regno Polonia avellit.</i>	79
<i>Floriani Szarii vulnus & dictum ad Lothicum Regem.</i>	108
T.	
<i>Ioh. Tarnovius Castell. Cracov.</i> 197. 199	<i>contra Turcas mittitur.</i> 136.
<i>Victoria praelara potitur de Muldavis & premio raro.</i>	189
<i>Tartari qualis gens</i> 78.	<i>eorum in Tauricam Cherfonesum adventus, & inde in Russiam.</i> 78.
<i>eorum irruptio sub Pudico multiplex.</i> 81.	<i>saccos novem auribus Christianorum implent.</i> 81
<i>Eorum irruptio sub Lesco Nigro.</i>	91
<i>Viginti millia Virginû abducunt.</i>	ibid.
<i>aquas insciant.</i>	ibid.
<i>irruptio alia sub Vladisl. III.</i> 139.	<i>sub Ioh. Alberto.</i> 161
<i>de iis sub Alexandro victoria insignis.</i>	172
<i>Ioh. Tencinius.</i> 139.	<i>Palat. Sandomir. leges novas defendit.</i> 199

INDEX.

Trepka secretorii inter tormenta tenax.	179
Tributum extraordinarium.	80
Tributa nimia sub Miecislao sene.	67
Turca vincuntur. 141. vincunt ad Varnā	
145. gelu puniuntur divinitus.	165
Budam occupant fraude.	192
Turcarū quorundam duella cum Polonis.	
V.	212. 213.
V alachia inter Turcas & Polonos vacillat.	162
Valachi crudelitatem Principis non avertantur.	212
Valachicum bellum sub Ioh. Alberto.	162
sub Sigism. I.	177
Valachorum dolus 113. 164. irruptio gravissima. 165. alia sub Alexandro.	169
Varnensis clades Vngarorum.	144
Venceslai duo Polonia Reges.	96. 98
Venda, virgo mascula, prociū respuit.	7.
seipsam in Vistulam precipitat.	8
Veringus Consul. Cracov. excipit quatuor Reges.	114
Vicinus malus quanta calamitas.	108
Vienna obsessa a Turcis.	158
Vitoldus seditiones movet. 125. regnum ambit & propè accipit.	131. 134
Vladislav Lothici in Silesios bellum. 95. dejectio de principatu & exilium.	96. 97
restitutio. 98. Oratio ad suos.	104.
Visto-	

RERUM.

Victoris ingens de Cruciferis.	108
Encomium.	109
Vladislaus Crivousti successor iniquus in fratres. 60. fugatur regno.	62
Vladislaus Hermānus Audaci succedit.	44
Seczechum agrè deserit.	48
Vladislaus Casimiri III. filius Bohemorum Rex.	155
Vladislaus III. puer regno inauguratur	
137. Vngaria regnum agrè suscipit.	139
perit ad Varnam.	145
Vngaricum bellū sub Bolesl. Audace.	38. 40
Vngarorum ad Varnam clades.	145
ad Mohacum.	188.
Z.	
Z abrezinius Lithuania Marechal-lus.	175
Zamosciana familia insigne.	109
Ioh. Zamoscius.	109
Stanisl. Zamoscius.	205
Zaremba persequitur Cruciferos.	184
Ioh. Zborovii fortitudo in Moschos.	205
Nicol. Zembocii uxor castitate laudata.	41
Ziemomislus quietis amans.	22
cacum filium suscipit.	23
Ziemovitus ordines militares instituit, vir fortissimus.	20
Ziemovitus Masovia dux.	122.
F I N I S.	

CORRIGENDA.

Pag. Lin.

20. 10. temperare.

30. 22. cuiusquam.

31. ult. virtute, stirpe
Regia Ungari.

34. penult. sed ut à.

61. ult. Dobello.

ibid. linguaque.

62. 9. procerum.

65. 8. Silecia.

71. 7. *muta comma*

sic, coersuit metus,
admiratio &c.

79. 14. 15. *sic corrige:*

formidabiles fiant

vocati in auxilium

populi, quàm fue-

rant hostes, contra

quos vocabantur.

80. 24. Zavichostū.

81. 6. 7. Ratiboriae.

21. Romanae.

85. 19. provinciae,

92. 4. *pro, miles vero,*

Et miles praedator.

107. 23. *ita malim:*

enifurum dubito, ut.

118. 16. *malim omitti*

illa: aegrèque fiunt

minores &c.

119. penult, comma

post, cum,

121. *antepen. alii.*

122. *antepen. adde-*
bat.

128. *penult. obsequii.*

144. 17. 18. *malim ita:*

interim morâ tor-

pescere animi, &

coorta &c. raptari:

cum veniens tan-

dem &c.

148. 19. exciperent.

158. 10. *post, negotio,*

dele, que.

161. *antep. quem.*

190. 1. *bis, dicere, dele*

alterum.

196. 16. Stanislai.

202. 1. inturbidos.

198. *pro* Scholasticos

pone Studiosos. ne

fortè offendantur,

quorū honorē qua-

ro, & gratiā aestimo.

203. 17. Archiepi-

scopum.

205. 22. Parnaviae.

207. 15. sesquimēsis.

208. 22. insuper.

214. 11. foret.

